

续宏简录



續弘簡錄元史類編卷之八

皇清詹事府少詹事仁和邵遠平戒山學

天王六

泰定皇帝諱也孫鐵木兒世祖嫡曾孫晉王甘麻剌長子英宗  
叔也初太子真金生三子長曰甘麻剌次曰答剌麻八剌三即  
成宗答剌麻八剌先薨世祖封甘麻剌爲晉王出鎮北邊至元  
十三年十月二十九日生帝于晉邸世祖崩甘麻剌奔赴上都  
諸王大臣皆以晉王爲冢孫義當立甘麻剌乃遜位于弟而自  
願歸藩成宗之得立由晉王之讓也大德六年晉王薨帝襲封  
仍鎮北邊武仁二帝之立咸與翊戴有盟書賜南康路六萬五  
千戶爲食邑英宗卽位告饑賑鈔百萬貫後遣使以地七千頃  
歸朝廷請有司徵租歲給糧鈔執藩臣禮甚謹先是王府內史

倒刺沙得幸于帝仁宗朝以其子哈散事丞相拜住得入宿衛  
偵伺中朝事久之脫歸知御史大夫鐵失與拜住意相忤欲傾  
之亂且作以其故告帝至治三年宣徽使探忒來王邸與倒刺  
沙言主上將不利于晉王由是二人深相要結八月二日帝獵  
於禿刺之地鐵失密遣幹羅思來告曰我與哈散也先鐵木兒  
失禿兒章台謀已定事成當推王爲帝又以告倒刺沙且言惟  
汝與馬速忽知之勿令旭邁傑得聞也于是帝大驚命囚幹羅  
思遣使赴上都以逆謀告未至而難作諸王按梯不花淇陽王  
也先鐵木兒奉皇帝璽綬來迎九月癸巳帝卽位于龍居河頒  
蒙古詔赦天下以也先鐵木兒爲右丞相倒刺沙平章政事乃  
馬台爲右丞善僧爲左丞鐵失撒的迷失完澤馬某沙並知樞  
密院事馬速忽章台同知樞密院事禿滿同僉樞密院事孛羅

為宣徽院使旭邁傑為宣政院使阿散為御史中丞失禿兒為

大司農蓋雜用新舊以安反側己亥諭銓選一歸中書惟樞密

院御史臺宣政宣徽二院得自擬奏辛丑召諸王官屬流竄邊

遠者還本部冬十月甲子遣鐵失赤斤鐵木兒等詣大都以即

位告天地宗廟社稷輟耕錄云晉邸入繼大統告祭太廟之

王買奴進曰不誅元凶則陛下善名不著天下後世何從而知

非與聞其故乎帝然其言誅逆賊也先鐵木兒完者禿滿及鐵

失弟鎖南等于行在所命旭邁傑為右丞相召陝西左丞相禿

魯通政院使紐澤並為御史大夫遣旭邁傑至大都收鐵失及

其黨失禿兒赤斤鐵木兒脫火赤章台等悉誅之並戮其子孫

己巳太白犯亢丙午犯氐加內史按答出太師知樞密院事以

速速為御史中丞帝發北邊十一月己丑朔癸惑犯亢車駕次

中都修佛事于昆剛殿庚寅太白犯鈎鈴乙未犯東咸辛丑帝  
 至大都壬寅策惑犯氏丁未御大明殿受朝賀癸丑遣官詣曲  
 阜以太牢祀孔子丁巳祭道甲五福神赦凡有罪自首者槩與  
 原宥十二月巳未詔雪楊朶兒只蕭拜住賀勝觀音保鎖咬兒  
 哈的迷失李謙亨成珪王毅高昉張志弼普顏篤卜顏忽里等  
 寃存者召用死者各贈官壬戌役夫萬三千五百人浚鎮江漕  
 河及練湖戊辰追尊皇考晉王甘麻刺曰光聖仁孝皇帝廟號  
 顯宗皇妣晉王妃曰宣懿淑聖皇后巳巳辰星犯壘壁陣庚午  
 盜入太廟竊仁宗及莊懿慈聖皇后黃金主自至大二年十二月  
 月太廟主皆範金  
 之為乙亥太常禮儀院言世祖以來太廟歲唯一享先帝始復古  
 制一歲四祭帝曰祭祀國之大事朕何敢簡其禮命仍舉四祭  
 從御史趙成慶言鐵木迭兒子鎖南及月魯禿禿哈速敦皆坐

與逆謀伏誅辛巳熒惑犯東咸癸未流逆黨諸王月魯不花于雲南按梯不花于海南曲呂不花于奴兒干寺羅兀魯思不花于海島以諸王買奴自拔逆黨逃赴上都特封泰寧王命前太師拜忽商議軍國重事剌沙爲左丞相敕嶺北省臣修佛事以却寇兵西僧祈禳大內以厭雷塑馬哈吃刺佛像于延春閣之徽清亭丁亥改元詔曰朕荷天鴻禧嗣大歷服側躬圖治夙夜祇畏惟祖訓是遵開歲甲子景運伊始思與天下更新稽諸典禮踰年改元可以明年爲泰定元年免大都興和差稅三年八番思播兩廣洞寨差稅一年江淮朔科包銀三年四川雲南甘肅秋糧三分河南陝西遼陽絲鈔三分除虛增田稅免幹脫逋錢賑恤雲南廣海八番等處戍軍求直言賜高年帛禁獻山場湖泊之利改吏員出身者秩許至四品是歲廣州新會民犯

長弟作亂雲南開南州大阿哀阿三木台龍買六千餘人寇哀  
卜白鹽井車里于孟寇雲南西番寇鞏昌府各降詔招諭

泰定元年甲子春正月乙未重作仁宗及慈聖皇后金主成奉

安太廟以乃馬台平章政事甲辰敕譯列聖制詔及大元通制

刊本賜百官戊申八番生蠻韋光正等及楊黃五種以二萬七

千戶來降置長官司撫之己酉召親王圖帖睦爾于瓊州阿木

哥于大同丙辰封解州鹽池神曰靈富公定怯薛歹歲給鈔八

八十錠二月丁巳朔作顯宗影室甲子作佛事用僧八百人及

倡優百戲導帝師游皇城庚午選守令推官舊制臺憲歲舉守令推官二人有罪

連坐至是言其不便復命甲戌初開經筵命張珪王結吳澄鄧

中書于常選擇人用之文原充講官以帝範資治通鑑大學衍義貞觀政要等書進講

是月上大行皇帝尊諡冊曰瑤圖纘緒神已御于鼎湖玉闕揚



休禮宜于太室悼降年之不永儼立政以如新爰述徽猷用  
傳信史欽惟大行皇帝文明天縱剛健日嚴辨奸邪于嗣位之  
初彤庭祇畏廣儀注于熙朝之際清廟肅雝絕封敕以杜儉人  
申憲章以勵多士罰茲無赦令必惟行君臨三載而有成知周  
萬物而莫隱豈運逢艱否大命靡終然號謹追崇尊名是著謹  
奉玉冊玉寶上尊號曰睿聖文孝皇帝廟號英宗伏惟炳靈有  
赫欽格無違祔于新宮以妥以佑

見元文類  
袁桷撰

三月丁亥朔立詹

事院以太傅朶台為太子詹事楊廷玉為中書參知政事也兒  
吉尼知樞密院事給蒙古流民糧鈔遣還所部有擅徙者斬丙  
午立八不罕弘吉刺氏為皇后以皇子阿速吉八為皇太子八  
的麻赤兒間卜嗣封晉王夏四月歲申作昭聖皇后御容殿于

普慶寺

按昭聖皇后文宗母也此時  
未應追尊作殿史必有誤

辛酉親王圖帖睦爾至自

潭州甲子車駕幸上都留諸王寬徹不花失刺平章烏伯都刺  
右丞善僧等居守發兵民築渾河堤辛未月食既癸酉以禿滿  
迭兒平章政事庚辰帝以風烈月食地震手詔至大都戒飭百  
官曰此者災異屢見朕以憂天下爲心反躬自責謹守祖宗成  
訓修德慎行爾等宜各勤乃職以答天意并令廷臣集議時政  
得失五月丁亥御史董鵬南等言平章乃馬台宣徽使帖木兒  
不花詹事禿滿答兒皆黨附逆徒有虧臣節乞正其罪以消天  
變不報帝諭省臣曰朕卽位以來無一人能執成法爲朕言者  
知而不言則不忠且陷人于罪自今凡有所見宜悉以聞使朕  
明知法度不敢妄自縱欲非獨朕身天下一切政務能守法以  
行則衆皆乂安反是則天下罹于憂苦又曰凡事防之于小則  
易救之于大則難爾其以朕言明告有衆俾知所慎壬辰省臣

以災異皆抗疏乞罷帝曰卿等皆辭去國家大事朕孰與圖優  
詔慰留之戊戌遷列聖神主于太廟新殿太祖居中南向睿宗  
祔左一室世祖祔右一室裕宗祔睿宗室之左顯宗順宗成宗  
以兄弟次祔世祖室之右武宗仁宗以兄弟次祔裕宗室之左  
英宗祔成宗室之右凡十室太常博士劉致建議曰周制天子  
七廟三昭三穆昭處東穆處西所以別父子親疎之序不使亂  
也聖朝取唐宋制定爲九世遂以舊廟八室爲六世昭穆不分  
父子並坐不合禮經新廟之制一十五間東西二間爲夾室太  
祖室旣居中則唐宋之制不可依惟當以昭穆列之父爲昭子  
爲穆則睿宗當居太祖之東爲昭之第一世世祖居西爲穆之  
第一世裕宗居東爲昭之第二世兄弟共爲一世則成宗順宗  
顯宗三室皆當居西爲穆之第二世武宗仁宗二室皆當居東

為昭之第三世昭之后居左穆之后居右西以左為上東以右  
 為上如此則昭穆秩然不違禮經可為萬世法若仍累朝定制  
 依室次于新廟遷安則顯宗躋順宗之上順宗躋成宗之上以  
 禮言之春秋閔公無子庶兄僖公代立其子文公遂躋僖于閔  
 之上史稱逆祀及定公正其序書曰從祀先公然僖公猶是有  
 位之君尚不可居故君之上况未嘗正位者乎雖國家以右為  
 尊然古人所尚或左或右初無定制古人右社稷而左宗廟國  
 家宗廟亦居東方豈有建宗廟之方位既依禮經而宗廟之昭  
 穆反不合禮經乎廷議是之見名臣奏議初建廟時太祖居  
 成宗武宗仁宗並祔東室後議國朝建太廟遵古制古尚左今  
 尊者居右為少屈故改為昭穆之序但太宗定宗以世天下之  
 君皆不獲廟享憲宗亦以不祀且不禩所受丙午太白犯鬼持  
 國之君而兄弟共為一世其因襲之弊如此  
 御史高奎上書請求直言辨邪正明賞罰帝嘉其言賜銀幣丁

未太白犯鬼積尸氣六月乙卯朔蒙化州土官高蘭神塲寨主  
羅九寇威楚路庚申張珪至上都奏在廷集議言逆黨未討奸  
惡未除忠憤未雪冤枉未理政令不信賞罰不公賦役不均財  
用不節請裁擇以回天變不報癸亥作禮拜寺于上都及大同  
路給鈔四萬錠丙寅廣西兩江土官黃勝許岑世興遣其子弟  
入貢各授沿邊溪洞軍民安撫使丁卯大幄殿成作鎮雷坐靜  
佛寺帝受佛戒于帝師庚午置海刺秃屯田總管府己卯詔疏  
決繫囚免天下和買雜役三年百官四品以下普覃散官一等  
三品遞進一階遠仕瘴地身故不得歸葬者有司資給還鄉秋  
七月丙戌思州平茶楊大車酉陽冉世昌寇小石邪凱江等寨  
庚子命諸王伯顏帖木兒出鎮濶連東部撒忒迷失率衛士佐  
太師按塔出行邊癸卯放廣閩採珠蠶戶爲民仍免差稅一年

丁未置長慶寺掌成宗幹耳朶諸事罷中瑞司汰東宮衛士朝

止三千人近增至萬七千廣西慶遠徭潘父絹等率眾來降八

人命詹事院汰去仍舊制自皇慶元年以漢人刑

月乙卯敕刑獄復隸宗正府刑部勿與名歸刑部今復置札魯

忽赤四十辛亥當作西遣翰林學士承旨幹赤祀太祖太宗睿宗

御容于普慶寺初三帝御容在翰林院後屢遷置普慶寺至是

常庚午作楠木殿棕殿及中宮金脊殿丁丑罷浚玉泉山河役

九月乙酉封也速不堅為荆王辛卯罷哈思的結曾思伴卜總

統所更置臨洮總管府乙巳順宗皇后忌日修佛事飯僧萬人

改邕州為南寧路冬十月戊午立壽福總管府典累朝神御殿

祭祀庚申命左右丞相日直禁中事則赴中書丙寅太白犯

斗巳巳入斗太陰犯填星庚午太白犯斗真州珠金沙河松江

府吳江州諸河淤傭民丁浚之命有司兼知渠堰事通考云江

浙省言吳

松江等處河道壅塞直爲疏條仍立隄以節水勢用夫四萬餘人以三月畢工由是吳松舊江二道烏泥涇大盈浦二河俱通

丁丑封親王圖帖睦爾爲懷王以魯國大長公主女妻之壬午

熒惑犯壘壁陣遣官分銓閩海兩廣四川雲南選十一月元文無

巳亥以木溫台知樞密院事辛丑造金寶蓋飾以珍寶貯佛舍

利甲辰作歇山鹿頂樓于上都十二月癸丑朔雲南徭阿吾爲

寇庚申同州地震癸亥鹽官州海溢有司請壘石爲塘帝曰築

塘是重勞吾民也其增石固扞禦之丙寅敕修英宗顯宗實錄

定內外官行禮雨雪免朝服庚午熒惑犯外屏乙亥太白經天

曲赦重囚三十八人爲三宮祈福是歲兩浙及江東諸郡水旱

壞田六萬四千三百餘頃大同渾源河真定滹沱河陝西渭水

黑水任縣沙澧洛水定州屯河渠州江水皆溢漂民居成紀縣

山崩水溢壅土至來谷河成丘阜各蠲賑有差

二年乙丑春正月丙戌辰星犯天雞戊戌西番參卜郎來降賜  
其長班米兒鈔帛辛丑命懷王圖帖睦爾出居建康壬寅太白  
犯建星戊申以乞刺失思八班藏卜爲吐番路宣慰使都元帥  
往鎮參卜郎之地庚戌帝諭宰臣曰向者卓兒罕察苦魯及山  
後皆地震內郡大小民饑朕惟太祖開創之艱世祖混一之盛  
期與人民共享安樂常懷祇懼災沴之至莫測其由豈朕思慮  
有所不及而事或僭差天故以此示儆其與諸司集便民之事  
定議以間閏月壬子朔大赦天下除江淮剝科包銀免被災地  
方差稅一年罷不急工役置惠遠倉永需庫于海刺禿總管府  
罷永興銀場聽民開採輸稅己卯山東廉訪使許師敬請頒族  
葬制禁用陰陽相地邪說修滹沱河堤及野狐色澤桑乾三嶺  
道二月丙戌頒道經于名山宮觀命道士祭五福太乙神丁亥



平伐苗部長的孃率戶十萬來降庚寅癸辰星填星聚于畢  
廣西瑤蠻潘寶陷柳城己亥封阿里迷失爲和國公張珪爲蔡  
國公以善簡平章政事庚子以黃河屢決立行都水監于汴梁  
命瀕河有司兼知河防事丙午造玉御床及象輦咸平府清河  
寇河合流失故道壞堤堰役蒙古軍及民丁數萬修築夏四月  
癸巳敕宿衛馬馳歸官廐毋散牧民間丁未封后父火里兀察  
兒爲威靖王戊申以許師敬爲中書左丞馮亨參知政事五月  
壬子車里陶刺孟及大阿哀蠻兵乘象寇陷朶刺等十四寨木  
邦路蠻入廟率焚燹寇陷劄入漢寨督邊將嚴設備癸丑龍牙  
門蠻遣使來貢辛未罷京師官鬻鹽攻河間鹽運司爲大都河  
間等路都轉運鹽司癸酉融州否泉洞吉龍洞峒村山黑江諸  
瑤爲寇丙子以國用不足敕減廐馬汰衛士罷營繕節諸王歲

賜停書金字藏經置諫議書院于昌平祀唐進士劉蕡河決大  
梁六月巳卯朔皇子生命巫被除內宮丙戌填星犯井鉞星躔  
州平南縣獠作亂達魯花赤都堅都監姚泰亨死之丙申中書  
參政左塔不台言大臣兼領軍務前古所無鐵失以御史大夫  
也先帖木兒以知樞密院事皆領衛兵如虎而翼故成逆謀今  
軍衛之職勿令大臣兼領庶勳舊之家得以保全帝嘉其直賜  
幣鈔丙午填星犯井丁未敕營造毋役五衛軍雲南阿只弄哀  
培蠻兵寇開南州白彝寇雲龍州秋七月戊申朔大小車里蠻  
獻馴象甲寅鎮康路土官你囊謀粘路土官賽丘羅來降左丞  
許師敬編類帝訓成更名皇圖大訓命于經筵進講以師敬充  
經筵官巳未置車里軍民總管府以土人寒賽爲總管癸亥遣  
湖廣左丞乞住等將兵討廣西叛獠特命諸王幹耳朶罕監其

軍海北徭長盤吉祥寇陽春庚午思州洞蠻楊銀千等來獻方  
物封駙馬李羅帖木兒知樞密院事火沙並爲郡王子中加朶  
台太傅禿忽魯太保以至禁中集議國事敕山東州縣收養流  
民遺嬰八月戊子修上都香殿癸巳歲星犯天罇辛丑敕諸王  
私入京者勿供億諸部曲宿衛私入京者加罪命度支監汰阿  
檣赤所掌駝馬九月戊申朔分天下爲十八道遣使宣撫詔曰  
朕祇承洪業夙夜惟寅凡所以圖治者悉遵祖宗成憲曩者屢  
詔中外百司宣布德澤蠲賦詳刑賑恤貧民思與黎元共享有  
生之樂尚慮有司未體朕意庶政或闕惠澤未周承宣者失于  
撫綏司憲者怠于糾察俾吾民重困朕甚憫焉今遣奉使宣撫  
分行諸道按問官吏不法詢民疾苦審理冤滯凡可以興利除  
害者從宜舉行四品以上有罪停職申請五品以下就便斷決

其有政績尤異暨晦跡丘園才堪輔治者具以名聞命馬合某

李處恭之兩浙江東道朶列禿齊履謙之江西福建道舉林伯

蒙弼之江南湖廣道李家奴朱蕢之河南江北道阿吉刺曹立

之燕南山東道別帖木兒韓讓之河東陝西道納哈出董訥之

山北遼東道衆家奴韓庭茂之雲南省寒食劉文之甘肅省禿

里帖木兒廉惇之四川省帖木兒不花吳秉道之京畿道已酉

敕有司治義倉募富民入粟拜官以備賑二千石從七品千石正八品五百石從八

品三百石正九品諸王幹節遣使貢金浮屠甲寅禁饑民結扁

不願仕者旌其門擔社傷人者滿杖丁丑浚河間陳玉帶河冬十月戊寅朔廣西

岑世興復叛結八番蠻寇上林等州壬辰熒惑犯氏癸巳填星

退犯井丁酉廣西徭蠻何童降請防邊自効十一月元文無戊申

周王和世球遣使獻豹改長寧軍為州丁巳幸大承華普慶寺

祀順宗昭獻元聖皇后于影堂戊午填星退犯井及鉞星庚申  
廣西宣慰使獲猺賊潘寶下之獄其弟潘見復寇柳州壬戌定  
軍民官廕襲者由本貫圖宗支申請銓授加倒刺沙錄軍國重  
事丁卯罷蒙山銀冶提舉司壬申諸王斡耳朶罕以追捕廣西  
猺寇上聞帝曰朕自卽位累詔天下憫恤黎元惟廣猺屢叛殺  
掠良民故命爾等往討今聞迎降者衆宜更以恩撫之若果不  
悛嚴兵追捕勿縱十二月戊寅命塔失帖木兒爲右丞相錄軍  
國重事封薊國公乙酉熒惑犯天江辰星犯建星甲午太白犯  
壘壁陣訃山東陝西湖廣地接戎彘選宗室重臣往鎮京師多  
盜增置邏防官兵立捕盜賞格壬寅右丞趙簡請行區田法于  
內地以宋董煟所編救荒活民書頒州縣是歲保定路饑賑鈔  
四萬錠糧萬五千石雄州水溢被災萬一千六百戶死者給鈔

以葬內郡饑賑鈔十萬錠米五萬石

通考云是歲海運江南糧一百七十萬石至京師時

廷議海漕事康里回回以廩積方饒奏減糧數以舒東南民力帝可其奏

三年丙寅春正月丙午朔高麗國王王章遣使賀正旦

自世祖至元二

十一年正旦高麗使者不會至是復至然其後亦不數見云

播州蠻長黎平慶等來降壬子

徵前翰林學士吳澄不起置都水庸田司于松江掌江南河渠

水利已未以山東湖廣官田賜民耕人各三頃仍給牛具辛酉

太白犯外屏二月壬午廣西全茗州土官許文傑作亂知州李

德卿死之以乃馬台知樞密院事丁亥罷征徭兵召幹耳朶罕

還本鎮戍兵如故丙申建顯宗神御殿于盧師寺賜額大天源

延聖寺戊戌

史訛甲戌

建殊祥寺于五臺山賜田三百頃庚子以祭

乃平章政事甲辰立典醫署隸詹事院三月乙巳朔帝以不雨

自責命審釋重囚遣使分祀嶽瀆及京城寺觀丙午填星犯井

庚辰星癸丑八番巖霞洞蠻來降歲輸布二千五百匹丁巳遣  
諸王失刺鎮北邊甲子命功德司簡歲修佛事一百三十七戊  
辰癸惑犯壘壁陣填星犯井庚午填星太白歲星聚于井辛未  
泉州民阮鳳子作亂寇陷城邑軍民官失討坐罪夏四月丙戌  
鎮安路土官岑修廣爲弟修仁所攻來告命湖廣行省撫治之  
戊戌太白犯鬼壬寅癸惑犯壘壁陣夔路米洞蠻田先什用等  
結十二洞蠻爲寇湖廣行省遣九姓長官招降之修夏津武河  
堤役夫萬七千五百人五月甲辰朔史訛甲戌修鎮雷佛事三十一  
所乙巳罷福建歲供蔗餉廣西岑世興及鎮安路岑修文合山  
獠角蠻入寇命湖廣雲南兩省招諭之遣指揮使兀都蠻鐫西  
番呪語于居庸關崖石庚午湖廣永明縣五洞河西加木籠四  
部來降各立其土官領之六月癸酉朔播州蠻黎平愛謝烏窮

為寇宣撫使楊燕里不花招平愛出降烏窮不附命湖廣行省

討之己亥納皇姊壽寧公主女撒答八刺于中宮秋七月甲辰

造豢豹羶車三十乘丁未酉陽寨土官冉世昌寧遠州洞蠻刁

用並入寇壬子修黑牙蠻答哥佛事于水晶殿皇后受戒殿中

鑄五方佛銅象戊午敕入粟拜官者准致仕銓格戊辰太白經

天河决陽武漂民居萬六千五百餘家詔瘞京城外棄骸八月

戊寅以星變罷獵下詔恤民通考六詔宮中買寶貨命省臣依累朝呈獻例給價毋得勒減稽遲

以病商人甲午罷行宣政院及功德司丁酉太白犯軒轅御女辛丑

作天妃宮于海津鎮自世祖末年每海漕至先遣官祀天妃累朝無虛歲鹽官州海溢壞

隄三十餘里遣使祭海神大都昌平大風壞民居九百家九月

辛亥命帝師修灑淨佛事于大明興聖隆福三宮癸亥太白犯

太微垣右執法戊辰湖廣雲南各寨土官奉方物來獻即其地



置木朶路木來州孟隆路哀培各甸並給印冬十月辛未朔癸

卒四千人治通州道辛巳太白犯進賢癸未史訛河水溢汴梁

壞樂利堤役丁夫六萬四千人築之賜大天源延聖寺吉安臨

江二路田千頃省臣言養給軍民必藉地利世祖建大宣文弘

教等寺賜永業當時已號虛費成宗復構天壽萬寧寺較前用

增倍半若武宗之崇恩福元仁宗之承華普慶租權所入益又

甚焉英宗鑿山開寺損兵傷農而卒無益夫土地祖宗所有子

孫當共惜之臣恐茲後藉為口實妄興工作徼福利以逞私欲

帝嘉其言終不能用十一月庚子命翰林集世祖嘉言善行為

聖訓以時省覽兼備經筵進講癸卯敕西僧每當元辰疏釋重

囚仍聽宗正府審奪辛亥追復前平章政事李孟官乙卯太白

犯鍵閉辛酉廣西透江團徭及扶靈青溪櫟頭等原蠻並為寇

播州蠻宋王保來降徙上都清寧殿于伯葉兒行宮十二月

元文

無壬午御史賈垕請祔武宗皇后于太廟不報

皇后列傳稱泰定四年崩而本

紀稱是年請祔不符俟考

帝欲于來年元夕構燈山于內廷御史趙師魯諫

遂罷其事丙戌聽陰陽家言發鈔三千錠施僧道及乞人繫囚

以禳天變丁亥寧夏地連震者四庚寅召江浙右丞趙簡為集

賢大學士領經筵事己亥亳州河溢大寧路水漂民居各八百

餘家扶靈洞蠻劉季等來降是歲海運米至京師者三百三十

五萬一千餘石賑饑民米計一百二十餘萬石給鈔半之終元

之世為最多

四年丁卯春正月乙巳御史臺請親祀郊廟帝曰朕遵世祖遺

制其命大臣攝祀己酉太白犯牛壬子以中政院金銀鐵冶歸

中書命靖安王濶不花出鎮陝西諸王火沙阿榮答里皇子允

丹藏十

泰定第  
三子

先後鎮北邊丁卯浚會通河築泚州護倉堤役

夫三萬人二月辛卯白虹貫日三月辛丑遣使江南求奇花異  
果癸卯和寧路地震丙午潮州路判官錢珍挑推官梁楫妻劉  
氏不從誣楫下獄殺之事覺珍自殺詔戮尸傳首辛酉命前太  
師伯忽預議大事食其俸終身名翰林學士承旨張珪集賢大  
學士廉恂太子賓客王毅悉復舊職敬儼爲集賢大學士並商  
議中書省事給累朝售寶價鈔十萬二千錠渾河決發軍民萬  
人塞之丁卯熒惑犯井以阿散火者知樞密院事夏四月辛未  
盜竊武宗金主及祭器以典守不嚴罷太常院官癸未鹽官州  
海溢命都水少監張仲仁發工匠二萬餘人塞之不止癸巳高  
州徭寇電白縣千戶張恒戰死賜祠曰旌義甲午奉安武宗新  
主以阿昔兒爲御史大夫五月乙巳命天師張嗣成修醮鹽官

州祀海發義倉粟賑其民丁卯罷諸王分地州縣長官世襲俾  
如常調官以三載爲考元江路土官普山一作普雙坐賊免遂結蠻

兵作亂敕復其舊職德慶路徭來降歸所掠男女悉給其親六

月辛未命翰林譯資治通鑑以進丁丑以災異罷兩都土木減

諸郡繫囚乙未紹慶路四洞蠻阿者降命爲蠻彝長官秋七月

丁酉元江普山復叛己亥內郡江南旱蝗薦至丞相以下並乞

解職有旨無多辭朕當自儆卿等亦宜各欽厥職建橫渠書院

于郿縣祀宋儒張載甲辰播州謝烏窮來獻方物丁未敕經筵

講讀官非有代不得去職甲寅市旄牛于西域丙寅塞保安鎮

渠役民丁六千人八月戊辰罷奉元路採捕珍禽異獸滹沱河

溢發丁浚冶河以殺其勢湖廣苗蠻祭伯秧寇李陀寨乙酉作

欽明殿成癸巳諡武宗皇后曰宣慈惠聖后傳是年十一月崩而本紀作是月升祔

互異 英宗皇后曰莊靜懿聖升祔太廟發衛軍八千人修白淨  
侯考 金山河堤鳳翔興元成鄒映州江陵同日地震九月丙申朔日  
食敕國子監仍舊制歲貢生員業減者六人禁僧道買民田主  
子太白犯房甲子定職官贓汚者流之廣海閏月己巳太白經  
天王申災變赦天下仍祀天地享太廟致祭嶽瀆諸神冬十  
月己酉復以趙世延爲中書右丞王士熙參知政事傅巖起爲  
吏部尚書御史韓鏞言尚書三品秩巖起由吏累官四品於法  
不得升遂止戊午辰星犯東咸壬戌命太常纂修累朝禮儀開  
南土官阿只弄復率蠻兵爲寇十一月庚午授思州土官田仁  
爲宣慰使播州謝烏窮爲蠻彝長官雲南蒲蠻來附卽其地置  
順寧府癸酉太白犯壘壁陣乙亥彗惑犯天江辛卯陽曲縣地  
震十二月庚子定捕盜格限內不獲者償其贓己未歲星退犯

太微西垣上將是歲發米二十四萬九千石賑大都饑三十萬

石散京師流民

通考云時有大星隕于獲嘉縣之墟初出為黑石土有點如星擊之鏘然人不言舉之則動言

則弗動土人以為怪積薪焚之雷雨交作乃止

致和元年戊辰春正月乙亥諭百司凡不赴任及擅離職者奪

其官避差遣者笞之丁丑命繪蠶麥圖頒農桑舊制十四條于

天下已卯帝將畋柳林御史王獻等以歲饑諫帝曰其禁衛士

毋擾民家命御史二人沿途巡察戊子罷河南鐵冶提舉司免

陝西撈鹽罷益都諸縣食鹽二月庚申詔改元致和免河南自

實田糧被災州郡差稅一年流民復業者差稅三年疑獄繫三

歲不決者省釋壬戌太白晝見三月庚午雲南安隆寨土官岑

世忠與兄世興相攻籍其民三萬二千戶來降升其寨為州以

世興知州事

主彘攷云宋皇祐間餘姚人岑仲淑從狄青平饑智高雷鎮邕州子自亭襲為沿邊安撫使來安略

都總管後遷入喬利跨有群柯廣西  
雲南皆分疆土故岑氏之族爲最大壬申立萬戶府二領征西

紅胖襖軍甲戌雅濟國遣使來貢巳卯帝御典聖殿受無量壽  
佛戒甲申遣戶部尚書李家奴往鹽官祀海神命帝師造浮屠  
二百一十六以鎮海巳丑雲南土官撒加布降以其地隸羅羅

宣慰司徒懷王圖帖睦爾于江陵夏四月丙申欽州猺黃焱等  
爲寇巳亥禁蒙古色目人倣漢法守制違者除名甲寅封唐柳

州刺史柳宗元曰文惠昭靈公五月甲子遣官分護流民還鄉

仍禁聚至千人者杖一百丙寅廣西普寧縣僧陳慶安作亂建

國改元巳巳大理怒江甸土官阿哀你寇樂辰諸寨庚辰有流

星大如缶其光燭地戊子以塔失帖木兒平章政事秋七月辛

酉朔寧夏地震庚午帝崩于上都壽三十六葬起輦谷終元之

世不爲帝立廟上諭止稱泰定帝

王禕曰武宗約繼世子孫兄弟相及而仁宗不守宿諾傳

續通志卷之八  
位英宗仍使武宗二子出居于外及英宗遇弒而明宗在北文  
宗在南晉王于世祖為嫡孫于次為長則求所當立者舍晉王  
將誰屬耶舊傳英宗之弒晉邸與聞乎故考  
之實錄皆不得其實傳聞之謬豈可信哉

冊曰長子世嫡嗣統允宜武位先立澤永人思忽焉不世

電滅雲移或曰南坡其變與知故史具在其又誰欺

明宗皇帝諱和世疎武宗長子也母妃亦乞烈氏武宗生二子

長即帝次圖帖睦爾即文宗成宗大德三年命武宗撫軍北邊以

四年十一月壬子生帝成宗無子武宗入承大統立弟仁宗為

皇太子約以次傳于帝仁宗得立延祐中按仁宗紀延祐二年十一月封和世疎為

周王三年三月送周王之雲南而此及文宗紀皆云延祐三年封周王年數互異故並改延祐中以槩之議建東宮

時丞相鐵木迭兒欲固位取寵乃議立英宗為皇太子又與太

后幸臣識烈門日譖帝于兩宮于是封帝為周王出鎮雲南置

常侍府官屬以秃忽魯尚家奴孛羅教化等為常侍遣就鎮帝



至延安時武宗舊臣釐日沙不丁哈八兒禿等來會潛與教化  
謀曰天下者我武皇之天下王之出鎮本非上意由讒構致然  
請以其故自行省俾聞之朝廷庶可杜塞離間遂與數騎馳去  
先是阿思罕爲太師鐵木迭兒奪其位出爲陝西行省丞相及  
教化等至卽與平章塔察兒行臺御史大夫脫里伯中丞脫歡  
悉發關中兵分道自潼關河中府入已而塔察兒脫歡中變襲  
殺阿思罕教化于河中帝乃西行至北邊金山西北諸王察阿  
台等咸率衆來附帝至其部與定約每歲冬居札顏夏居斡羅  
斡察山春則命從者耕于野泥十餘年間邊境寧謐仁宗崩英  
宗嗣立以帝遠居西北不足忌而鐵失等復搆帝弟圖帖睦爾  
徙之瓊州英宗遇弒晉王以大宗入繼泰定元年改封圖帖睦  
爾爲懷王命居建康致和元年三月徙居江陵泰定帝崩于上

都時僉樞密院事燕鐵木兒者武宗舊臣也方留守京師乃召百官集興聖宮倡言曰武皇有聖子二人大統所在當迎立不從者斬之乃縛平章烏伯都刺等十人下之獄迎帝弟懷王于江陵遣弟撒敦守居庸關子唐其勢守古北口以拒上都兵懷王入京師群臣請正大統九月壬申懷王卽位于大都改元天曆時泰定帝子阿速吉八年甫九歲在上都丞相倒刺沙立之爲帝改元天順遣兵分道攻大都燕帖木兒帥師與戰上都兵屢北十月齊王月魯帖木兒舉兵應懷王圍上都倒刺沙出降兩都道路始通當是時懷王已卽位稱帝號令天下非若仁宗之于武宗虛位以待其來者顧以帝居長恐不厭人望于是遣撒迪等相繼來迎帝遂發北邊舊臣尚家奴孛羅哈八兒秃從至金山嶺北武寧王徹徹秃僉樞密事帖木兒不花相繼至乃

命孛羅如京師兩都民間帝使者至驩呼載道曰吾天子果自  
北來矣諸王舊臣爭先迎謁所至成聚天曆二年正月乙酉撒  
迪等至入見帝于行幄陳懷王固讓意丙戌帝卽位于和寧之  
北扈行諸王大臣咸入賀乃遣撒迪還京師命之曰朕弟曩好  
書史邇者得無廢乎聽政之暇宜親賢士大夫講論史籍可知  
古今治亂得失汝往當以朕意諭之二月壬辰宣靖王買奴自  
京師來覲辛丑追尊皇妣亦乞烈氏曰仁獻章聖皇后三月戊  
午朔懷王遣燕鐵木兒奉皇帝寶來上御史中丞八卽刺知樞  
密院事秃兒哈等各率其屬以從四月癸巳燕鐵木兒見帝于  
行在率百官上皇帝寶帝嘉其勳拜太師右丞相如故復諭曰  
凡京師百官朕弟所用者並仍舊職燕鐵木兒奏國家大事所  
繫者中書省樞密院御史臺宜擇人居之帝然其言乃以武宗

舊臣哈八兒禿平章政事伯帖木兒知樞密院事孛羅爲御史大夫甲午立行樞密院命知樞密院火沙領行院事賽帖木兒買奴並同知行院事是日帝宴諸王大臣于行殿諭臺臣曰太祖有訓美色名馬人皆悅之然方寸一有繫累卽能敗名喪德卿等職居風紀亦嘗念及此乎天下國家譬猶一人之身中書其右手也樞密其左手也左右手有病治之以良醫省院闕失不以御史臺治之可乎凡諸王百司違法越禮一聽舉劾風紀重則貪墨懼猶斧斤重則入木深其勢然也朕有闕失卿等亦當直言毋諱又命孛羅等宣諭群臣曰世祖皇帝立省院臺及百司庶府共治天下大小職掌已有定制復命廷臣集律令章程以爲萬世法列聖相承罔不恪遵成憲朕今居世祖所居之位凡省院臺百司庶政詢謀僉同翻譯所奏以告于朕軍機重

務樞密院當卽奏聞毋以夙夜爲間故爲稽留其他事果有所  
言必先中書院臺其下百司警御之臣毋得隔越陳請違者罰  
毋赦丁酉以鐵木兒脫爲上都留守懷王立都督府及奎章閣  
學士院于京師以除目來上帝從之癸卯遣使如京師十日命  
左丞相鐵木兒補化攝告卽位于郊廟社稷立圖帖睦爾爲皇  
太子仍設詹事院以徹里鐵木兒平章政事濶兒吉思爲中書  
右丞甲辰加官吏送寶者秩一等從者賚以幣帛乙巳監察御  
史劾嶺北平章塔卽吉素非勳舊年已七十眊昏殊甚左丞馬  
謀本晉邸部民郎中羅里禿魯忽皆晉邸衛卒不諳政務帝如  
其言罷黜之仍諭自今所當言者毋有所憚五月丁巳朔封帖  
木兒爲保德郡王庚申賜扈蹕宿衛士鈔帛癸亥命有司新武  
宗幄殿車輿庚午命燕鐵木兒升用嶺北行省官吏選用潛邸

舊臣御史大夫李羅中政使尚家奴加特進典四宿衛士壬申封亦憐真八爲柳城郡王以八卽刺爲西臺御史大夫衆家奴爲中丞乙亥求皇太子故寶不知所在乃命更鑄丁丑皇太子發京師諸王駙馬及扈衛百官悉從行載乘輿服御送行在六月丁亥朔左丞相鐵木兒補化等以帝卽位攝告于宗廟社稷辛亥詔諭中書省凡國家錢穀銓選諸大政先啟皇太子然後奏聞癸丑丞相鐵木兒補化以久旱乞免帝曰修德應天乃君臣當爲之事朕未嘗斯須忘也皇太子來會當與共圖澤民利物者行之七月丙辰朔日食丙子授皇太子金寶壬午遣使詣京師敕平章哈八兒禿同翰林國史院官致祭太祖太宗睿宗三朝御容發諸衛軍完京城八月乙酉朔次旺忽察都之地丙戌皇太子入見是日宴皇太子及諸王大臣于行殿庚寅帝暴

明年三十從葬諸帝陵是月巳亥皇太子復卽位十二月乙巳

上帝尊諡曰翼獻景孝皇帝廟號明宗

文宗紀作十月內申事

國語曰護

都篤皇帝至順元年三月壬申禘于太廟後至元六年十月加  
上尊號爲順天立道睿文智武大聖孝皇帝

冊曰艱難備嘗人望所屬何嫌何疑推肝置腹人心不同  
天命反覆論定千秋此直彼曲

續弘簡錄卷八終

人

人

人

人

人

人

人

人

人

人

人

人



續弘簡錄元史類編卷之九

皇清詹事府少詹事仁和邵遠平戒山學

天王七

文宗皇帝諱圖帖睦爾武宗次子明宗弟也母妃唐兀氏大德三年武宗出鎮北邊帝以八年甲辰正月癸亥生武宗崩傳位於弟仁宗延祐中仁宗立子英宗為皇太子乃封武宗長子明宗為周王命鎮雲南而帝尚留京師至治元年中正使唆住誣告脫歡察兒等交通親王將搆異圖辭連潛邸於是出帝于瓊州未幾英宗遇弒晉王入立泰定元年正月名帝于海南行至潭州復止之居數月乃還大都改封懷王食邑端州六萬五千

戶二年正月仍命出居建康

輟耕錄云文宗潛邸金陵適太子

治上至取相嵌碧珠指環默祝曰若天命在躬此富不壞即投  
液中鐘成珠宛然在上光采煥發不以灼毀及登大寶方與近  
續人前錄  
卷七  
文宗

侍言向時祝天之識又云文宗居金陵時命房大年書京都

萬歲山大年辭以未嘗至其地上索紙為布畫位置令按橐圖  
上格法道整雖以殊祥院使也先捏掌其衛事時倒刺沙為相  
專工所莫及

狡復自用災異數見而帝兄弟播越南北武宗舊臣恒思之致

和元年春泰定帝出吹柳林以疾還宮諸王滿秃阿馬刺台太

常禮儀使哈海宗正濶濶出等與僉樞密事燕鐵木兒謀曰今

主上疾日作將往上都脫不諱吾黨扈從者執上都諸王大臣

殺之居守者即縛大都省臺官宣言武皇子當正位傳檄諸關

守帥則大事濟矣三月泰定帝如上都滿秃濶濶出等從以西

安王河刺忒納失里居守燕鐵木兒亦留大都時也先捏私至

上都與倒刺沙圖弗利於帝乃復遷帝居江陵七月泰定帝崩

于上都倒刺沙立其子阿速吉八收元天順遣使詣大都命平

章烏伯都刺收百司印時梁王王禪遼王脫脫手握上都重兵

而燕鐵木兒實掌大都樞密符鑰謀於西安王陰圖義舉八月  
甲午黎明集百官興聖宮燕鐵木兒率阿剌鐵木兒孛倫赤等  
十七人兵皆露刃以欲立武宗二子意號於衆乃手縛平章烏  
伯都剌伯顏察兒分命勇士執中書左丞朶朶參知政事王士  
熙參議省事脫脫吳秉道侍御史鐵木哥丘世傑治書侍御史  
脫歡詹事丞王桓等下之獄推前湖廣左丞相別不花爲中書  
左丞相詹事塔失海牙平章政事湖廣右丞速速爲中書左丞  
遣前河南參政明里董阿前宣政使答里麻失里馳驛迎帝于  
江陵密以意告河南平章伯顏令簡兵備扈從己亥明里董阿  
至汴梁悉執行省官收諸司印甲辰帝發江陵召鎮南王鐵木  
兒不花威順王寬徹普化湖廣平章高昌王鐵木兒補化來會  
執湖廣左丞馬合某

倒刺沙  
兄也

以別薛代之遣前西臺御史刺馬

黑巴等諭陝西陝西省臺官皆附上都不從殺去使戊申進伯  
顏爲河南行省左丞相己酉上都聞大都師起其諸王大臣滿  
禿阿馬刺合哈海濶濶出等謀應大都事覺倒刺沙盡殺之庚  
戌帝至汴梁伯顏等陳兵扈行以阿不海牙代爲河南平章發  
平灤民塹遷民鎮禦遼東軍辛亥命燕鐵木兒知樞密院事亦  
列出爲御史中丞壬子阿速衛指揮使脫脫木兒帥其軍自上  
都來歸命守古北口癸丑上都兵分道入犯脫脫木兒與戰于  
宜興縣禽平章乃馬台送京師戮之諸王失刺敗走丙辰燕鐵  
木兒奉法駕郊迎丁巳帝至京師入居大內戊午以速速平章  
政事曹立爲中書右丞張友諒參知政事伯顏爲御史大夫趙  
世延爲御史中丞也速台兒同知樞密院事上都梁王王禪右  
丞相塔失鐵木兒太尉不花平章買闡御史大夫紐澤等兵

榆林九月庚申朔燕鐵木兒督師居庸關遣其弟撒敦擊敗上都兵于榆林隆鎮衛指揮使幹都蠻以兵襲上都執諸王滅里鐵木兒脫木赤于陀羅臺歸于京師陝西兵起入河中府殺守官劫行用庫鈔以應上都太尉不花以兵掠居庸壬戌命高昌王鐵木兒補化知樞密院事也先捏爲宣徽使徵五衛屯田兵赴京師調淮西平陽保定兵列營黃河聽策應上都諸王也先帖木兒平章禿滿迭兒以兵自遼東入遷民鎮諸王八刺馬野先帖木兒以所部兵入管州丁卯諸王大臣伏闕請帝早正大位帝曰大兄在朔方以長以德常有天下朕敢紊天序乎燕鐵木兒固請帝曰必不得已必明著朕意播告中外而後可遣撒敦拒遼東兵于薊州元帥阿兀刺守居庸關上都兵攻碑樓口指揮使也速臺兒禦之不克戊辰以明里董阿濶濶台並平章

政事命襄陽萬戶楊克忠鄧州萬戶孫節以兵守武關已巳鑄御寶成立行樞密院于汴梁以也速台兒知行院事將兵行視太行諸關西擊河中潼關軍括北路民馬以摺疊弩分給守關軍士上都諸王忽刺台引兵攻崞州庚午遣軍民守歸峽諸隘辛未帝常服謁太廟分治叛黨烏伯都刺鐵木哥棄市朶朶王士熙伯顏察兒脫歡等各流遠方壬申帝卽位受朝賀改元夫赦詔曰洪惟我太祖肇造區夏世祖混一海宇爰立定制以一統緒宗親各受分地勿敢妄生覬覦斯不易之成規萬世所共守者也世祖之後成武仁英惟公天下之心以次相傳宗王貴戚咸遵祖訓至於晉邸具有盟書願守藩服而與賊臣鐵失等潛通陰謀冒干寶位使英宗不幸罹於大故朕兄弟播越南北備歷艱險臨御之事豈獲與聞朕以叔父之故順承惟謹于今

六年災異迭見權臣剗刺沙等專權自用疎遠勳舊廢棄忠良  
變亂祖宗法度空府庫以私其黨類大行上賓利於立幼顯握  
國柄用成其奸宗王大臣以宗社之重統緒之正協謀推戴屬  
於眇躬朕以菲德宜俟大兄固讓再三宗戚將相百僚耆老咸  
謂神器不可久虛天下不可無主周王遼隔朔漠民庶皇皇已  
及三月誠懼迫切朕姑從其請謹俟大兄之至遂朕固讓之心  
已於致和元年九月日卽皇帝位其以致和元年爲天曆元年  
可大赦天下於戲朕豈有意於天下哉重念祖宗開創之艱恐  
隳大業是以勉徇輿情尚賴爾中外文武臣僚協心相予輯寧  
億兆以成治功咨爾多方體予至意癸酉封燕鐵木兒爲太平  
王將兵擊遼東軍徵左右兩阿速衛老幼軍赴京師不行者斬  
乙亥罷會福殊祥二院立太禧院設壽福會福隆禧崇祥四總

管府隸之分奉神御殿祠祭上都梁王王禪兵襲居庸關將士皆潰燕鐵木兒軍次三河丙子王禪游兵至大口燕鐵木兒還軍次榆河帝出齊化門視師戊寅帝諭中外曰近以姦臣倒刺沙烏伯都刺潛通陰謀變易祖宗成憲既已明正其罪凡回鶻種人不預其黨者各安業勿懼有因而扇惑者罪之敕軍中逃歸及京城游民攷攘民財者斬命留守司完京城募士乘城守禦燕鐵木兒與王禪前軍戰于榆河北敗之追奔至紅橋阻水而陣上都樞密副使阿剌帖木兒指揮使忽都帖木兒以兵會王禪來助戰又敗之庚辰太白犯亢辛巳以別不花知樞密院事依前中書左丞相燕鐵木兒與上都兵復戰于白浮之野敗之脫脫木兒與遼東軍戰于薊州之檀子山王禪等遁崑山州次日收集散亡復來戰散脫脫木兒前後夾擊又敗之追及



昌平北王禪單騎走甲申慶雲見定各道廉訪官用蒙古二人  
畏吾河西回鶻漢人各一人各司書吏以職官教授各路司吏  
鄉貢進士參用御史臺經歷品秩相當者除各道廉訪使都事  
除副使譯史通事考滿不得除御史靖安王濶不花將陝西兵  
潛由潼關南水門入分據陝州乙酉以明里董阿平章政事燕  
不鄰知樞密院事上都兵入古北口分掠石槽燕鐵木兒先遣  
撒敦倍道趨石槽掩其不備擊之自率大兵繼至轉戰至牛頭  
山擒駙馬孛羅帖木兒等送闕下戮之脫脫木兒與遼東軍戰  
薊州南殺獲無算調河南蒙古軍五萬人增守京師臨清萬戶  
府軍萬三千五百人守益都般陽諸海港丁亥遼東軍抵京城  
燕鐵木兒拒之募丁壯乘城固守合冀寧晉寧所轄代州雁門  
關崞州陽武關嵐州大澗口皮庫口保德州寨底天橋白羊三

關石州塢堡口汾州向陽關隰州烏門關吉州馬頭秦王嶺二  
關靈石縣陰地關皆穿塹壘石以爲固戊子上都諸王忽刺台  
兵入紫荆關行樞密院卜顏斡都蠻指揮使也速臺兒將兵拒  
之西臺御史大夫也先帖木耳起兵從大慶關渡河殺河中府  
官河東官吏聞風棄城走名雲南左丞相也兒吉尼不至冬十  
月己丑朔燕鐵木兒引兵至通州擊敗遼東軍遣脫脫木兒將  
兵援紫荆關調江浙兵禦潼關河南兵守虎牢關庚寅燕鐵木  
兒與遼東軍夾潞水而陣遼東軍宵遁辛卯以卽位告郊廟社  
稷時享之禮改用仲月癸巳忽刺台游兵進逼南城令京城戶  
出壯丁一人持兵仗從軍士守城仍於諸門列甕貯水以防火  
燕鐵木兒及陽翟王太平國王朶羅台戰于檀子山之棗林其  
子唐其勢陷陣殺太平次者蔽野甲午脫脫木兒章吉與也先

捏合擊上都兵于良鄉轉戰至盧溝橋乙未燕鐵木兒率軍循  
北山西趣良鄉時諸將與忽刺台阿刺帖木兒戰于盧溝橋聲  
言大軍至上都兵潰遣使頒詔至陝西省臺官毀詔械使者送  
上都湘寧王八刺失里引兵入冀寧救萬戶和尙將兵由攷關  
援之殺獲甚衆會上都兵大至和尙退保故關冀寧遂破戊戌  
調湖廣平章乞住以兵守歸峽左丞別薛守八番以備四川軍  
諸將追阿刺帖木兒至紫荆關獲之送京師棄市平章禿滿迭  
兒引遼東軍復入古北口燕鐵木兒與戰于檀州南敗之走還  
遼東辛丑以脫脫木兒知樞密院事亦列赤爲御史大夫齊王  
月魯帖木兒東路蒙古元帥不花帖木兒以兵圍上都倒刺沙  
等奉寶出降梁王王禪遁遼王脫脫被殺上都平壬寅以也先  
捏知行樞密院事章吉爲行院副使與知院事也速台兒等將

兵西擊潼關也先鐵木耳軍至晉寧本路官皆遁甲辰罷晉邸  
及遼王所轄路府州縣達魯花赤選流官代之丙午赦凡有罪  
者既籍其家妻子並免入官丁未以欽察台平章政事珙璐不  
花爲御史中丞以度支經用不足權停諸王駙馬宿衛官及內  
侍宮人歲給芻豆陝西兵至鞏縣黑石渡遂據虎牢進薄武關  
庚戌帝御興聖殿齊王月魯帖木兒奉上皇帝寶倒刺沙至京  
師下之獄詔罷內郡兵江浙兵往潼關者仍還鎮辛亥雲南徹  
里路土官刁賽銀羅甸土官哀贊等來貢癸丑燕鐵木耳辭知  
樞密院事命其叔蒙古元帥不花帖木兒代之覈上都倉庫錢  
穀甲寅罷徽政院改立儲慶司湘寧王八剌失里趙王馬札罕  
諸王忽刺解承上都命各起兵南侵冀寧遣大馬邑元帥也速  
答兒執送京師也先鐵木耳兵北趨順承王歸州鐵木耳南破

武關入鄧州河南大震丁巳毀顯宗室升順宗祔右穆第二室  
成宗祔右穆第三室武宗祔左昭第三室仁宗祔左昭第四室  
英宗祔右穆第四室戊午奪上都官吏符印制敕盜殺太尉不  
花有司論盜當抵法帝以不花不道衆所共知宥盜死十一月  
己未重給內外百司印命太保伯答沙總兵北邊給遼東降軍  
行糧遣還民間子女被掠者令追理完聚庚申汰近歲白身爲  
官者辛酉也先捏兵至武安也先鐵木耳以軍降河東州縣盡  
殺僞署官吏癸亥帝宿齋宮甲子服袞冕享太廟辛未鐵木耳  
兵入襄陽知縣谷庭珪主簿張德歿之癸酉雲南土官元江普  
山姚州高明威楚路肥放九十九寨必也姑等各來貢甲戌安  
置泰定后及三妃于東安州杖諸王失刺流之遠方丁丑荆王  
也速也不干傳檄至襄陽鐵木耳哥引兵走庚辰遣使奉迎周王

于漠北以敬儼平章政事徹里帖木兒爲中書左丞瑛璐不花  
爲右丞癸未倒刺沙伏誅磔其尸王禪亦賜歿馬某沙紐澤撒  
的迷失也先鐵木耳等皆棄市甲申命威順王寬徹普化還鎮  
湖廣罷行宣政院及行都水監左丞相別不花罷十二月己丑  
朔以天壽節禁屠宰詔海舶至福建博易者江浙行省選廉吏  
征其稅丙申史訛作午幸大崇恩福元寺謁武宗神御殿竄也先捏  
于南寧庚子大赦追賜諸王滿禿爲果王阿馬刺台爲毅王濶  
濶出等十七人並賜功臣號命有司刻其功于碑陝西省臺官  
焚毀詔書坐當流以赦故永不錄用辛丑立龍翊侍衛親軍都  
指揮司分掌欽察軍設內宰司隸儲慶司罷中瑞司乙巳加伯  
顏太尉與亦列赤並爲御史大夫戊申加伯顏太保知樞密院  
事甲寅復遣侍御史撒迪內侍不顏禿古思奉迎周王于漠北

丁巳以徽里鐵木兒轉中書右丞躍里鐵木兒爲左丞趙世安  
察知政事戊午免被兵郡縣雜役弛山場河灤禁私貨者俟秋  
成責償許蒙古色目人居喪守制是月復召雲南也兒吉尼又  
不至加諡唐司徒顏真卿正烈文忠公陝西自泰定二年至是  
不雨大饑民相食杭州鎮江池州等路水沒民田萬四千餘頃  
河北山東有年

天曆二年己巳春正月己未朔立都督府總左右欽察及龍翊  
衛軍庚申遣太府太監沙剌班奉金幣赴周王行在辛酉命高  
昌王鐵木兒補化爲左丞相王毅平章政事欽察台知樞密院  
事燕鐵木兒爲御史大夫甲子太白犯壘壁陣辛未封知樞密  
事火沙爲昭武王朶列帖木兒復爲楚王甲戌復鹽制每四百  
斤爲引引爲鈔三錠丁丑減鷹坊等食

按鷹鵞獅豹之食舊支  
肉價二百餘錠近增至

萬三千八百錠控鶴舊止六百二十辛巳起復中書左丞史惟

良為御史中丞以阿不海牙平章政事壬午贈緱山處士杜瑛

為翰林學士諡文獻癸未遣宣靖王買奴往周王行在丙戌周

王即位于和寧是為明宗二月庚寅命燕鐵木兒復為右丞相辛卯

立妃弘吉刺氏為皇后帝御殿受朝賀廣西思明路總管黃克

順來貢癸巳遣翰林侍講學士曹元用祀孔子于闕里辛丑追

尊皇妣唐兀氏曰文獻昭聖皇后雲南蒙通蒙甸開南銀沙

羅甸等土司各入貢己酉熒惑犯井辛亥合肥縣地震壬子命

有司造行在帳殿甲寅立奎章閣學士院于興聖殿西命儒臣

進講經史設羣玉署藝文監隸之復設藝林庫廣成戶隸藝文

監輟耕錄云奎章閣為屋三間南間以藏物中間諸官直所

奎章閣學士院置羣玉內司掌秘玩古物藝文監檢校書籍

書博士鑒辨字畫授經郎教怯薛官大臣子孫藝林庫收貯羣



善廣成局印行國制等書製牙牌五十上書奎章閣散各官懸  
佩出入宮門無禁東山文集云建奎章閣命虞集撰記御書  
刻石識以天曆之寶或加用奎章閣寶應賜者必閣學士持詣  
榻前四復奏然後予之視北雜志云奎章閣壁有宋徽宗書  
承平殿曲宴圖并命更鑄鈔板毀其刊者三月辛酉遣燕鐵木  
書自製曲宴記  
兒奉皇帝寶詣行在復命有司賞金千五百兩銀七千五百兩  
幣帛四百匹金腰帶二十副以備賜予癸亥命造乘輿服御北  
迎大駕汝潛邸所幸諸路名建康曰集慶江陵曰中興瓊州曰  
乾寧潭州曰天臨戊辰雲南諸王答失不花等數丞相也兒吉  
尼專擅十罪將殺之也兒吉尼遁入八番答失不花僞署叅政  
等官已巳建大龍翔集慶寺給鈔萬錠丁丑帝母文獻昭聖皇  
后神御殿月祭命如列聖故事夏四月癸卯行在遣武寧王徹  
徹禿來錫命立帝爲皇太子丙午占臘國貢羅香木及象豹白  
猿戒諸王分邑達魯花赤受代不得仍畱官所其父兄所居官

子弟不得再任辛亥賑鄧州通州被兵民所俘子女命遼陽行  
省簿錄完聚河南陝西諸路饑名商入米中鹽行入粟補官令  
并括江淮僧道餘糧五月丁巳朔遣翰林學士承旨阿鄰帖木  
兒北迎大駕庚申太白犯鬼甲戌命中書省擬注中書六部官  
奏于行在丙子改儲慶司爲詹事院丁丑皇太子發京師北迎  
戊寅次大口庚辰次香水園六月丁亥朔鐵木兒補化以旱乞  
避相位諭曰皇帝遠在沙漠未能卽至是以斲攝大位今亢陽  
爲虐皆予闕失所致汝其勉盡職業祇修實政以上答天變仍  
命馳奏行在丁未太白晝見庚戌次于上都之六十店辛亥賜  
岐陽書院額祀周文憲王仍設學官春秋釋奠秋七月丙辰朔  
日食丁巳次上都之三十里店己未更定遷徙法驗所居遠近  
以千里爲率在道遇赦者得放還再犯者徙本省不毛之地本

犯灰妻子聽歸癸亥太白經天辛巳令諸王封邑達魯花赤擇

本部年二十五以上識治體者補充冒濫者罪及王傅八月乙

酉朔行在次于盱忽察都之地皇太子入見宴太子及諸王大

臣于行殿庚寅暴崩太子入臨哭盡哀燕鐵木兒傅皇后八不

沙命奉寶璽授太子遂還綱目云有謂燕帖木兒初上璽綬明宗從官不為禮燕帖木兒怒且懼既

而明宗暴崩燕帖木兒聞哭聲即奔入帳中取寶璽扶帝上馬南馳壬辰命伯顏為左丞相欽察

台阿兒思蘭海牙趙世延並平章政事朶兒只為右丞阿榮趙

世安並察知政事塔失鐵木兒知樞密院事鐵木兒補化鐵木

兒脫並為御史大夫癸巳皇太子至上都乙未流諸王忽刺出

于海南巳亥復即位大赦詔曰朕惟太祖肇造帝業列聖相承

世祖既大一統即建儲貳惜我祿皇天不假年成宗入繼纔十

餘載我皇考武宗歸膺大寶克享天心志存不私以仁廟居東

宮遂嗣宸極甫及英皇降割我家晉邸違盟構逆據有神器天  
示譴告竟隕厥身於是宗戚舊臣協謀舉義正名討罪揆諸統  
緒屬在眇躬朕興念大兄播遷朔漠以賢以長曆數宜歸力拒  
言至於再四乃曰艱難之際天位久虛則衆志弗固恐墮大  
朕雖從請秉志不移是以固讓之詔始頒北迎之使隨遣尋  
奉寶璽遠逝于途受寶卽位之日卽遣使授朕皇太子寶朕幸  
釋重負實獲素心乃率臣民前迎大駕而先帝跋涉山川蒙犯  
霜露道里遼遠自春徂秋懷艱阻于歷年望都邑而增慨徒御  
弗愼屢爽節宣信使往來相望道路彼此思見交切於懷八月  
一日大駕次王忽察都朕欣瞻對有期兼程先進相見之頃悲  
喜交并何數日之間而宮車弗駕國家多難遽至于斯念之痛  
心以夜繼且諸王大臣復謂祖宗基業之隆先帝付托之重天

命所在誠不可違請卽正位以安尤有朕以先皇奄棄方新權  
恒何忍銜哀辭對固請彌堅執誼伏闕者三日皆爲宗社大計  
乃以八月日卽位于上都可大赦天下於戲戡定之餘莫急乎  
與民休息丕變之道莫大乎使民知義惟爾中外大小臣工審

究乃心以稱朕意

時帝再卽位距明宗之崩止十月

庚子命阿榮趙世安督造

建康龍翔集慶寺且命臺臣監工癸卯幸世祖所御幄殿被祭  
遣欽察台還京師經理政務燕鐵木兒留上都監給恩賚金幣  
己酉車駕發上都庚戌復改詹事院爲儲政院以衛候司及江  
淮財賦諸色民匠二總管府隸之甲寅前丞相別不花潛與  
者推測聖算命安置集慶九月乙卯朔帝赦宋太后李氏曰爲  
大承天護聖寺永業改太禧院爲太寧寺禮院寺西命凡往行  
在所送寶官吏越次超升者皆從

奎章閣輯本朝典故準唐宋書要本經注大典戊辰定使者獲  
 詔赦率日行三百里既受命而三日之內三舉飲稽期治  
 治罪取賂者以枉法論罪其重者則別為考案云云雲南威楚路  
 哀放罷放本邦路渾都谷瘴子亦負丙子立溫州路行木橋  
 也先捏以不忠不敬伏誅矣未幾鄭一廟一武庫所居陋  
 十月甲申朔帝服袞冕享大廟辛卯立元江宣慰司于雲南  
 午敕朝官以三十月為一考外任以三年為一考風憲官不  
 得越制遷調丙申命江西彭廣多積米四十萬石以紓江浙民  
 方賜天妃廟額曰靈慈加上大行皇帝諡曰統必有崇生  
 嘗得以致其讓廟必有主歿思所以尊其名稽古  
 法欽惟先皇帝夙秉勇智惟時元良豐稔  
 出雖身居絕域多歷於歲年而義動靈人樂

孔著未堪大業之艱貞事變匪常猶闕生靈而慎

後戴爰戡定以奉迎已謹清宮俄虛黃屋臣民寡

之敷施天日有靈尙想神明之如在禮嚴升祔誠

王冊玉寶上尊諡曰翼獻景孝皇帝廟號明宗伏冀睿慈俯

歆假克綏丕祚垂裕無疆見元文類 虞集撰壬寅大寧路地震命諸王

公主官府寺觀賜田悉輸租於宮給鈔以酌其直癸卯改瓊州

安撫司曰乾寧安撫司升定安縣為南康州以土人王官知州

事甲辰徵朶朶王士熙等十二人于貶所放還鄉里追封三寶

奴為郢城王諡榮敏庚戌以親祀太廟禮成詔天下罷大承天

護聖寺工役囚在獄三年疑不決者釋之免民間拖欠官錢無

可追徵者大都至上都諸驛供給繁重悉官為應付免徵奉元

路商稅并各處煎鹽竈戶雜役申私宰馬牛禁十一月丙辰詔

列聖諸宮后妃陪從之臣永給衣廩芻粟戊午特命朶耳只亦

都護為河南行省丞相近制行省不設丞相帝以癸亥以濶徹

伯知樞密院事位居眾知院上罷功德司入宣政院己巳以撒

迪為中書右丞癸酉太陰犯填星丁丑造青木棉衣萬領賜團

宿軍舊制大朝會時皇城外皆無牆垣故十二月丙戌詔百官

言朝政得失錄所上章疏善者即行庚寅定風憲官赴任毋拘

遠近均給驛辛卯詔諸僧寺川當輸租者仍免役僧還俗者聽

復為僧己亥加封大都城隍神為護國保寧王加諡漢長沙王

吳芮為長沙文惠王壬寅命江澗印佛經二十七藏甲辰罷土

番巡捕都元帥府以珙璐不花為御史大夫兼領隆祥府事辛

亥改上都饅頭山為天曆山壬子織武宗御容成即神御殿作

御事敕凡階開府儀同三司者班居一品上是歲陝西饑民



二十三萬餘口河南餓死者二千餘人山東饑民六十七萬六千戶賑鈔百三十四萬九千六百錠糧二十五萬一千七百餘石討平四川囊加台雲南諸王禿堅之亂滇蜀悉定

至順元年庚午春正月丁丑遣使賚黃金二千兩詣杭州書佛經已卯封太醫院使野理海牙為秦國公辛巳改大都田賦提舉司曰宣農荆襄提舉司曰濟農香戶平江提舉司曰善農加

封秦蜀郡太守李冰為聖德廣裕英惠王其子二郎神為英烈

昭惠靈顯仁祐王綱鑑大全云冰為郡守鑿離堆以溉民田二沃野千里而無水患號為陸海蜀人德之二

月壬午朔以趙世安為御史中丞史惟良為中書左丞雲南麓

川蒲蠻來貢丁亥命富民輸粟補官江南萬石者官正七品陝西千五百石河南二千石

江南五千石者從七品自餘品級有差四川富民輸粟赴江陵者依河南例其不願仕乞封父母者聽僧道輸已粟者許加師

號庚寅命奎章閣譯國朝典章為漢語入經世大典趙世延虞

集等專任纂修

舊文又有二月辛卯朔者誤

虞集等辭職帝曰昔我祖宗睿

知聰明其於致治之道自然生知朕以統緒所傳實在眇躬夙夜憂懼自維早歲跋涉艱阻旣乏生知之哲於國家治體豈能周知故立奎章閣置學士員日以祖宗明訓古昔治亂得失陳說於前使朕樂於聽聞卿等其悉所學以稱朕意勿復再辭壬辰籍張珪子五人家產自庚寅至甲午京師大霜晝零丁酉帝及皇后皇子與明宗皇子並受佛戒乙巳封明宗子懿璘質班爲郕王平章朶兒失以罪免丁未命伯顏知樞密院事依前太保錄軍國重事帝以燕帖木兒有大功欲獨相以尊異之諭省臣曰昔世祖嘗以宰相一人總庶務故政治出于一今燕鐵木兒爲右丞相伯顏旣知樞密院事左丞相其勿復置戊申以廉集爲奎章閣學士敕正旦天壽節內外諸司贊獻仍如舊進幸

亥以屯田子粒錢萬錠助建佛寺市故瀛國公趙鼎田給大龍  
翔集慶寺御史臺言不必予直帝曰吾建寺爲子孫黎民計若  
取人田而不予直非朕志也行樞密院言成雲南軍逃歸捕獲  
法當死帝曰非臨陣而逃輒當以死何視人命之易邪其杖而  
流之三月戊午封皇子阿剌忒納答剌爲燕王徙封濟陽王木  
楠子爲吳王吳王潑皮爲濟陽王命彰德路歲祭羨里周文王  
祠己巳以明宗升祔序英宗上觀順宗成宗廟遷例甲戌封諸  
王速來蠻爲西寧王夏四月壬午朔立益都廣農提舉司括益  
都般陽寧海閑田十六萬二千九十頃賜大承天護聖寺辛丑  
明宗后八不沙崩蓋皇后謀殺之也己酉徙明宗長子妥懽貼睦爾于  
高麗帝卽順五月戊午羣臣上帝尊號曰欽天統聖至德誠功大  
文孝皇帝是日改元至順詔天下丁卯英宗實錄成辛未置宣

忠扈衛親軍都萬戶府總幹羅斯軍以亦列出平章政事甲戌  
八番乖西斛苗侵邊詔樞密院分兵討之乙亥置順元宣撫司  
統答刺斤軍六月辛巳朔河決大名庚子知樞密院事濶徹伯  
脫脫木兒通政使只兒哈郎翰林學士教化的中政使尙家奴  
謀殺燕帖木兒事覺並伏誅秋七月辛亥封諸王按渾察爲廣  
寧王通渭山崩壓民舍乙丑以也兒吉尼知樞密院事庚午歲  
星犯氏中書省言近歲帑廩虛空其費有五曰賞賜曰作佛事  
曰創立衙門曰冒濫支請曰續增衛士鷹坊詔與院臺同加汰  
減丁丑福州王薦以隱逸旌其門閨月庚辰朔封諸王卯澤爲  
永寧王辛卯以脫亦納察知政事趙世延以年老罷癸巳發鈔  
萬錠分賜天曆初諸王羣臣死事之家戊戌封甘肅平章乃馬  
台宜寧郡王駙馬謹只兒鄆國公戊申加封孔子父齊國公叔

梁紇為啓聖王母魯國太夫人顏氏為啓聖王夫人制曰闕里  
有家系出神明之胄尼山請禱天啓聖人之生朕聿觀人文敦  
求往哲惟孔氏之有作集羣聖之大成原道統則堯授舜傳之  
周文王論世家則契至湯下逮正考父其明德也遠矣故生知  
者出焉有開必先克昌厥後如太極之生天地如鉅海之有本  
源雲仍既襲於上公之封考妣宜視夫素王之爵於戲君子之  
道考而不謬建而不悖於以敦典而敘倫宗廟之禮愛其所親  
敬其所尊正以報功而崇德尙篤其慶以相斯文

見元文類  
謝端撰發

成都沙糖戶三百人防遏敘州八月辛亥遣太禧院監蔚州廣

靈縣銀鑛歲入歸大承天護聖寺甲子烏蒙土官阿朝忠州土

官黃祖顯各遣子來朝戊辰太白犯氏壬申詔裁汰衛士

定大  
內四

怯薛每宿衛不過四百人累朝宿衛士各不過二百人鷹坊萬  
四千二十四人減去四千人內饗九百九十八人四怯薛當留者

各百人累朝舊邸宮分養人三千二百二十四人當其汰去者  
留千一百二十人勝臣怯魯口共萬人當留六千人

斥歸土著應役有容匿漢南高麗人及奴隸濫充者怯薛宮與

其長各杖沒家貲之半九月庚辰罷入粟補官例大寧路地震

已丑熒惑犯鬼辛卯監察御史葛明誠劾遼陽平章哈刺鐵木

兒前經坐贓被杖王文若劾嶺北平章哈八兒秃鄙俚無知並

從其言罷黜癸巳白虹貫日置麓川路軍民總管府復立總管

府于哈刺火州甲午熒惑犯鬼積尸氣史惟良辭歸賜鈔三百

錠建五福太一宮于京城乾隅每歲四祭丁未以張友諒為中

書左丞冬十月戊申朔飭衍聖公崇奉孔子廟事壬子立宣忠

扈衛親軍都萬戶營于大都戊午帝致齋大明殿庚申出次郊

宮辛酉帝服大裘袞冕祀昊天上帝于南郊以太祖皇帝配禮

成大赦天下自世祖至是凡七世有大祀甲戌敕累朝宮分官

皆攝事至是始舉親祀之禮

署凡文移無得稱皇后止稱某位下娘子其委用官屬並山中

書擬奏

元制每朝自正宮外率多稱皇后太祖光獻皇后外稱皇后者四幹耳朶共二十一位太宗憲宗各五位世祖

自順聖皇后外四幹耳朶共七賜伯夷叔齊廟額曰聖清歲春

秋祀以少牢制曰蓋聞古者伯夷叔齊逃孤竹之封甘首陽之

餓讓爵以明長幼之序諫伐以嚴君臣之分可謂行義以達道

殺身以成仁者也昔居北海之濱遺廟東山之土休光垂乎手

載餘澤被於一方永懷孤峻之風庸示褒崇之典於戲去宗國

而辭周粟曾是列爵之可縻揚義烈以激清塵期於世教之有

補

見元文類

十一月辛巳陝西左丞怯烈坐受人僮奴及鸚鵡

御史臺論如律帝曰位至尊執食國厚祿猶受人生口罪固宜

也至以鸚鵡微物論賊失之苛嗣後凡饋禽鳥者勿以賊論甲

申煖惑退犯鬼丙戌太白犯壘壁陣樞密院請依舊制全給鷹

坊芻粟帝曰國用皆百姓所供當量入爲出朕豈以鷹坊失所  
重困吾民哉不從辛卯以濶濶台知樞密院事兼大都留守辛  
丑徵河南民自實田糧不通舟楫者許以鈔代十二月己酉以  
董仲舒從祀孔廟定國子生積分及等者省臺集賢院奎章閣  
官同考試中式者依等第授官不中者復入學肄業辛亥立燕  
王阿剌忒納答刺爲皇太子癸亥恩州諸王按灰坐擊傷巡檢  
官杖之謫還廣寧王所部充軍甲戌敕各行省凡遇邊防有警  
許便宜發兵是歲汴梁大名等路饑民六十七萬七千戶各給  
米鈔安豐廬州饑以兩淮鹽課鈔賑之

二年辛未春正月己卯加大承天護聖寺僧寶峯壇主嚴吉祥  
爲司徒癸未立侍正府以總近侍遣官按行北邊牧地丁亥以  
晉邸部民二萬四千餘戶隸壽安山大昭孝寺爲永業戶辛卯



皇太子阿刺忒納答刺薨耐葬山陵甲辰敕建孔子廟于後衛

乙巳監察御史劾本臺中丞和尙受婦人爲賂御史臺劾福建

宣慰使哈只燕南廉訪使卜咱兒貪污奎章閣繁書雅琥阿媚

權臣詔以赦前並禁錮元籍御史萬家閻嘗薦和尙脫脫嘗舉

卜咱兒並連坐封蒙古巫者所奉神爲靈感昭應護國忠順王

號其廟曰靈祐二月戊申立廣教總管府掌僧尼之政曰京畿

河東山右道遼東山北道河南荆北道兩淮江北道湖北湖南

道浙西江東道浙東福建道江西廣東道廣西兩海道又燕南

山東陝西甘肅四川府設達魯花赤同知判官各一員宣政院

選流內官擬注總管則以僧爲之四川懷德府驢谷什用田先

什用等及生蠻十二洞內附升其府爲宣撫司諸洞各設長官

已酉白虹貫日壬子太白晝見以伯撒里平章政事朶兒只班

參知政事高履亨許有壬並參議省事乙卯太白犯昴壬申雲

南景東甸蠻官阿只弄遣子獻馴象升甸為景東府常賦外歲

增輸金五千兩修上都洪禧崇壽殿三月丙子朔癸惑犯鬼丙

戊雨土霾司徒香山陳符識請頒告中外不允香山言陶弘景胡笳曲有負辰

飛天曆終是甲辰君之語陛下生年紀號適合此實天命之符

翰林諸臣謂唐開元間太子賓客薛讓進武后鼎銘云上天降

監方建隆基為元宗受命之符姚崇表賀宋司馬光斥其采偶

合之文為符瑞乃小臣之詔而宰相實之是侮其君也今從其

言恐啓識緯之端非順聖皇后曰睿壽喃必皇后曰懿壽裕宗曰明壽成宗曰廣壽

所以定民志事遂寢順宗曰衍壽武宗曰仁壽皇妣昭聖皇后曰昭壽仁宗曰文壽

英宗曰宣壽明宗曰景壽御史臺劾大都總管劉原仁僥倖巧

宦工部尚書蘇炳性行貪邪詔罷其職壬寅析欽察為左右二

衛癸卯以儒學教授聽選者多凡仕由內郡江淮者注江西江  
浙湖廣由陝西兩廣者注福建由甘肅四川雲南福建者注兩

廣夏四月丙午朔全寧民王脫歡獻銀鑛詔設銀場提舉司隸  
中政院庚戌頒天曆初兵興功賞帝曰燕鐵木兒首倡大義躬  
擐甲冑伯顏在河南先誅搆貳使朕道路無虞兩人功無與比  
其賞不可與衆同加賜七寶腰帶金帛真定武陟縣地震逾月  
不止戊午命興和建屋居海青上都建屋居鷹鵠甲子平章欽  
察台獻名園給鈔千錠酌其直御史張益劾欽察台在英宗朝  
陰與中政使咬生造謀誣告反覆不可信用詔奪職禁錮廣東  
且降旨獎益直戊辰奎章閣以修經世大典請從翰林國史院  
取脫卜赤顏一書卽今之起居注紀累朝故事學士承旨押不花言此  
秘禁國書非可令外人傳者不與詔以泥金畏吾字書無量壽  
佛經千部并大乘經一藏敕在京百司日集公署自晨及暮毋  
廢事五月丁丑癸惑犯軒轅左角丙戌諭太禧宗禋院汰僧徒

累朝所建大萬安等十二寺舊額僧三千一百五  
十人歲給衣糧今其徒猥多汰去九百四十三人

巳丑置雲南

孟定孟育蘆傳三路總管府者線蒙慶甸銀沙羅等甸並爲軍  
民府孟併孟廣者樣等甸並設長官司皆土人爲之癸巳威楚  
路蒲蠻猛吾來朝願入銀爲歲賦詔置散府一及土司三十三  
所甲午太白犯畢以平江官田五百頃立稻田提舉司隸宮相  
都總管府乙未以脫別台知樞密院事纂修經世大典成丙申  
八番西蠻宮阿馬路入貢庚子太陰犯太白辛丑太白經天甲  
辰改阿速萬戶府爲宣毅萬戶府六月乙巳朔徵儲政院鈔三  
萬錠給中宮道路費丁未太白晝見乙卯御史陳良劾江淞廉  
訪使脫脫赤顏私收父妾冒封詔罷職追還封制癸亥定辭訟  
起滅由巳者罪加常人一等免控鶴衛士當驛戶丁卯太陰犯  
畢太白犯井集賢大學士吳澄卒特徵河南儒士吳炳爲藝文

監典籍秋七月甲戌朔從藝文少監歐陽玄言收給衍聖公銀

印海南黎蠻作亂時建大興龍普明寺于海南工壬辰命脫別

台為御史大夫乙未立閔子書院于濟南丁酉調甘州兵守參

十郎以防土番戊戌封伯顏為浚寧王八月甲辰朔日食封脫

隣忽脫魯為靖恭王沙藍朶兒只為懿德王內史怯烈該為豐

國公甲寅御製上都孔子廟碑乙卯太白犯軒轅大星己未丙

侍撒里不花坐巫蠱事杖流海南庚申太白犯軒轅左角九月

癸酉朔築駐蹕臺于大承天護聖寺東御史臺劾四川叅政馬

鏘冒借俸鈔娶妾且詬詈平章汪壽昌帝曰綱常之理尊卑之

分懵無所知其何以居上臨下可亟罷斥之又言江西叅政李

允中乃宦者李邦寧養子不堪任重選並削籍丙子太白犯填

星海南賊王周糾十九洞黎蠻作亂命湖廣左丞移刺四奴討

之癸巳罷供需府覆實司改立廣誼司禁諸驛毋畜竄行馬冬

十月丁巳以江浙平江等路水傷稼減明年海漕米遣官赴通

鄞陵滄四州和糴粟豆以足國用乙丑立昭功萬戶都總府丙

寅命大都路定時估每月朔望送廣誼司以酬物價十一月壬

申朔日食詔四川給鹽雲南啖馬亦奚不薛之地所收官馬歲

馬健無病此因亂雲南無丙子封諸王韓卽為保寧王蘸班為

鹽馬多死故令四川給之豳國公以耿煥祭知政事癸未帝養燕鐵木兒之子塔刺海為

子賜居第詔每歲遣樞密院宗正府官巡察遼陽諸郡毋令諸

王所部擾民辛卯定諸鹽課鈔以十分之一收銀銀每錠五十

兩折鈔二十五錠十二月戊申西臺御史高垣劾御史陳良暹

勢蔑法有旨奪其敕命以黃金符鑣文曰翊忠徇義迪節同勳

賜都指揮使欽察旌其天曆初紅橋戰功壬子復命諸王忽刺

出還鎮雲南癸丑定諸職官父母在者三年聽給定省假無父  
母者五年聽給拜墓假各計道里遠近立限期其匿而不省觀  
者坐以罪丁巳雨水冰辛酉遣官詣各道錄囚是歲徙委懽貼  
睦爾于廣西之靜江發通州官糧賑糧順昌平民九萬餘戶出  
山東鹽課鈔賑益都民三萬餘戶博興州民九千戶

三年壬申春正月己卯廣西羅偉里叛寇馬武冲等合龍州嶺  
北朗龍洞韋大蟲攻陷那馬遠那馬安等砦壬午加封孔子妻  
鄆國夫人开官氏爲大成至聖文宣王夫人制曰我國家惇典  
禮以彌文本閨門以成教迺睠素王之廟尙虛元媿之封有其  
舉之斯爲盛矣大成至聖文宣王妻开官氏來嬪聖室垂裕世  
家籩豆出房因流風於殷禮琴瑟在御存燕樂於魯室功言邈  
若於遺聞儀範儼乎其合德作爾禕衣之象稱其命鼎之銘噫

秩秩彝倫吾欲廣關雎鵲巢之化皇皇文治天其典河圖鳳鳥

之祥可特封大成至聖文宣王夫人見元文類諸王章吉獻幹

羅思百七十人酌鈔五千錠庚子萬安軍黎蠻王奴羅寇陵水

縣夔路忠信寨洞主阿具什用寇施州二月辛丑朔詔修曲阜

宣聖廟命四川轉運鹽司兼邛州鹽井邛州有二井宋舊名曰

地震鹽水湧溢州民願作三月庚午朔發鈔萬錠給蒙古孤貧

人已丑復立功德司及典瑞司掌中宮歲作佛事癸巳改皇子

古刺答納名曰燕帖古思乙未帝師泛舟高粱河調衛士三百

人挽舟夏四月壬寅四川師壁散毛盤速出三洞蠻野王等大

盤洞謀者什用等來貢戊午命奎章閣譯貞觀政要鈔板印賜

百官五月己巳朔從撒迪請備錄帝固讓奏答及訓敕辭命續

為蒙古脫卜赤顏一書置之奎章閣癸酉熒惑犯東井戊寅事



師地震戊子遣使往帝師所居撒思吉牙吉牙一作加之地以珠織

制書宣諭其屬仍分給鈔幣庚寅置山東益都金銀銅鐵提舉

司壬辰從太常博士王瓚言禁加封淫祠丁酉白虹並日出長

竟天追封顏子父顏無繇為杞國公諡文裕母齊姜氏為杞國

夫人諡端獻妻宋戴氏為兗國夫人諡貞素六月己亥朔給還

朶朶王士熙脫歡等家貲並聽錄用己酉以趙世安為中書左

丞乙丑從御史陳思謙言嚴奪情起復之禁秋七月戊辰朔命

僧于鐵幡竿修佛事施金百兩銀千兩鈔萬錠壬午江西行省

造螺鈿几榻遣燕鐵木兒詔賜匠者帛八月乙巳天鼓鳴于東

北丙午遣官祭社稷每歲上戊之典秦定朝無文至是乃一祭丁未有事于太廟己

酉隴西地震帝崩于上都壽二十九癸丑葬起輦谷元統二年

正月己酉上尊諡曰聖明元孝皇帝廟號文宗國語曰札牙篤

皇帝三月己酉耐于太廟順帝本紀作四月己卯後至元六年以帝謀不

軌使明宗飲恨而終詔除其廟主

冊曰應變戡亂莫匪爾勞璽綬雖去太阿已操前車所鑿

燭影斧聲從來疑案多在弟兄

寧宗皇帝諱懿璘質班明宗次子也母皇后乃蠻真氏明宗有

子二人長安懼帖睦爾次即帝文宗天曆二年封帝為郕王文

宗崩右丞相燕鐵木兒請立皇子燕帖古思皇后導揚末命申

文宗固讓初志欲傳位明宗子時妥懼帖睦爾居靜江帝以文

宗所眷愛獨留京師於是燕鐵木兒請立帝遣使徵諸王會京

師甲寅中書省奉中宮旨預備大朝會賞賜金帛等物九月丁

丑填星犯太微垣左執法辛巳修皇太后儀仗是夜地震有聲

十月庚子帝即位大赦詔曰洪惟太祖啓闢疆宇世祖統一萬

方列聖相承法度明著我皇祖入纂大統修舉庶政動合成法  
授大寶位于仁宗傳及英宗曆數之歸實有攸屬我皇考及大  
行皇帝各以播越遼遠時則有若燕鐵木兒建議劾忠賊平內  
難以定邦國協恭推戴大行皇帝登極之始卽以讓兄之詔明  
告天下隨奉璽紱遠迓皇考朔方言還奄棄臣庶大行皇帝薦  
正宸極仁義之至視民如傷憇澤旁被無間遠邇顧育眇躬尤  
篤慈愛賓天之日皇后傳顧命謂聖體彌留益推固讓初志以  
宗社之重應屬大兄世嫡乃遣使召諸王宗親來會大都同奉  
遺詔揆諸成憲宜御神器以至順三千十月日卽位大明殿可  
大赦天下於戲肆予冲人託天下臣民之上任大守重若涉淵  
永尙賴宗王大臣百司庶府交修乃職思盡厥忠嘉與億兆之  
民共保承平之治時帝年七歲政務咸啟中宮取進止辛丑以

撒敦為御史大夫撒迪平章政事濶里吉思為右丞禿兒哈鐵  
 木兒知樞密院事復立徽政中政二院作兩宮幄殿車乘供張  
 已酉太白犯斗敕諸王駙馬大臣及省院臺秩正二品百司秩  
 至一品者闕門內許施繩床以坐丙辰命江浙省範銅造宣聖  
 廟祭器凡百三十五事十一月壬申命鄒王徽徹禿鎮遼陽戊  
 寅尊皇后曰皇太后鄉興聖殿受朝賀壬辰帝殂甲午葬起輦  
 谷後至元四年三月辛酉上諡曰冲聖嗣孝皇帝廟號寧宗四  
 月乙酉祔于太廟

順帝紀作至  
元三年事

續弘簡錄元史類編卷之十

皇清詹事府少詹事仁和邵遠平戒山學

天王八

順帝諱妥懽貼睦爾明宗庶長子也初太祖取西北諸國有河

爾廝蘭者舉國來降太祖封為郡王俾領其部族明宗北狩過

之納其女罕祿魯氏名邁來廸以延祐七年四月丙寅生帝于

北方有云帝本瀛國公所生明宗過其地文宗至順元年明宗

后八不沙被讒遇害乃以帝乳母夫言明宗在日素謂長子非

已子命翰林書其事於史館遂徙帝之高麗令居大靑島中不

與人接閱一載復召奎章閣學士虞集使書詔播告中外再移

帝于廣西之靜江三年八月文宗崩燕鐵木兒請立文宗子燕

帖古思文后不從乃立帝弟懿璘質班在位二月殂燕鐵木兒

復請立燕帖古思后曰吾子尙幼當大福恐不任妥懼貼睦爾  
在廣西今年十三矣且明宗長子義當立命中書右丞闕里吉  
思迎帝于靜江至良鄉具鹵簿迓之燕鐵木兒既見帝並轡徐  
行具陳所以迎立意帝幼且畏之一無所答燕鐵木兒以帝意  
難測尼之適太史亦言帝不可立立則天下亂以故議未決遷  
死者數月國事皆決於燕鐵木兒啓中宮取進止俄而燕鐵木  
兒歿后乃與大臣定議立帝且與帝約曰萬歲後其傳位於燕  
帖古思若武仁故事癸酉夏六月己巳帝卽位於上都詔曰洪  
惟太祖皇帝受命於天肇造區夏世祖皇帝奄有四海治功大  
備列聖相傳丕承前烈我皇祖武宗入纂大統及致和之季皇  
考明宗遠居朔漠天曆皇帝戡定內難讓以天下不幸皇考賓

去天曆復元張翥治化方隆奄棄臣庶今皇太后召大臣燕鐵

本兒伯顏等曰昔脫脫木兒只兒哈郎等謀逆以明宗太子爲名又先爲八不沙始以妒忌妄構誣言疎離骨肉逆臣等既正其罪太子遂遷于外先帝後知其妄尋至大漸顧命有曰朕之大寶其以兄子繼之時以朕遠在南服奉朕弟懿璘質班登大位以安百姓乃遽至大故皇太后體承先帝遺意謂朕武宗之元孫明宗之世嫡以賢以長在予一人遣使迎還徵集宗室諸王來會合辭推戴今念皇太后勉進之篤宗親大臣懇請之殷以至順四年六月日卽皇帝位可大赦天下於戲惟天惟祖宗全付予有家慄慄危懼若涉淵冰罔知攸濟尙賴宗親臣鄰交修不逮以底隆平辛未命伯顏爲太師右丞相仍設左丞相以太傅撒敦爲之命諸官不得兼領三職秋七月己亥太陰犯房八月壬申立燕鐵木兒女伯牙吾氏爲皇后詔官員自

省院臺外不許遞升致礙選法九月甲午太陰犯填星乙未犯  
天江巳未犯氏冬十月甲子太陰犯斗戊辰改元詔曰在昔世  
祖紹開丕圖稽古建元立綱陳紀列聖相傳恪遵成憲肆予沖  
人嗣大歷服茲圖治之云初嘉與民以更始乃新紀號誕告多  
方其以至順四年爲元統元年於戲一元運於四時惟裁成之  
有道大統綿乎萬世思保障於無疆癸酉雲南傀羅土官渾鄺  
馬弄來貢升其地爲散府丁丑依皇太后行年之數釋罪囚二  
十七人庚辰奉天曆皇帝及太皇太后御容於大承天護聖寺  
命撒敦兼隆祥院使主奉祀戊子封撒敦爲榮王唐其勢襲父  
封太平王十一月辛卯朔罷富州金課甲午太陰犯壘壁陣辛  
亥復立江西湖廣江浙河南權茶運司

志云其種有末茶有葉茶按茶之爲用始于唐

皆以緇末製爲餅臨用而上天曆皇帝尊諡曰聖明元孝皇帝



廟號文宗

文宗紀作  
下年事

時寢廟未建暫於英宗室次結綵殿奉安

神主封伯顏爲秦王是日秦州山崩地裂夜太陰犯太微東垣  
上相壬子犯填星癸丑犯亢罷河間大報恩寺諸色人匠總管  
府十二月乙丑廣西獠寇湖南道州千戶郭震戰歿癸酉太陰  
犯鬼乙亥爲皇太后置徽政院設官三百六十六員是夜太白  
犯壘壁陣太陰犯軒轅己卯犯進賢癸未犯東咸是歲廷試進  
士增及百人左右榜各三人同同李齊等皆賜進士及第科舉  
取士莫盛于斯

元統二年甲戌春正月庚寅朔雨血于汴梁著衣皆赤辛卯以  
脫別台平章政事戊戌四川大盤洞蠻謀谷什用來貢卽其地  
立盤順府是夜太陰犯軒轅庚戌犯房甲寅罷廣教總管府立  
行宣政院于杭州二月己未朔詔內外興舉學校戊辰封也真

也不干爲昌寧王以陰陽家言停造作四年癸酉太陰犯太微  
東垣上相太廟木階壞丁亥太白經天三月己丑朔詔科舉取  
士國子學積分膳學錢糧儒人免役悉依累朝舊制學校官選  
有德者補充辛卯太陰犯填星癸巳廣西徭賊復起殺元帥掠  
庫物遣右丞禿魯迷失將兵討之罷廣誼司復立覆實司癸卯  
月食旣益都真定盜起選省院官往捕之募能擒盜者倍其賞  
獲三人者與一官壬子廣西慶遠徭賊寇全州丁巳詔蒙古色  
目人犯奸盜詐僞者隸宗正府漢人南人犯者屬有司夏四月  
戊午朔日食壬申命唐其勢爲御史大夫丁丑太白經天戊寅  
太白晝見己卯奉文宗神主升祔因有事于太廟躬行告祭樂  
用宮縣禮三獻壬午太白晝見錄許衡後以其孫從宗爲興珍

本提點  
自賣  
除累朝  
恭年忌日

宋作佛事禁私剏寺觀菴院僧道入錢五十貫給度牒方聽出

宗五月己丑宮者李羅帖木兒傳皇后旨取鹽十萬引入中政

院戊申封宗室蠻子為文濟王鎮大名雲南王阿魯鎮雲南詔

王侯宗戚軍站人匠鷹坊控鶴但隸京師諸縣者令一體應役

贈故中書平章王泰亨諡清憲舊制三品以上官立朝有大節者得賜功臣號及諡時寔濫失

實惟泰亨在中書時安南請佛書以九經賜之使高麗不受禮遺為尚書貧不能自給故特賜是諡秋七月甲午

太白晝見己亥太白經天壬寅詔蒙古色目人仍行父母喪犯

盜者免刺甲辰太白經天帝幸楠木亭巳酉太白晝見夜有流

星大如杯色赤長五尺餘光燭地起自天津沒於離宮之南庚

戌太白經天壬子癸惑犯鬼八月丙辰朔太白經天凡四日戊

午祭社稷自是復舉上戊之典癸亥太白經天辛未以災變赦天下京師

地震鷄鳴山崩陷為池方百里巳卯太白犯軒轅九月庚寅太

白經天壬辰太陰入南斗癸巳太白犯靈臺甲午徭賊陷賀州  
命廣西宣慰使章伯顏帥八番義從軍擊之壬子太白犯太微  
垣冬十月乙卯朔定內外官朝會儀班次一依品從辛酉以許  
有壬參知政事癸亥太白犯太微東垣上相復犯進賢丁卯立  
湖廣黎兵屯田萬戶府統千戶十三所增置武安縣乙亥太陰  
犯軒轅太白犯填星巳卯上皇太后尊號曰贊天開聖仁壽徽  
懿昭宣皇太后詔曰朕登大寶君臨萬方永惟大母擁佑之勤  
神器奠安海宇寧謐實慈訓之致然也爰協衆議再舉徽稱而  
皇太后以文宗未祔太廟至誠謙抑弗賜僉允今告祔禮成亦  
旣闋歲乃以吉日奉上尊號思與普天同茲大慶可大赦天下  
免今年田租之半內外官四品以下減一資癸未定真哥皇后  
配饗武宗是爲宣慈惠聖皇后十一月戊子發兩艘船下番爲

皇后營利乙未填星犯亢庚戌熒惑犯太微垣是歲河南湖北  
旱自三月不雨至于八月淮水灤河漆河溢江浙大饑賑米六  
萬石鈔二千八百錠罷太廟夏秋二享

至元元年乙亥春二月甲寅朔帝將田柳林從臺臣諫遂止丁  
巳立縹甸散府及穆由甸范陵甸二長官司甲戌熒惑逆行入  
太微三月癸未朔遣五府官決天下重囚敕丞相已領軍國重

事省院臺官俱不得兼領各衛貴州平伐都勻定雲蠻長寶郎

天都蟲等來降卽其地立宣撫司丙申以甘州路十字寺奉安

世祖皇帝母別吉太后於內議定祭禮別吉應是莊丁酉月食

罷采高麗媵女甲辰免山東河間兩淮福建新增鹽課十八萬

五千引以徹里帖木兒平章政事王結參知政事夏四月癸丑

朔廢霑益州所轄羅山石梁交水三縣詔諸官非節制軍馬者

不得佩金虎符壬戌太陰犯左執法己卯命翰林國史院纂修

累朝實錄及后妃功臣列傳庚辰罷功德典瑞營繕集慶翊正

羣玉繕工金玉珠翠諸提舉司五月壬午朔遣使祭曲阜孔子

廟癸卯太陰犯壘壁陣甲辰命唐其勢爲左丞相

時撒敦已歿

六月

壬戌太陰犯心庚辰唐其勢憤伯顏專政謀立諸王晃火帖木

兒伏兵東郊率勇士突入宮伯顏執之及其弟塔刺海皆伏誅

并執皇后伯牙吾氏幽之別所秋七月辛巳朔以馬扎兒台阿

察赤並爲御史大夫壬午伯顏弑皇后伯牙吾氏于開平民舍

諸王晃火帖木兒自殺乙未太陰犯壘壁陣壬寅專命伯顏爲

右丞相罷左丞相不置戊申誅答里及阿察赤等于市詔曰曩

者文宗皇帝以燕鐵木兒嘗有勞伐父子兄弟顯列朝廷而輒

造事釁出朕遠方文皇尋悟其妄遺命傳位於朕燕鐵木兒貪

利幼弱復立朕弟不幸 殂丞相伯顏追奉遺詔迎朕於南旣  
至大都燕鐵木兒猶懷兩端遷延數月天隕厥躬伯顏等同辭  
翊戴乃正宸極後撒敦答里唐其勢相襲用事交通宗王晃火  
帖木兒圖危社稷阿察赤亦嘗與謀今幸以次掩捕明正其罪  
元克構難貽我太后震驚朕用兢惕永惟皇太后後其所生之  
子一以至公爲心親孝大寶界予兄弟迹其定策兩朝功德隆  
盛近古罕比雖嘗奉上尊號揆之朕心猶爲未盡已命大臣特  
議加禮伯顏爲武宗捍禦北邊翼戴文皇茲又克清大憝明飭  
國憲爰賜答刺罕之號期於子孫世世永賴八月辛亥朔熒惑  
犯氏癸亥以岐陽王完者帖木兒知樞密事帖木兒不花並爲  
御史大夫巳卯議尊皇太后爲太皇太后許有壬諫以爲非禮  
不聽九月丁亥封闕里吉思爲宜國公定住爲宣德王是夜太

陰犯斗庚寅犯壘壁陣丙午改烏撒烏蒙地仍隸四川冬十月  
甲寅熒惑犯南斗丙辰加塔失海牙太尉商議中書省事塔失  
帖木兒爲太禧院使議軍國重事丁巳安置御史大夫完者帖  
木兒于廣海甲子太陰犯昴丁卯犯斗戊辰太白晝見徹里帖  
木兒議罷科舉并減太廟四祭爲一御史呂思誠等十九人劾  
其變亂舊章不聽皆辭去惟陳允文不署名獨留十一月庚辰  
詔罷科舉以所在儒學貢士莊田租給宿衛衣糧甲申太白經  
天乙酉敕內外官悉循資銓注毋得保舉濫滯選法丙戌太白  
經天巳丑辰星犯房丁酉以阿吉刺平章政事徐奭定住並參  
議中書省事戊戌召前知樞密院事福丁失刺不花撒兒不哥  
還京師初二人以帝未立謀誅燕巳亥太陰犯太微垣庚子犯  
左執法辛丑以災異改元詔曰朕祗紹天明入纂丕緒于今三



年夙夜寅畏罔敢怠荒茲者年穀順成海宇清謐朕方增修厥德日以敬天恤民爲務屬太史上言星文示儆將朕德菲薄有所未逮與天心仁愛俾予以治有所告戒與弭災有道善政爲先更號紀年實惟舊典仰惟世祖在位長久天人協和諸福咸至祖述之志良切朕懷今特改元統三年仍爲至元元年適遵成憲誕布寬條庶格禎祥永綏景祚十二月壬子太陰犯壘壁陣壬戌命四川雲南保舉蠻獠官以俟銓注乙丑加上皇太后尊號曰貞文慈佑儲善衍慶福元太皇太后詔曰欽惟太皇太后承九廟之托啓兩朝之業親以大寶付之眇躬尙依擁佑之恩格遵仁讓之訓爰極尊崇之典以昭報本之忱庸上徽稱宣告中外是夜太白犯軒轅夫人星丙寅太白經天丁卯太陰犯右執法癸酉歲星晝見乙亥太白歲星皆晝見丙子安慶蘄黃

地 震 戊 寅 蒙 古 國 子 監 成 閏 月 乙 酉 詔 四 川 鹽 運 司 仍 于 鹽 井  
造 鹽 餘 井 聽 民 煮 造 收 其 課 十 之 三 熒 惑 犯 壘 壁 陣 壬 辰 命 宗  
室 脫 脫 木 兒 襲 封 荆 王 掌 忤 來 諸 軍 戊 戌 徹 里 帖 木 兒 以 罪 罷  
流 南 安 庚 子 太 陰 犯 心 壬 寅 犯 箕 癸 卯 犯 南 斗 是 歲 賜 天 下 田  
租 之 半 凡 有 妻 室 之 僧 令 還 俗 既 而 復 聽 爲 僧 太 廟 惟 舉 夏 秋

### 二 享

二 年 丙 子 春 正 月 壬 戌 太 陰 犯 右 執 法 甲 子 犯 角 丁 卯 犯 房 宿  
松 縣 地 震 山 裂 置 都 水 庸 州 司 于 平 江 二 月 辛 巳 太 陰 犯 昴 甲  
申 太 白 經 天 丁 酉 追 尊 帝 生 母 邁 來 廸 爲 貞 裕 徽 聖 皇 后 庚 子  
析 衡 陽 立 新 城 縣 乙 巳 免 甘 肅 兵 在 逃 者 罪 聽 復 業 三 月 壬 戌  
太 陰 犯 心 甲 子 犯 箕 乙 丑 犯 南 斗 甲 戌 復 四 川 鹽 井 之 禁 夏 四  
月 丁 丑 朔 禁 民 間 私 造 格 例 戊 寅 封 駙 馬 孛 羅 帖 木 兒 爲 鎮 德

至丙戌太陰犯角丁亥禁服麒麟鸞鳳白兔靈芝雙角五爪龍  
八龍九龍萬壽福壽字赭黃等服庚寅以帖木兒不華平章政  
事王德懋爲中書左丞撒廸爲御史大夫五月丙午朔黃河復  
故道庚戌太陰犯靈臺丙辰太白晝見壬申秦州山崩六月戊  
子太白犯井禮部侍郎忽里台請復科舉之制不聽湍河白河  
涇水皆溢秋七月己酉太白犯鬼夾戌以定住鎖南參議中書  
省事乙卯太白犯熒惑禁口傳敕旨濫支錢帛癸酉命駙馬月  
魯不花帖古思教化同鎮薛連可怯魯連之地八月甲戌朔日  
食己卯太陰犯心辛巳犯箕壬辰立屯衛于馬札罕之地庚子  
定強盜皆死盜牛馬者劓盜驢騾者黥額再犯劓盜羊豕者墨  
項再犯黥三犯劓後再犯者死盜諸物者照其數估價省院  
臺五府官三年一次審決辛丑併馬湖路泥溪平彝蠻彝彝都

沐川雷坡六長官司爲三九月庚戌熒惑犯太微垣冬十月丙子熒惑犯左執法丁酉太陰犯昴巳亥犯進賢詔每日右丞相伯顏太保定住平章孛羅阿吉刺聚議于內廷平章塔失海牙右丞鞏卜班參知政事納麟許有壬聚議于中書十一月巳酉太陰犯壘壁陣丁巳遣河南平章珙珞普華至西番爲僧安置宗王不蘭奚于梧州丁卯太陰犯房辛未禁彈弓弩箭袖箭是歲以燕鐵木兒居第賜灌頂國師號大覺海寺塑于佛于其內江浙旱自春至于八月不雨黃州蝗督民捕之人日五斗太廟惟舉冬享

三年丁丑春正月癸卯廣東增城縣民朱光卿反僞稱大金國改元赤符癸丑立宣鎮侍衛屯田萬戶府于寧夏丙辰月食丁巳日有交暈左右珥上有白虹貫之戊午帝畋于柳林凡三十

五日監察御史丑的宋紹明進諫帝嘉之賜金幣丑的等固辭

帝曰昔魏徵進諫唐太宗未嘗不賞汝其受之封晉郭璞為靈

應侯諡唐杜甫曰文貞二月壬申朔日食河南汝寧人胡閏兒

號梓以燒香惑眾反于信陽州破鹿邑焚陳州屯營于杏岡丙

子立船戶提舉司定船戶科差一千料以上者歲納鈔六錠下

此遞減按志云額外之課凡三十有二一曆日二契本三河泊

羊十一菽葦十二煤炭十三撞岸十四山查十五麴十六魚十

七漆十八醋十九山澤二十蕩二十一柳二十二牙例二十三

乳牛二十四抽分二十五蒲二十六魚苗二十七柴二十八羊

皮二十九磁三十竹葦三十一薑三十二白藥其船戶又在額

外之復立採珠提舉司三月辛亥太陰犯靈臺戊午立弘吉刺

氏伯顏忽都為皇后因雨輟賀癸亥加封晉周處為英義武惠

正應王是月天雨線綱目云雨毛如線而緣民譟曰夏四月癸

酉禁漢人南人高麗人持軍器有馬者拘入官甲戌有星孛于

王良至七月壬寅浚于貫索辛卯太陰犯壘壁陣四川大足縣  
民韓法師反自稱南朝趙王廣東歸善縣民聶秀卿譚景山等  
造軍器拜戴甲爲定光佛與朱光卿相結爲亂庚子太白晝見  
詔省院臺部宣慰廉訪司及郡府幕官之長並用蒙古色目人  
禁漢人南人習蒙古色目文字五月辛丑民間訛言朝廷采童  
男女一時嫁娶殆盡壬寅太白犯鬼乙巳太陰犯軒轅戊申太  
白晝見壬子太陰犯心甲寅西番賊起殺鎮西王子黨兀班蔓  
延二百餘處詔立行宣政院以也先帖木兒爲院使討之戊午  
太白晝見己未太陰犯壘壁陣丁卯彗星見東北大如天船星  
色白長尺餘彗指西南凡六十三日自昴至房歷十五宿始滅  
六月庚午太白經天乙亥太白犯靈臺己卯犯太微垣御河黃  
河沁河渾河水並溢壬午太白晝見太陰犯斗丁亥太白

犯太微垣戊子加封尹真人為無上太初博文文始真君徐甲  
為垂玄感聖慈化應御真君庚桑子為洞靈感化超蹈混然真

君文子通玄光暢昇元敏誘真君列子冲虛至德遁世樂游真

君莊子南華至極雄文弘道真君己丑太白晝見閱三十三日

方息秋七月丁未車駕幸龍岡灑馬潼以祭庚申詔除死罪重

情必候五府官審錄笞杖以下聽有司依例決斷元制五刑之目凡七下至

五十七為笞刑凡六十七至一百七為杖刑其徒法年數杖數相附麗為加減鹽徒盜賊既決而又錄之流則南人遷遼陽迤

北之地北人遷南方湖廣之鄉死刑則有斬而無絞惡逆之極者又有凌遲處死之法是月朱光卿就擒

八月甲戌太陰犯心壬午京師地大震太廟梁柱裂各室墻壁

壞壓損儀物及文宗神主御床各寺神御殿壁仆損祭器自是

累震者六日癸未弛高麗軍器禁仍令乘馬凡漢人鎮邊生番

處並開軍器禁九月己亥熒惑犯斗甲辰太白犯斗丁未太陰

犯壘壁陣巳酉修文宗神主玉冊及神御物成遣官告祭辛亥  
太陰犯軒轅冬十月庚午太白晝見丙子太陰犯壘壁陣壬午  
犯昴丁亥犯鬼庚寅太白晝見十一月丁酉太白經天戊戌太  
白犯亢壬寅太陰犯熒惑癸卯犯壘壁陣丙午立屯田于雒州  
丁未填星犯鍵閉辛亥太白犯五車甲寅化鬼丙辰太陰犯軒  
轅丁巳犯太微垣癸亥發鈔萬五千錠賑宣德地震死傷者十  
二月巳巳歲星退犯天罇填星犯爵星甲戌熒惑犯壘壁陣太  
白犯東咸壬午集賢大學士羊歸言太上皇唐妃影堂在真定  
玉華宮考元世稱太上皇者蓋睿宗也特唐妃無考每年宜于正月二十日致祭從  
之加馬札兒台太保知樞密院鎮北邊伯顏請殺張王劉李趙  
五姓漢人帝不從是年太廟四祭皆闕

四年戊寅春正月丙申以地震赦天下詔內外廉能官父母年



七十無侍丁者准附近銓注以便侍養癸卯太白犯建星丙午  
犯五車辛亥太陰犯軒轅己未填星犯東咸庚申太陰入南斗  
太白犯牛二月戊寅太陰犯軒轅己卯犯靈臺乙酉奉聖州地  
震三月戊申填星退犯東咸夏四月辛未京師雨紅沙晝晦以  
探馬赤只兒瓦歹平章政事脫脫爲鄒史大夫己卯河南執胡  
閏兒械至京誅之癸巳帝如上都暮至八里塘雨雹大如拳其  
狀有小兒環玦獅象龜卵之形五月辛酉詔土番宣慰司軍士  
許乘馬執兵器分湖廣元領新化古州潭溪龍里洪州諸洞民  
六萬餘戶隸靖州增吏部考功司官以佛家閭爲郎中喬林爲  
員外郎魏宗道爲主事考較天下郡縣官功過六月庚午袁州  
民周子旺反僞改年號尋被擒伏誅辛巳填星退犯鍵閉壬午  
立重慶路墊江縣漳州民李志甫反圍漳城守將柳思監戰失

利秋八月癸亥朔日食丙子京師地震日二三次至乙酉乃止

丁丑白虹亘天癸未改宣德府為順寧府奉聖州為保安州雲

南老告土官八那遣使賫象馬來朝立老告軍民總管府閏月

己亥填星犯罰星庚戌太陰犯斗乙卯犯鬼贈湖廣平章燕赤

永平王諡忠襄伯顏察兒奉元王諡忠宣太保曲出廣陽王諡

忠惠平章伯帖木兒文安王諡忠憲闕兒吉思晉寧王諡忠襄

九月丙寅太陰犯斗戊辰太白犯東咸癸酉奔星如彗大色白

起右旗下西南行沒于近濁甲申太陰犯軒轅乙酉犯靈臺庚

寅太白犯斗冬十月辛亥太陰犯酒旗十一月丁卯立紹熙府

軍民宣撫都總司本府元領六州二十縣一百五十二鎮元初以其地荒而廢之至是居民多至二十餘萬

故立府 己巳熒惑犯氐丁丑太陰犯鬼戊寅犯壘壁陣十二月

戊戌立邦牙等處宣慰司都元帥府并總管府初世祖既窺緬地以其處雲南

極邊就立其蠻長為帥命三年  
一入貢至是來貢故立官府  
庚子熒惑犯房壬寅以汪家奴

知樞密院事別兒怯不花為御史大夫癸卯太白經天壬子熒  
惑犯東咸乙卯太白犯外屏太陰犯斗丙辰太白經天是年江  
浙海運糧不足撥江西河南五十萬石補之信州靈山裂華昌  
府山崩太廟惟舉冬祭五年亦如之

五年巳卯春正月癸亥禁濫予僧人名爵庚午太陰犯井乙亥

熒惑犯天江二月庚寅信州雨土甲午太陰犯昴庚子免廣海

新增鹽課萬五千引壬寅太陰犯靈臺夏四月辛卯加封孝女

曹娥為慧感靈孝昭順純懿夫人罷興州興安縣壬寅太陰犯

日星五月庚午太陰犯心壬申犯斗丙子太白犯昴六月壬寅

月食甲辰熒惑退入南斗秋七月甲子熒惑犯南斗太陰犯房

甲戌太白經天詔諸王位下官毋入常選乙酉太白經天凡七

日八月甲午太陰犯斗丁酉太白犯軒轅乙巳太陰犯昴冬十月壬辰禁倡優盛服許男子裹青巾婦女服紫衣不許戴笠乘馬甲午命伯顏爲大丞相加元德上輔功臣號伯顏矯殺郟王徹徹禿又奏貶宣讓王帖木兒不花威順王寬徹普化不俟命輒遣去己亥熒惑犯畢壁陣十一月戊辰杞縣人范孟反詐稱詔使至河南殺平章月祿帖木兒左丞切烈廉訪使完者不花等已而捕誅之癸酉江西新昌州雨水冰至明年二月始解十二月甲午太陰犯昴癸卯熒惑犯外屏是歲工部廳梁上出芝草一本七莖汀州大水漂民廬八百區溺死八千餘人戶賑鈔半錠灰者倍之濮州范縣冀寧桓州雲需府瀋陽等處饑共賑鈔二萬五千錠米七千餘石

六年庚辰春正月丁卯太陰犯鬼甲戌立司禋監改奉太祖太

宗睿宗御容於石佛寺

以翰林院言祭所甚隘故特造新影堂改奉之

乙亥太陰犯房

二月己丑太陰犯昴丙申犯太微垣己亥黜伯顏為河南行省

左丞相詔曰朕踐位以來命伯顏為太師秦王中書大丞相而

伯顏專權自恣欺朕年幼輕視太皇太后及朕弟燕帖古思變

亂祖宗成憲虐害天下加以極刑允合輿論朕念先朝之故尙

存憫恤今出為河南行省左丞相所有元領諸衛親軍并怯薛

歹人等詔書到時卽許散還

轍耕錄云帝御玉德殿命史臣草詔有云各領所部詔書到日悉還

本衛帝曰自早至暮皆一日也可收日字作時字時伯顏以飛

放為名挾皇太子燕帖古思在柳林意將犯分詔既成遣平章

只兒瓦歹賚至奉皇太子歸國各校命馬札兒台為太師右丞

軍馬卽時散去一字之繫利害如此相辭不拜以其子脫脫知樞密院事也先帖木兒為御史大夫

壬寅詔諸王侯不得懸帶弓箭環刀輒入內府癸卯太陰犯心

乙巳罷各處船戶及廣東採珠二提舉司丁未太陰犯羅堰戊

申熒惑犯日星立延徽寺奉寧宗祀事巳酉有星孛于房星六  
色白狀如粉絮尾跡長五寸餘彗指東南漸向西北行闊三十  
二日始滅三月甲寅漳州義士陳君用襲殺反賊李志甫授君  
用同知漳州府事癸亥太陰犯軒轅庚午犯房壬申犯南斗戊  
寅太白犯月星辛巳詔安置伯顏陽春縣未至歿于道夏四月  
庚寅立明宗神御殿碑于大天元延壽寺以汪家奴平章政事  
鐵木兒塔識爲中書右丞五月己未漳州龍巖尉黃佐才與李  
志甫餘黨戰妻子四十餘口皆遇害擢佐才爲龍巖縣尹丁卯  
太陰犯斗丙子置月祭各影堂香於大明殿遇行禮令省臣就  
殿行香祭之六月丙申詔徹文宗廟主徙太皇太后不答失里  
于東安州放太子燕帖古思于高麗詔曰昔我皇祖武宗昇遐  
之後祖母太皇太后惑於憊慝俾皇考出封雲南英宗遇害

統寢備我皇考以武宗之嫡逃居朔漠宗王大臣同心翊戴肇  
啓大事于時以地近先迎文宗暫總幾務繼知天理人倫所在  
假讓位之名以寶璽來上我皇考推誠不疑卽授以皇太子寶  
文宗稔惡不悛當躬迓之際乃與其臣月魯不花野里牙明里  
董阿等謀爲不軌使我皇考飲恨上賓歸而再徇宸極海內聞  
之靡不切齒又私圖傳子乃構邪言嫁禍于八不沙皇后謂朕  
非明宗子俾出居遐陬祖宗大業幾於不繼內懷媿歉則殺野  
里牙以杜口上天不祐隨降殞罰叔嬭不答失里怙其勢燄舍  
冢嗣而立孺稚奄復不年諸王大臣以賢以長扶朕踐位每念  
治必本於盡孝事莫先於正名賴天之靈權奸屏黜永惟鞠育  
罔極之恩忍念不共戴天之義其命太常徹去圖帖睦爾在廟  
之主不答失里本朕之嬭母陰構奸臣弗體朕意僭膺太皇太

后之號迹其闔門之禍離間骨肉罪惡尤重揆之大義削去鴻

名徙東安州安置燕帖古思昔雖幼冲理難獨處朕終不陷于

覆轍專務殘酷惟放諸高麗當時賊臣月魯不花野里牙已灰

其以明里董阿等明正典刑太皇太后尋暴崩燕帖古思亦中道遇害已亥成紀縣

山崩地坼辛亥太白晝見夜犯歲星秋七月甲寅詔封微子為

仁靖公箕子為仁獻公加封比干為仁顯忠烈公丁巳太白晝

見戊午以星文示異地道失寧蝗旱相仍頒罪已詔於天下已

未以亦憐真班為御史大夫庚申太陰犯心甲子犯羅堰戊寅

命翰林奎章閣剛修大元統制名至正條格九月癸丑加封漢

張飛武義忠顯英烈靈惠助順王辛酉太白犯虛梁丙寅詔有

罪者毋籍其妻女丁卯太陰犯昴熒惑犯歲星甲戌太陰犯軒

轅冬十月甲申加上皇考尊號始親祿太室以太師馬札兒台



為亞獻官樞密知院阿魯禿為終獻官

時帝在位七年未嘗一至太廟御史以為言乃

始行親祀

辛卯敕各愛馬人不許與常選

愛馬人謂諸王所統之軍

丁酉太白入

南斗已亥犯斗壬寅命脫脫為右丞相鐵木兒不花為左丞相

十一月乙卯太陰犯虛梁戊午熒惑犯氐甲子月食辰星犯東

咸戊寅犯天江以孔克堅襲封衍聖公十二月癸未太陰犯虛

梁乙酉犯土公丁亥熒惑犯鈎鈴乙未犯東咸是月詔復科舉

取士制國子監積分生員三年一次依科舉例入會試中者取

一十八名罷天曆以後增設太禧宗禋等院改奎章閣為宣文

閣藝文監為崇文監

環谷集云帝作宣文閣于大明殿西北萬幾之服御閣閣經史以左右庶臣為參筵

官日侍講讀

至正元年辛巳春正月己酉朔改元詔曰朕惟帝王之道德莫

大於克孝治莫大於得賢朕早歷多艱入紹大統仰思祖宗付

紀月傳金 卷一  
託之重戰兢惕勵逮茲八年慨念皇考久勞於外甫卽大命四海缺望夙夜追慕不忘於懷乃以至元六年十月日追上尊號曰順天立道睿文智武大聖孝皇帝被服袞冕裸於太室式展孝誠勉徇大禮慶成之請御大明殿受羣臣朝賀爰自去春疇咨于衆命馬札兒台爲太師右丞相以正百官以親萬民尋卽控辭養疾私第再三敦諭勉令就位自春徂秋其請益固朕憫其積勞察其至誠不忍煩之以政俾解機務加封忠王其子脫脫早歲輔朕克著忠貞乃命爲中書右丞相宗正鐵木兒不花嘗歷政府嘉績著聞爲中書左丞相並錄軍國重事夫三公論道以輔予德二相總政以弼予治可改至元七年爲至正元年與天下更始甲寅災惑犯天江庚申犯井辛未犯心癸酉犯斗

名天書海際曆年一甲戌太白晝見九月日冷冰封雪

字經一藏三月已卯未白晝見癸巳太陰犯明堂三月庚戌

兩淮屯田手號打捕軍癸丑撥屯儲禦軍于芍陂洪澤德安三

處屯種已未汴梁地震罷河西務行用庫立廣福富昌二庫隸

資政院復設衛候司拱儀局司禮監夏四月丁丑道州土賊蔣

丙等反破江華明遠二縣戊寅彰德有赤風自西北起晝晦如

夜庚寅以鐵木兒塔識平章政事阿魯為中書右丞許有壬為

左丞丁酉兩浙水免歲辦餘鹽三萬引庚子杭城火燬官民房

舍幾盡輟耕錄云至正辛巳春江浙平章只理瓦台入城之任

公解寺觀一萬五千七百五十五間燒灰七十四人明丁丑加封滹沱河神為昭佑靈源侯甲午賞扈從明宗諸王官

屬八百七人金銀鈔幣有差壬寅刻宣文至正二寶輟耕錄云

瑠一曰明仁殿寶一曰洪禧命楊六月戊午禁高麗及民間以

瑠篆文洪禧璞純白而鼯紐墨色

子爲宦者避賦役庚午太陰犯井秋七月乙酉太陰犯填星庚寅犯雲雨九月庚辰太陰犯建星壬午犯鉞星及井宿己丑賜文臣宴于拱辰堂冬十月甲寅以海運不給令江浙行省於中政院財賦府撥賜寺觀田糧總運二百六十萬石乙卯歲星犯氏丁巳太陰犯月星戊午月食旣十一月丙子道州土賊何仁甫等反庚辰分吏禮兵刑四部爲二庫戶工兩部爲二庫各設管勾一員己亥太陰犯東井庚子犯天江十二月乙卯詔民年八十以上者蒙古人賜繒帛餘各旌以高年耆德之名並免雜役丁巳太陰犯壘壁陣己未立四川安岳縣癸亥以在庫至元中統鈔二百八十二萬餘錠可支二年停造明年鈔本革王伯顏察兒等所獻檀景等州產金地是歲山東燕南寇盜縱橫至三百餘處崇明通泰等州海潮溢溺死千六百餘人賑鈔

千八百錠復行太廟四時祭二年三年亦如之

羣吹過野又雨鐵民舍山石皆穿人物值之多弊

禮志云雲南五

二年壬午春正月丙戌開京師金口河深五十尺廣一百五十

尺役夫十萬人費用不貲卒無成功降咸平府為縣升懿州為

路以大寧所轄典中義州屬之戊子太陰犯明堂甲午熒惑犯

月星三月戊子太陰犯房夏四月辛丑冀寧路平晉縣地震裂

地尺餘民居皆傾庚申太陰犯羅堰罷雲南蒙慶邦牙二宣慰

司五月甲申太白經天東平雨雹如馬首六月戊申奪江浙撥

賜僧道田還宮徵糧以備軍儲壬子濟南山崩水湧汾水大溢

秋七月庚午惠州羅浮山崩乙未太陰掩太白丁酉太白晝見

以賀惟一為中書參知政事辭不就拂郎國貢異馬長丈一尺

三寸高六尺四寸身純黑後二蹄皆白

圭齋集云帝御慈仁殿拂郎國進天馬救周朗

魏以爲圖圖成上

八月庚子朔日食丙午太白晝見九月己巳

湖廣平章鞏卜班討道州賊平之復嶼峒堡寨二百餘處丁丑

太陰犯羅堰戊子犯井冬十月己亥朔日食癸卯太陰犯建星

甲寅犯天關壬戌遣官致祭孔子于曲阜甲子權免兩浙額鹽

十萬引福建餘鹽三萬引十一月甲申免雲南明年差稅辛卯

歲星熒惑太白聚于尾十二月己酉京師地震辛亥阿魯禿滿

等以謀害宰臣圖逆伏誅是歲大同饑人相食河間冀寧等路

水杭州火賑鈔三十萬錠

三年癸未春二月甲辰太陰犯井填星犯斗熒惑犯羅堰乙卯

太陰犯氏遼陽吾者野人及水達達皆叛爲捕海東靑三月戊

寅詔作新風憲在內官不法者監察御史糾劾在外官不法者

行臺監察御史糾劾壬午太陰犯氏敕修宋遼金三史以丞相

脫脫為都總裁官

綱目云或欲如晉書例以宋為世紀而遼金為載紀或謂遼立國先宋五十年宋南渡後

嘗稱臣於金以為不可待制王理祖修端之說著三史正統論欲以遼金為北史太祖至靖康為宋史建炎後為南宋史各持議不決詔遼金宋各自為史 鞅耕錄云朝廷開局修史詔求遺書有以書獻者予一官繼命學士危樸來江南搜取定

終場下第舉人充學正山長國學生會試不中者與終場舉人

同夏四月丙申朔日食兩都桑葉皆生黃色龍文河決白茅口

六月壬子命經筵官一月三進講

安雅堂集云帝優禮講官既賜酒饌又以高年疲於步趨

命皆得乘舟太液池徑西苑歸 秋七月戊寅立永昌等處宣慰司庚辰太白犯

右執法河南自四月至是霖雨不止八月甲午朔命朶思麻宣

慰司同知鎖兒哈等討四川上蓬瓊吃賊九月甲子湖廣平章

鞏卜班擒猺賊唐太二蔣仁五至京誅之其黨蔣丙復號順天

王攻陷連桂二州冬十月戊戌鐵木兒不花罷丁未月食己酉

帝親祀上帝于南郊以太祖配右丞相脫脫為亞獻官太尉阿

魯圖為終獻官已未以郊祀禮成赦天下文官普減一資武官  
 升散秩一等蠲民間田租五分賜高年帛十二月丁未命別兒  
 怯不花為左丞相韓元善參知政事膠州高密縣地震是歲罷  
 民間食鹽徵清江處士杜本不至

四年甲申春正月辛巳定守令黜陟之法六事備者升一等四

事備者減一資三事備者平遷六事俱不備者降一等

六事者戶口增

田野闢詞訟簡盜賊息賦役均及常平庚寅河決曹州募夫萬

得法也按職官志止云五事不及常平

五千人築之又決汴梁閏二月乙亥月食三月丁酉復立武功

縣癸丑以納麟平章政事姚庸為中書左丞夏五月甲辰右丞

相脫脫辭職命阿魯圖代之封脫脫為鄭王黃河暴溢決金隄

曹濮濟兗皆罹患北侵安山沿入會通運河秋七月戊子朔溫  
 州颶風大作海水溢地裂

州颶風大作海水溢地裂



陝川入壺關至廣平殺兵馬指揮使復還益都莒州蒙陰縣地  
震九月丁亥朔日食冬十一月丁亥朔以各郡縣民饑禁抑配  
食鹽復令民入粟補官戊子禁內外官民宴會不得用珠花十  
二月己未增置四川省推官及惠民藥局壬戌太陰犯外屏漢  
陽東平地地震是歲太廟惟舉春秋二享五年亦如之

五年乙酉春正月薊州地震以陳思謙參議中書省事夏四月  
丁卯遣大都流民還鄉官給路糧募富戶出米五十石以上者  
旌以義士號五月己丑放軍士所掠子女千一百人還雲南仍  
給行糧丁未河間竈戶被水災權停餘鹽二萬引候年豐還官  
秋七月丁亥河決濟陰丙午命鐵木兒塔識爲御史大夫九月  
壬午朔日食辛丑以搠思監爲中書左丞朶兒直班呂思誠並  
參知政事冬十月壬子以賀惟一爲御史大夫賜名太平

元制  
臺端

非國姓不授故特賜蒙  
古名本傳作六年事

辛酉遣使宣撫巡行天下詔曰朕自踐

祚以來十有餘年托身億兆之上端居九重之中耳目所及豈

能周知故雖夙夜憂勤奠安黎庶而和氣未臻災眚時作聲教

未洽風俗未淳吏弊未祛民瘼滋甚豈承宣糾劾奉行有所未

至與若稽先朝成憲遣官分道宣撫其詢民疾苦疎滌冤滯蠲

除煩苛體察官吏賢否明加黜陟有罪者四品以上停職申請

五品以下就便裁決民間興利除害之事悉聽便宜舉行命忽

都不丁何執禮之兩浙江東道散散王士弘之江西福建道板

實秦德從之江南湖廣道定僧魏景道之河南江北道蠻子李

獻之燕南山東道不花靳義之河東陝西道伯家奴王也速迭

兒之山北遼東道阿牙赤王紳之甘肅永昌道定定蘓天爵之

京畿道左答納失里賈惟貞之海北海南廣東道阿乞刺杜德

遠之雲南省答爾麻失里王守誠之四川省

時諸道奉使者皆與臺憲互相掩蔽

惟京畿道定定蕪天爵湖廣道拔實糾舉無所避

辛未宋濂金三史成帝謂羣臣曰史

既成書前人善惡朕當取為法戒然豈止激勸為君者為臣者

亦當知之卿等其體朕心以前代善惡為勉十一月甲午至正

條格成頒示天下奉元路陳望叔偽稱燕帖古思太子伏誅十

二月丁巳詔定薦舉守合法

六年丙戌

本末紀要云正月可天監奏天狗星墮地血食人間五千日始于楚編及齊趙終于吳其尤不及兩廣

春二月庚戌朔日食辛未山東地震七日乃止三月辛巳盜扼

李開務開河劫商船官軍不敢捕京畿山東盜並起夏四月丁

卯萬戶買住討吾者野人遇害詔恤其家命左右二司六部吏

屬於午後講習經史五月壬午罷江西田賦提舉司丁亥盜竊

太廟神主丁酉立河南山東行都水監專治決河六月己酉汀

州連城縣民羅天麟陳積萬作亂陷長汀縣丁巳雲南賊歿可

伐作亂

滇志作思可法

侵奪路甸命亦禿渾爲雲南平章討之秋七月

丁亥散毛洞蠻覃全在叛招降之立散毛誓匡軍民宜撫司癸

巳選怯薛官爲路府縣達魯花赤丙申以呂思誠爲中書左丞

朶爾直班爲右丞答兒麻參知政事九月乙酉克復長汀縣戊

子邵武地震有聲如鼓至夜復鳴冬閏十月乙亥詔赦天下免

差稅三分水旱之地全免靖州猺賊吳天保陷黔陽有衆六萬

癸未汀州賊徒羅德用殺賊首羅天麟陳積萬以首級送官餘

黨悉平十二月甲申復立大護國仁王寺昭應宮財用飭運總

管府凡貸民錢二十六萬餘錠甲午增北邊海海刺禿二處屯

田

後以沙土苦寒不久遂廢

復立八百宣慰司以土官韓部襲其父爵尙書

李綱請躬祀郊廟近正人遠邪佞以崇陽抑陰不聽是歲阿魯

圖罷太廟惟舉夏秋二享

七年丁亥春正月甲辰朔日食大寒而風朝官多仆者壬子命

別兒怯不花爲右丞相鐵木兒塔識爲左丞相蓋苗參知政事

庚申雲南老丫等蠻來降

寰宇記作老撾

立老丫耿疎路軍民總管府

丙寅汰宿衛士止存累朝定額二月甲戌朔山東地震壞城郭

棣州有聲如雷河南山東盜蔓延濟寧滕邳徐州等處庚辰以

鎖南班爲中書右丞道童參知政事宦者伯帖木兒爲司徒徭

賊吳天保寇沅州陷淑浦辰溪縣以阿吉刺知樞密院事三月

乙巳修光天殿庚戌試國子監會食弟子員選補路府及各衛

學正戊午敕編六條政類夏五月乙丑別兒怯不花以災異乞

罷詔以太保就第臨淄縣地震七日乃止免太師馬札兒台官

放之西寧州其子脫脫欲與父俱行帝從其請以太平平章政

事秋七月甲寅名隱士完者圖執禮哈琅爲翰林待制張樞董立爲修撰李孝光爲著作郎樞不至丙辰太陰犯壘壁陣丁巳以納麟爲御史大夫九月癸卯八隣內哈刺那海秃魯和伯賊起斷嶺北驛道癸丑上都早霜殺禾甲寅詔舉材能學業之人以備侍衛辛酉鐵木兒塔識卒命國王朶兒只爲左丞相丁卯吳天保陷武岡延及寶慶殺行省右丞沙班冬十月丁丑詔左右丞相平章樞密知院御史大夫得賜玉押字印餘官不與辛卯開東華射圃戊戌西番盜起凡二百餘所陷哈刺火州劫供御蒲萄酒殺使臣十一月甲辰沿江盜起兩淮鹽運使宋文瓚上言世皇開會通河千有餘里歲運米至京者五百萬石曩者騎賊不過四十人扼李開務劫船三百艘有司莫能捕至江陰通泰爲江海門戶鎮江真州次之國初設萬戶府鎮其地今戊

將非人致使賊艦往來無常集慶花山城僅三十六人官軍數萬不能進討反為所敗後竟假手鹽徒雖能成功豈不貽笑宜

亟選智勇以圖後功不然東南五省租賦之地恐非國家所有

不報

輟耕錄云花山城畢四等僅三十六人內一婦人尤勇捷殺傷官軍無數縱橫茅山三月餘三省撥兵不能捕後募

饒徒朱陳等率其黨一鼓擒之

撥山東地十六萬二千餘頃給大承天護聖寺

為永業庚戌太陰犯天廩甲寅吳天保陷靖州命威順王寬徹

普化鎮南王李羅不花將兵討之己未以韓嘉訥為中書平章

政事

紀稱是月以嘉訥為陝西行臺大夫而通鑑則稱以嘉訥為平章按宰相年表至正七八九年皆載嘉訥名故改正

之丁卯海北湖南徭賊竊發有司不以聞詔降散官一等馬札

兒台卒于甘肅名脫脫還十二月庚午命朶兒只為右丞相太

平拜左丞相丙子帝以連年水旱民多失業特選臺閣名臣二

十六人出為守令許民間利害實封呈省丙戌以河南盜賊充

斥分撥達達軍與揚州舊軍赴沿河關隘戍守是歲置中書議  
事平章四人太廟不舉秋享

八年戊子春正月戊戌朔以也先帖木兒知樞密院事辛亥黃  
河決遷濟寧路于濟州命湖廣右丞禿赤都元帥完者帖木兒  
討莫磐洞諸蠻縛其洞首楊鹿五赴京師二月乙亥復立孛答  
乃禿忙兀三處屯田隸虎賁司庚辰太陰犯軒轅癸未犯平道  
壬辰以前奉使宣撫廣東道賈惟貞稱職特授永平路總管立  
行都水監于鄆城以賈魯爲太監三月丁酉詔頒金帛旌守令  
之廉勤者壬寅土番盜起有司請不拘資級委官討之福建盜  
起分立汀漳二元帥府鎮之丙辰太陰犯建星己未遣使銓闕  
廣蠻彙等官選辛酉遼陽鎖火奴及兀顏撥魯歡詐稱大金子  
孫作亂官軍討斬之夏四月乙亥帝視國子學升衍聖公秩從



二品定弟子員出身及奔喪省親等制 守令選立社長專一  
勸課農桑京官三品以上歲舉守令一人守令到任三月亦舉  
一人自代其玉典赤拱衛百戶不得任縣達魯花赤止授佐貳  
官平江松江大水留海運糧十萬石賑之五月丁酉朔大霖雨  
京城崩庚子廣西灘江溢四川旱饑禁酒六月丙寅朔升徐州  
爲府以邳宿滕嶧四州隸之丙戌立司天臺于上都秋七月丙  
申朔日食壬子量移竄徙官於近地安置死者聽歸葬江州總  
管劉恆有政績超升山東宣慰使八月丙子太陰犯壘壁陣九  
月己未太陰犯靈臺冬十一月辛亥吳天保掠全州以太不花  
忽都不花並平章政事台州黃巖民方國珍作亂聚衆海上命  
江浙參政朶兒只班討之是歲太廟闕冬祭  
九年己丑春正月庚戌太白犯建星辛亥犯平道命太不花提

調會同館三月丁酉垣河淺澁調軍民各萬人濬之己亥太白

犯壘壁陣夏四月丁丑以欽察台平章政事韓元善為中書左

丞壬午以河間水災住煎鹽三萬引王堂鑑綱云棗陽童子生甫周歲暴長四尺許容貌

異常饜腹嘻笑如俗所畫布袋和尚者五月戊戌加脫脫太傅提調內史府庚子

修黃河金堤民夫日給鈔三貫庚戌命翰林國史院等官薦舉

守令丙辰定守令督攝之法路督攝府府督攝州州督攝縣是

月白茅河東注沛縣成巨浸蜀江溢灌漢陽城民大饑詔刻小

玉印其文曰至正珍秘凡秘書監所掌書畫皆識之秋七月庚

寅監察御史幹勒海壽劾殿中侍御史哈麻及其弟雪雪交結

脫忽思皇后宮人脫忽思帝庶母御史大夫韓嘉訥以聞不省章三上

詔奪哈麻雪雪官居之草地出海壽為陝西副使左遷嘉訥為

江浙平章壬辰命皇子愛猷識理達臘習學漢文以李好文為

諭德歸賜為贊善張冲為文學甲午以也先帖木兒復為御史

大夫亦憐真班知樞密院事提調武備寺丙午太陰犯壘壁陣

癸丑犯天關乙卯丞相朶兒只太平俱罷復命脫脫為右丞相

搨思監為右丞玉樞虎兒吐華參知政事戊午命岐王阿刺乞

鎮西番九月甲子敕建言中外利病者委官選其可行之事以

聞丙戌熒惑犯靈臺冬十月丁酉命皇子入端本堂肄業丞相

脫脫領端本堂事司徒雅普化知端本堂事皇子與師傅分東

西向坐授書其下僚屬以次列坐王忠文公集云至正九年冬

就傳拜諭德贊善各一員文學二員仍命以翰林學士直學士

待制兼其職復置正字司經各二員即與聖宮西偏故宣文閣

改曰端本堂為肄學之所十月九日皇子始就學其室虛中

以俟至尊臨幸皇子坐于皇帝位之右而左向其左設師傅之

位諭德以下以次列坐而右向比授經則別設授讀位司  
月戊午朔日食戊辰太陰犯畢庚辰太白犯壘壁陣十二月戊

戊太白復犯壘壁陣丁未吳天保陷辰州皇后脫忽思以幹勒  
海壽之言侵已泣訴于帝帝怒奪海壽官并誣韓嘉訥賊罪杖  
流奴兒于死是歲詔汰冗官均俸祿賜致仕官及高年帛太廟  
不舉秋享

十年庚寅春正月丙辰朔以擲思監平章政事玉樞虎兒吐華  
爲中書右丞壬戌立四川容美洞軍民總管府壬申太陰犯熒  
惑甲戌隕石棣州色黑中帶金星先有聲自西北來至州北二  
十里乃隕二月丙戌加封天妃父種德積慶侯母育聖顯慶夫  
人辛丑太陰犯平道甲辰犯鍵閉三月己卯熒惑犯太微垣奉  
化州山石裂有禽鳥草木山川人物之形夏四月丁酉詔赦天  
下略曰朕纂承洪業撫臨萬邦夙夜勵精靡遑暇逸比緣倚注  
失當治理乖方是用圖任一相俾贊萬幾爰命脫脫爲右丞相

統正百官免釐庶績曾未期月百度具舉中外協謏朕

尙慮軍國之重民物之繁政令有未孚生意有未遂可尤

下丙午太白犯鬼六月壬子有星大如月入北斗震聲若雷三

日復還秋七月辛酉太陰犯房辛未太白晝見丁丑復見九月

癸丑朔太白晝見辛酉祭京師三皇廟

禮有未備乃敕工部具祭器江浙造雅王戊熒惑犯天江壬午

以吏部條格繁多銓選者得意為高下命編類成書冬十月癸

巳歲星犯軒轅丙申太陰犯昴大名東平濟南徐州各立兵馬

指揮司俾捕馬賊十一月壬子朔日食罷遼陽濱海民煎野鹽

戊辰太陰犯鬼己巳從尙書僕哲篤都事武祺言更定鈔法詔

曰爰自世祖頒行中統交鈔以錢為文厥後造至元寶鈔以一

當五名曰子母相權而錢實未用歷歲滋久鈔法偏虛物價騰

躡民用匱乏其以中統交鈔一貫文省權銅錢一千文准至元

寶鈔二貫仍鑄至正通寶錢與歷代銅錢並用以實鈔法可類

示天下衍義補云交鈔之法起于金按元制銀五十兩易鈔千兩是銀一兩直錢二十兩也中統元寶鈔兩貫同白銀

一兩其所直錢亦與交鈔同是月三星隕于耀州化為石如斧形削之有屑

擊之有聲十二月壬午朔以大司農禿魯等兼領都水監集河

防正官議黃河便益事乙未太陰犯鬼巳酉方國珍寇溫州命

江浙左丞孛羅帖木兒討之京師麗正門樓上忽有人妄言災

禍鞠之自稱薊州人巳而不知所往是冬溫燠草木皆萌芽吐

花大雪而雷電是歲太廟四祭皆不舉

十一年辛卯春正月丙辰辰星犯牛丁卯蘭陽縣有紅星大如

斗自東南墜西北其聲如雷立湖南分元帥府于寶慶路山東

分元帥府于登州二月庚寅太陰犯鬼乙未犯太微丁酉犯

三月丁卯太陰犯東咸戊辰犯天江徵建寧處士彭炳爲端木  
堂說書不至夏四月壬午詔開黃河故道命賈魯以工部尙書  
充總治河防使發汴梁大名十三路民十五萬廬州等戍十八  
翼軍二萬供役仍命右丞王樞虎兒吐華同知樞密院事黑厮  
以兵鎮之冀寧孟州地震半月乃止乙酉加封河瀆神爲靈源  
神祐弘濟王重建河瀆及西海神廟丁酉立鎮寧州辛丑師壁  
洞土官田驢什用盤順府土官墨奴什用降立長官司四五月  
己酉朔日食辛亥潁州妖人劉福通作亂以紅巾爲號陷本州  
其黨韓山童就擒山童子韓林兒逃之武安軍六月劉福通據  
朱臯攻破羅山真陽確山上蔡遂犯舞陽葉縣李羅帖木兒討  
方國珍兵敗被執輟耕錄云至正辛卯夏松江普照寺僧舍一  
做帚開花嘉興陶氏磨上木肘發青條開白  
花吳江分湖里煨工一柳樹樁以安鐵碓者發長條數莖如葦三家雖有此怪而皆無恙秋七月丁巳罷四

川大奴管勾洞長官司改立忠孝軍民府己未太陰犯斗壬戌

犯右執法己巳太白犯左執法熒惑入鬼命大司農達識帖睦

邇等招諭方國珍國珍偽降八月丁丑朔申興地震乙酉太陰

犯天江丙戌蕭縣李二號李羅田徐壽輝本名寇起二陷徐州

壽輝陷蘄州亦以紅巾為號九月壬子命御史大夫也先帖木

兒知樞密院事將諸衛軍十餘萬討河南妖寇乙卯辰星犯左

執法丁巳太白犯房戌辰太陰犯鬼劉福通陷汝寧府及息尤

二州徐壽輝陷蘄水縣及黃州路冬十月戊寅熒惑犯太微垣

辛巳太陰犯斗癸未立寶泉提舉司于各省鼓鑄至正通寶鑄

印造交鈔令民間通用行之未久物價騰踊至逾十倍民皆以貨物相貿易既而海內兵起京師

十錢易斗乙酉太白犯斗己丑太白晝見熒惑犯歲星斗

白犯斗癸巳歲星犯右執法丙午熒惑犯左執法



寧兩黑子大如菽信衢二州及邵武路兩黍民多取食之徐壽  
輝據蘄水爲都國號天完僭稱帝改元治平十一月癸丑有星  
孛于婁甲寅見于胃丁巳微見于畢太陰犯填星黃河堤成河  
復故道遣使告祭河伯名賈魯還超授集賢大學士命翰林承  
旨歐陽玄製河平碑十二月丙子朔太白晝見丁丑太白經天  
巳卯立河防提舉司隸行都水監庚辰太白犯壘壁陣甲申太  
陰犯填星丙戌以烏古孫良楨參知政事辛卯太白經天丁酉  
太白晝見太陰犯熒惑庚子太白經天辰星犯天江辛丑也先  
帖木兒復上蔡縣擒劉福通僞將韓咬兒等送大都誅之壬寅  
太白晝見是年太廟闕秋享

十二年壬辰春正月戊申竹山縣賊陷襄陽總管柴肅歿之是  
日荆門州亦陷庚戌以月魯不花平章政事壬子諭河南湖廣

調兵討賊正當首春耕作之時恐農民不安田畝守令有失勸課宜委通曉農事官分道巡視督勸有司親詣鄉都省諭農民依時播種務使人盡其力地盡其利其有曾經盜賊水患供億繁重貧民不能自備牛種者所在官爲量給仍飭領兵官嚴禁屯駐軍馬毋得踐踏以致農事廢弛丙辰徐壽輝遣將丁普郎徐明遠陷漢陽及興國府己未徐壽輝僞太師鄒普勝陷武昌辛酉徐壽輝遣將魯法興陷安陸知府丑驢歿之癸亥添設刑部尙書侍郎各一員乙丑太陰犯熒惑己巳歲星犯右執法壬申中興路陷拘刷大都河南陝西遼陽漢人馬二月乙亥朔以賈魯爲中書添設左丞命諸王禿堅守揚州孛蘭奚守大名寧王牙安沙鎮四川乙酉徐壽輝兵陷江州總管李黼歿之遂陷南康及岳州庚寅太陰犯太微垣癸巳犯氐辛丑置安東安豐

分元帥府鄧州賊王權張椿陷澧州龍鎮衛指揮使奄都刺哈

蠻帥師復之是月賊侵滑濬諸邑起德住為河南右丞守東明

賊不敢犯時德住致仕于家聞命即出徐壽輝偽將歐祥陷袁州命帖里帖

木兒以中書參政分省濟寧定遠人郭子興起兵自稱元帥與

其黨孫德崖等破濠州三月乙巳朔徐壽輝偽將許甲攻衡州

陶九陷瑞州壬子以太不花為河南省平章史作左丞相者誤克復南

陽等處癸丑重行納粟補官有能自餉糧米供給軍儲者照依定擬地方實授常選流官依例升

轉封廕及已除鹽茶錢穀等官能再戊午太陰犯進賢壬戌犯

東咸甲子徐壽輝遣將項普略陷饒州路遂陷徽信二州丁卯

出幣帛各十萬足於迤北萬戶千戶所易馬戊辰太白晝見詔

省院臺官依世祖舊制兼用南人有才學者立饒州德興銅冶

場時有張理獻言膽水浸鐵可成銅故即其地立之以理為場官詔隨朝諸正官各舉循良材

實上高錄

幹智勇兼全堪充守令者二人多者不限員數試用守令並兼  
 管義兵防禦諸軍與魯勸農事任滿稱職者許實授凡除常選  
 官於殘破郡縣及逼近賊境者升四等稍近者升二等方國珍  
 復劫其黨入海台州路達魯花赤泰不華與戰于澄江灰之隴  
 西地震百餘日城郭頽地陵谷變遷定西會州靜寧莊浪尤甚  
 會州公廨墻崩獲弩五百餘張長丈餘人莫能挽改定西為安

定州會州為會寧州輟耕錄云至正壬辰春三月杭州二州黑

色間錯光瑩堅固破其實食之似松子仁皆曰娑娑樹子閏月

十二日復雨人初不以為異及九月紅巾來犯雨核之地悉被

兵閏月壬午以答失拔都魯為四川添設參政與本省平章咬

住同討山南湖廣賊乙酉徐壽輝偽將陳普文陷吉安路鄉民

羅明遠起義兵復之壬辰遣官詣上都分給出征河南達達軍  
 口糧立淮南江北行省治揚州兼轄高郵淮安滁和廬州安豐

安慶蘄州黃州丁酉湖南參政鐵傑復岳州四川平章咬住克  
取忠萬夔雲陽等州戊戌以晃火兒不花平章政事蠻子爲中  
書右丞秦從德爲左丞答失禿趙璉並參知政事悟良哈台杜  
秉彜爲添設參知政事命江西左丞相亦憐真班守江東關隘  
諸王亦憐真班愛因班參政也先帖木兒與陝西平章月魯帖  
木兒討南陽襄陽賊刑部尙書阿魯討海寧賊江西右丞火尼  
赤與參政朶解討江西賊浙東宣慰使恩寧普守蕪湖江西右  
丞兀忽失江浙左丞星吉不顏帖木兒蠻子海牙同討饒信賊  
方國珍不受撫命江浙左丞左答納失里討之知樞密事也先  
帖木兒駐軍沙河軍中夜驚軍潰退屯朱仙鎮命中書右丞蠻  
子代總其軍名也先帖木兒還仍爲御史大夫西臺御史范文  
等十二人劾其喪師辱國不聽夏四月癸卯朔日食江西臨川

賊鄧忠陷建昌路甲寅以榭思監渾都海牙並平章政事提調  
留守司丙辰江西宜黃賊塗佑與建寧賊應必達攻陷邵武路  
千戶魏淳以計擒之復其城辛酉四川參政桑哥失里復渠州  
荆門知州聶炳復荆門州四川平章咬住復歸州進攻峽州詔  
天下完城郭築堤防命亦都護魯帖木兒領畏吾兒軍同豫  
王阿刺忒納失里知樞密事老章同討襄鄧賊左遷西臺御史  
大夫朶爾直班爲湖廣平章范文等十二人爲各路添設佐貳  
官五月癸酉朔太白犯填星己卯咬住復中興路庚辰徙瀛國  
公之子和尙趙完普及親屬于沙州禁勿與人通罷朶兒榭等  
賜金銀課停海漕夏運癸未建昌民戴良起鄉兵克復本路乙  
酉命留守帖木哥與諸王朶兒只守口北龍慶州答失拔都魯  
至荆門募兵趨襄陽與賊戰大克之六月辛亥太白犯井丙寅

紅巾賊周伯顏陷道州秋七月庚辰徐壽輝黨項普畧由饒徽  
犯昱嶺關陷杭州路江浙參政樊執敬戰歿濟寧路總管董搏  
霄率兵復之遂克徽州己丑湘鄉賊陷寶慶路庚寅丞相脫脫  
請親出師討徐州帝許之六部尙書合疏乞留不聽丁酉辰星  
犯靈臺湖南副元帥小云失海牙總管兀顏思忠復寶慶路徐  
壽輝僞將王善等陷福安寧德等縣八月甲辰復以哈麻爲中  
書添設右丞丁卯詔脫脫以太傅右丞相督制諸軍省院臺分  
官屬從行稟受節制卽日發京師是夜太白犯歲星安陸賊將  
俞君正復陷荆門州知州聶炳歿之賊將党仲達復陷岳州九  
月乙亥俞君正復陷中興咬住與戰于樓臺敗績奔松滋本路  
判官上都歿之癸未中興義士范忠偕荆門僧李智率義兵復  
中興路降咬住爲淮西元帥司饋餉辛卯脫脫復徐州屠其城

李二遁走壬辰太陰犯軒轅庚子詔加脫脫太師趣班師還朝

冬十月戊午太陰犯鬼甲子犯歲星乙丑犯亢大方通鑑云霍山崩前三日山

如雷鳴禽獸駭散隕石數里十一月辛未命江浙平章慶童收捕常州賊乙

亥以星吉為江西平章擊趙普勝于湖口兵敗歿之丙子遣南

臺侍御史左答納失里江浙右丞帖理帖木兒總兵討方國珍

癸未脫脫請興近畿水利召南人耕種歲可得粟麥百萬石不

煩海運京師足食帝曰此事有利于國其速行之庚寅太陰犯

太微垣十二月辛亥詔杭常湖信廣德諸路皆新復赦註誤者

蠲其租命有司加意撫恤是歲海運不通京師闕食潁州沈丘

人察罕帖木兒與羅山李思齊同起義兵破賊有功授察罕汝

寧府達魯花赤思齊為知府李二餘黨趙均用入濠州據之僭

稱王



十三年癸巳春正月庚午朔用帝師請釋在京罪囚辛未立分  
司農司以悟良哈台爲右丞烏古孫良楨爲左丞兼大司農卿  
給分司農司印西自西山南至保定河間北抵檀順州東及遷  
民鎮凡係官地及元管屯田悉從分司農司召募農夫立法佃  
種給鈔五百萬錠供其費丙子方國珍僞降庚辰募江淮善種  
水田修築圍堰者各千人爲農師降空名告身十二道遣使賫  
往募農民百人者授九品二百人者授八品三百人者授從七  
品卽填流官職名與之令領所募人至田所期年散歸人給鈔  
十錠乙酉太陰犯太微垣丙戌咎失拔都魯克復襄陽樊城庚  
寅老章克復南陽唐州戊戌熒惑太白辰宿聚于奎二月己酉  
太陰犯軒轅庚戌太白犯熒惑壬子太陰犯太微垣甲寅立脫  
脫平徐勳德碑命領大司農司提調太史院司天監夏四月辛

丑太白犯井辛亥太陰犯房降徐州路爲武安州改所轄縣屬  
歸德府其滕州嶧州仍屬益都路五月辛未江西左丞相亦憐  
真班師由信州元帥韓邦彥由徽州浮梁同取饒州斬黃賊奔  
潰乙亥太陰犯歲星乙未秦州白駒場亭民張士誠及其弟士  
德士信作亂陷秦州及興化縣高郵知府李齊不屈歿士誠自  
稱誠王僭號周建元天祐六月丙申朔立皇子愛猷識理達臘  
爲皇太子復置詹事院以丞相脫脫兼領俾得銓注官屬庚子  
命知樞密院事失剌拔都魯總河南軍平章答失拔都魯總四  
川軍自襄陽分道而下克復安陸府癸卯詔平章達識帖睦  
總領漢軍蒙古守禦淮南遼東吾者野人撈羊哈及乾帖困木  
赤木等五十六人以皮貨來貢給銀牌一面令管吾者野人秋  
七月丁卯泉州天雨白絲海潮日三至戊辰太白晝見命宦官

至一二品者依常例給俸壬申湖廣參政阿魯輝復武昌及漢

陽府資政院使脫火赤復江州路九月乙丑朔日食庚寅太陰

犯熒惑壬辰太白經天熒惑犯左執法掖庭記云帝起采芳館于瓊華島內癸巳秋乘

龍船泛月池上池起浮橋三處每處分三洞洞上結綵為飛樓樓上置女樂橋以木為質飾以錦繡九洞不相直達冬十

月甲辰歲星犯氏丁未廣西元帥甄崇福復道州庚戌從帖理

帖木兒左答納失里請授方國珍徽州路治中國璋廣德路治

中國瑛信州路治中國珍疑懼不受命立水軍都萬戶府于崑

山州以納麟哈刺為正萬戶董搏霄為副萬戶癸亥太白犯亢

是月徽世祖所立壇帳改建燬宇十一月壬申太陰犯壘壁陣

丁亥江西右丞火尼赤以兵平富州臨江遂復瑞州立義兵千

戶水軍千戶所于江西十二月丁酉太白犯東咸庚子熒惑入

氏庚戌京城無雲而雷少頃有火見于東南懷慶路及河南府

西北有聲如擊鼓者數四已而雷聲震地丁巳太陰犯心江浙  
平章卜顏帖木兒等會兵討徐壽輝于蘄水敗走之獲僞官四  
百餘人陝西四川行省合兵復均房等州是歲起清寧殿前山  
子月宮諸工役重建穆清閣帝行西僧秘密運氣術號演撲兒  
法又以宮女十六人作天魔舞遇宮中讚佛則按舞奏樂宮官  
非受秘密戒者不得預是冬闕享太廟

十四年甲午春正月甲子朔汴河水文成五色花草如繪畫三  
日方解乙丑熒惑犯歲星丁卯太白犯建星癸酉熒惑犯房立  
遼陽漕運庸田司屬分司農司丙戌答失拔都魯復峽州二月  
戊午太白犯壘壁陣遣吏部侍郎貢師泰和糴于浙西得糧百  
萬石立鎮江水軍萬戶府河南淮南並立義兵萬戶府有募者  
權授軍職事平改民官建清河大壽元忠國寺括江浙廢寺田

歸之三月癸亥朔日食詔北邊有馬之家十取其二每馬給鈔

十錠夏四月癸巳朔介休縣地震泉湧以武祺參議中書省事

方國珍復擁船據海道阻絕糧運遣江浙右丞阿兒溫沙參政

恩寧普總兵討之復立應昌全寧二路先有旨撥屬魯王王傅

立造過街墻于蘆溝橋修白浮瓮山隄五月甲子修北巡所經

色澤嶺黑石頭河西沿山道路立南陽鄧州等處毛胡蘆義兵

萬戶府募土人為軍免其差役令討賊自効因其鄉人自相團

兵器為號命四川平章玉樞虎兒吐華募兵萬人下蜀江守荆

門答失拔都魯提兵赴汝寧六月辛卯朔張士誠寇揚州達識

帖睦邇以兵討之敗績士誠陷盱眙泗州甲辰太陰犯斗秋七

月甲子襄垣縣大風拔木偃禾乙丑太陰犯角壬午犯昴孝義

縣地震郭子興自稱滁陽王九月己未朔復以呂思誠為中書

續通志卷一百一十五 元紀一

左丞月闕察見平章政事命丞相脫脫總制諸王各翼軍馬出征高郵甲子方國珍拘浙東元帥也忒迷失知州趙宜浩以俟命冬十月戊戌詔答失拔都魯及太不花會軍討安豐賊壬子太陰犯太微垣十一月丙寅敕省院臺凡奏事先啓皇太子丁卯脫脫統大軍至高郵與張士誠連戰皆捷分兵平六合縣賊勢大蹙丙子太陰犯鬼答失拔都魯復苗軍所據鄭均許三州十二月辛卯命定住爲左丞相哈麻鎖南班並平章政事監察御史袁賽因不花等劾脫脫及其弟也先帖木兒前後出師畧無寸效章三上帝令也先帖木兒出國門聽旨以汪家奴代爲御史大夫丁酉詔以脫脫老師費財坐視寇盜恬不爲意削去官爵安置淮安路也先帖木兒庸懦無能安置寧夏路以太不花爲河南左丞相月闕察兒爲太尉雪雪知樞密院事代額其

軍免大都上都興和三路稅糧一年被災殘破地方並蠲租三  
 年罷庸田茶運寶泉等司戊戌以桑哥失里為中書添設左丞  
 巳亥太陰掩昴巳酉紹興路地震答失拔都魯復河陰鞏縣猗  
 賊寇衡州萬戶許脫因歿之是歲詔民間私租太重以十分為  
 率普減二分著為例帝自製龍舟於內苑又自製宮漏精巧皆  
 絕出人意龍舟長百二十尺廣二十尺前瓦簾棚穿廊兩暖閣  
 後五殿樓子龍身并殿宇俱五彩金飾用水工二十  
 四人身衣紫衫金荔枝帶自後宮至前宮山下海子內往來游  
 戲行時龍首尾眼爪皆動宮漏高六七尺廣半之造木為匱藏  
 壺其中運水上上下下置上設西方三聖殿腰立玉女捧時刻籌時  
 至輒浮水上左右列二金甲神一懸鐘一懸鉦夜則神人自  
 按更而擊無分毫爽當鐘鉦鳴時獅鳳在側者皆自翔舞匱之  
 東西有日月宮飛僊六人立宮前遇子午時飛僊自能耦進度  
 僊橋達三聖殿  
 巳復退立如前

十五年乙未春正月戊辰太陰犯五車辛未犯鬼于丑徐壽輝  
 偽將倪文俊復陷沔陽府遣部將明玉珍守之玉珍遂據重慶

庚辰復設仁虞雲需尙供三總管府閏月壬寅摘各衛軍屯田

京畿人給鈔五錠丙午太陰犯心丙辰太白經天二月己未劉

福通迎立韓林兒為帝又號小建都亳州僭號宋改元龍鳳戊

辰命汪家奴為右丞相定住為左丞相壬申立淮東宣慰司都

元帥府于天長縣統濠泗義兵萬戶府聽富民願出了壯五千

名者為萬戶五百名者為千戶百名者為百戶是月郭子興卒

三月庚寅太陰犯五車甲午授皇太子玉冊賜冕服九旒祇謁

太廟丙申太陰犯房辛丑改竄脫脫于雲南鎮西路也先帖木

兒于四川稠門并籍其家癸丑太白經天輟耕錄云至正乙未春遣兵部員外郎劉

謙來江南募民補路府州司縣官自五品至九品入粟有差非

舊例之職專茶鹽務場者比松江知府崔思誠由承使命陶集

屬縣巨室點科十二名抑使承伏即填夏四月癸酉命定住為  
空名告身授之他處竟無一人應者  
右丞相哈麻為左丞相桑哥失里平章政事雪雪為御史大夫



丁丑立宣化鎮南軍民府于四川升四川羊母甲洞臭南王洞

長官司為忠義軍民安撫司五月壬辰監察御史也里忽都劾

河南左丞相太不花慢功虐民詔削職命答失拔都魯為河南

行省平章代之駐軍陳留庚戌倪文俊自沔陽陷中興路元帥

朶兒只班歿之六月癸亥太白經天丁丑保德州地震庚辰徵

徽州隱士鄭玉為翰林待制不至是月濠州朱元璋即明太祖起兵

和陽渡江取太平路秋七月壬寅倪文俊復陷武昌漢陽進攻

岳州命親王失里門四川左丞沙刺班等分守山東湖廣四川

諸路及招諭各起兵者輟耕錄云至正乙未秋七月三日橋李

夜壞民居五百餘所大木盡拔木自空墜下悉折為天雜以萬

天亂飛溪水直立人皆叫號奔走不服龍由城北望太湖去不

戰鬪之所為八月戊辰以達識帖睦爾為江浙左丞相戊寅太  
白經天雲南成可伐降立平緬宣撫司四川向思勝降改安定

州爲軍民安撫司起前左丞相太平爲淮南行省左丞相總制  
山東軍駐濟寧立吾者野人乞列迷等處諸軍萬戶府于哈兒  
分之地斬黃賊陷宣州禮部尙書致仕汪澤民歿之九月癸未  
以紐的該平章政事幹鑾爲中書左丞丁好禮參議省事己丑  
太白犯太微垣己亥倪文俊圍岳州改竄脫脫于阿輕乞之地  
冬十月丁巳立淮南行樞密院于揚州己未太陰犯壘壁陣帝  
謂右丞相定住曰敬天地尊祖宗重事也朕將親祀郊廟務盡  
誠敬卿等共議典禮從其簡者行之庚午以襲封衍聖公孔克  
堅同知太常禮儀院事其子希學襲封衍聖公癸酉太陰犯軒  
轅定郊祀禮以太祖皇帝配上出宮至郊所便服乘馬不設內  
外儀仗教坊隊子齋戒七日內散齋四日於別殿致齋三日二  
日在大明殿西幄殿一日在郊所丙子立海道防禦運糧萬戶

府于平江黃河水軍萬戶府于小清口十一月甲申熒惑犯氏

庚寅填星犯井壬辰親祀上帝于南郊特命太子為亞獻丞相

定住為終獻通考云帝每歲致祭社稷自至正十五年後廢不舉甲午復起太不花為湖

廣左丞相荆襄諸軍悉聽節制給還元奪宣命己亥介休縣桃

杏花太陰犯鬼庚戌賊陷懷慶饒州二路十二月壬子朔熒惑

犯房丁巳命中書參政月偷失不花陳敬伯分省彰德癸亥立

忠義忠勤萬戶府于宿州武安州乙亥帝以天下兵起下詔罪

已大赦咎失拔都魯大敗劉福通于太康遂圍亳州偽宋主韓

林兒遁走安豐立大兵農司于保定河間武清景薊四處招集

夫丁且耕且守又設兵農千戶所二十四百戶所四十八鎮撫

司四隸之察罕帖木兒與賊戰于河南北屢有功除中書刑部

侍郎哈麻矯殺右丞相脫脫是年太廟惟舉春秋二享綱鑑大全云湖

廣雨黑雪陝西有一山西飛寸五里其山之舊基積為深潭

十六年丙甲春正月己丑太陰犯昴庚戌哈麻欲事太子謂當

奉帝為太上皇語泄與其弟雪雪並罷以搠思監為御史大夫

薊州雨血地震倪文俊建偽都于漢陽迎徐壽輝據之二月丙

辰搠思監劾哈麻兄弟罪惡帝欲貸之丞相定住執奏不已詔

貶哈麻惠州雪雪肇州比行皆杖死丙寅命翰林國史院太常

禮儀院定擬二皇后奇氏三代功臣諡號王爵甲戌詔部院正

官各舉材堪守令者一人不拘蒙古色目漢人南人聽中書省

酌用己卯遣集賢直學士楊俊民致祭曲阜孔子廟張士誠據

平江遂陷湖州松江常州諸路集賢待制孫撝死之時撝持詔至平江指

諭遂三月辛巳徐壽輝寇襄陽戊子命宣讓王帖木兒不花威

遇害

順王寬徹普化以兵鎮懷慶路庚寅朱元璋兵取集慶路南臺

御史大夫福壽死之名山藏云平章阿魯灰參政百家奴丙申

倪文俊陷澧州常德路丁酉立行樞密院于杭州命達識帖睦

邇兼知行院事省院官並聽調遣朱元璋兵取鎮江戊申方國

珍復降授為海道漕運萬戶國璋為衢州路總管是月有兩日

相盪夏四月辛亥命搠思監為左丞相普化為御史大夫丁卯

以知樞密事實理門分院濟寧五月壬辰太白犯鬼甲午太陰

入斗丁酉犯壘壁陣六月甲寅加苗軍帥楊完者為江浙參政

以其兵禦張士誠守嘉興乙丑朱元璋兵取廣德路續綱目云彰德李實

如黃瓜童謡曰李生黃瓜民皆無家秋七月己卯剽朱元璋自稱吳國公改集慶

路曰應天府建官屬丁酉太陰犯壘壁陣張士誠遣兵陷杭州

江浙平章左答納失里戰死丞相達識帖睦遁入富陽苗帥

楊完者及萬戶普賢奴擊敗之復其城八月丙辰奉元路判官

王淵以義兵復商州升淵同知宣慰司事丁卯太陰犯昴庚午

倪文俊陷衡州路元帥甄崇福戰死甲戌彗星見張宿色青白

彗指西南長尺餘至十二月戊午朔始滅是月黃河決山東大

水九月庚辰汝潁賊李武崔德破潼關參政述律杰戰死壬午

豫王阿刺忒納失里同知樞密事定住引兵復潼關河南平章

伯家奴以兵守之戊戌賊陷陝虢二州命太尉納麟復為南臺

御史大夫遷行臺治紹興輟耕錄云集慶失守行臺移置紹興前御史大夫納麟再任又以其子安

安判行樞密院時慶元慈溪則有縣尹陳文昭餘姚則有同知

秃堅在城則有錄事司達魯花赤邁里古思皆總制團結民義

者安安以三人為不易制乃給秃堅至拘留寶林寺夜率臺軍

擒殺之從而方國珍亦執文昭沈之海獨存萬里古思一人及

拜住哥代納麟為大夫又察罕帖木兒復陝虢二州襲賊兵  
不能容擣殺于其私第  
于平陸以功授僉河南行樞密院事冬十月丁未大名路有星  
如火從東南流苾尾如曳彗墮地有聲炎燄蓬勃久之化為石

青黑光瑩形如狗頭其斷處若新割者命藏于庫壬申太陰犯  
井淮安城陷淮東道廉訪使褚不華歿之十一月丙戌以老的  
沙答里麻失並爲詹事丁亥流星大如酒杯色青白尾跡長五  
尺餘光明燭地起自東北東南行沒于近濁有聲如雷壬辰太  
陰犯井倪文俊陷岳州路殺威順王子解帖木兒湖廣參政也  
先帖木兒與左江義兵萬戶鄧祖勝合兵復衡州西臺御史李  
尙綱上關中形勝急論十二事命大司農司屯種雄霸二州以  
給京師號京糧是年太廟惟舉春享  
十七年丁酉春正月丙子朔日食辛卯命山東分省團結義兵  
仍令各路達魯花赤提調聽宣慰使節制二月壬子李武崔德  
犯七盤藍田命察罕帖木兒守潼關調河南兵聽豫王阿剌忒  
納失里及定住同進討之癸丑太陰犯五車戊辰知樞密事脫

脫復邳州調客省使撒兒答溫等攻黃河南岸賊大破之壬申

劉福通遣其黨毛貴陷膠州僉樞密院事脫歡死之甲戌倪文

俊陷峽州李武崔德陷商州三輔震恐察罕帖木兒與李思齊

以兵自陝虢來援殺獲無算論功以察罕為陝西左丞思齊為

四川左丞加答失拔都魯太尉四川左丞相三月乙亥應作義

兵萬戶賽甫丁阿迷里丁叛據泉州庚辰毛貴陷萊州宣慰副

使釋嘉訥死之壬午朱元璋兵取寧國路甲申太陰犯鬼壬辰

歲星犯壘壁陣甲午毛貴陷益都益王買奴遁自是山東郡邑

皆陷丁酉毛貴陷濱州及莒州戊戌以悟良哈台幹鑾並平章

政事輟耕錄云至正丁酉春上海李勝一家雞伏七雛一雛作大雞狀鼓翼長鳴戊戌春錢唐盧子明家一雞伏九雛一

雛有三足二足在前一足在後諸暨袁彥誠家一雞伏五雛一雛有四足二足在翼下壬寅秋上海金壽一家已闕雉雉生小

狗入其槽爪夏五月戊寅平章赤老溫帖木兒復武安州等三

紅如鮮血



十餘城丙申命擿思監為右丞相太平復為左丞相詔免天下  
今歲稅糧之半六月甲辰朔以帖里帖木兒老的沙並為御史  
大夫罷陝西行樞密院庚申朱元璋兵取江陰州及徽州路癸  
酉有龍鬪于樂清江颶風大作所至火光如毳灰者萬餘人是  
月劉福通犯汴梁其黨分三道關先生破頭潘王士誠等寇晉  
冀白不信大入敖李喜喜等趨關中毛貴據山東其勢益振秋  
七月癸未太白犯鬼甲申太陰犯斗丁亥填星犯鬼己丑鎮守  
黃河義兵萬戶田豐叛陷濟寧分院實理門遁義兵萬戶孟本  
周攻之豐敗走本周還守濟寧甲午以完者帖木兒為中書右  
丞俺普參知政事立四方獻言詳定司歸德知府林茂萬戶時  
公權叛以城降賊曹州亦陷

玉堂鑑綱云是月大都晝霧自旦至午昏冥不辨人物者旬有五日

輟耕錄云胡仲彬乃杭州演說野史者捐粟注授巡檢是年七月內招募游食之徒文其背曰赤心護國誓殺紅巾將作亂

爲人首告搜其書名簿得三冊總以八月癸卯填星犯鬼太白  
一冊到餘火之亦誅三百六十餘人

犯軒轅癸丑劉福通兵陷大名遂自曹濮犯衛輝咎失拔都魯  
遣子孛羅帖木兒分兵擊走之甲子太陰犯五車乙丑以方國  
珍爲江浙參政海道運糧萬戶如故朱元璋兵取揚州張士誠  
爲書詣江浙請降達識帖睦爾遣參政周伯琦至平江撫之詔  
以士誠爲太尉士誠留伯琦不遣九月丙子以老的沙平章政  
事兼兀良海牙指揮使甲午澤州陵川陷縣尹張輔歿之戊戌  
太不花復大名路并所屬郡縣辛丑加紐的該太尉總諸軍守  
東昌倪文俊謀殺其主徐壽輝不果自漢陽奔黃州爲壽輝部  
將陳友諒所殺友諒并其軍自稱平章閏月癸卯有飛星如盃  
青色光燭地尾長尺餘起自王良後于勾陳丙午太陰犯斗庚  
甲犯井乙丑潞州陷冬十月乙亥熒惑犯氐和畢大陰掩昴

福通黨器興元遂圍鳳翔察罕帖木兒李思齊擊破之賊走入  
蜀答失拔都魯討曹州賊軍敗知樞密院事答里麻失里歿之  
靜江路山崩地陷十一月辛丑汾州桃花戍午以答蘭平章  
政事李獻爲中書左丞八都麻失里爲右丞卜顏帖木兒哈刺  
那海崔敬陳敬伯並參知政事十二月庚午熒惑犯天江戊寅  
太白犯歲星甲申太陰犯鬼丁亥歲星犯壘壁陣庚寅太白犯  
壘壁陣癸巳太陰犯心丁酉象山縣鵝鼻山崩己亥流星如金  
星大尾長三尺餘起自太陰近東而後化爲青白氣庚子答失  
拔都魯卒于軍是歲趙均用彭早住同據淮安趙偕稱永義王  
彭偕稱魯淮王義兵千戶余寶殺知樞密院事寶童叛降于毛  
貴據棣州自後太廟四祭皆闕

十八年戊戌春正月辛丑填星犯鬼丙午太陰犯昴陳友諒陷

安慶淮南行省右丞余闕灰之庚戌朱元璋兵取婺源州及建

德路乙丑大風起自西北仆益都土門萬歲碑丙寅田豐陷東

平路命答失拔都魯子孛羅帖木兒為河南行省平章領其父

軍分命察罕帖木兒屯陝西李思齊屯鳳翔二月己巳朔立團

結西山寨大小十一處設萬夫千夫百夫長分守要害毛貴陷

青滄州進據長蘆鎮分戶部寶鈔庫等官于陝西就近造鈔以

給軍癸酉毛貴陷濟南山東宣慰使董搏霄灰之時搏霄已拜河南右丞未

之乙亥填星犯鬼辛巳命太不花為中書右丞相總兵山東壬

午田豐復陷濟寧紐的該棄東昌走了亥察罕帖木兒遣兵復

涇州平涼遂保鞏昌庚寅王士誠自益都犯懷慶丁酉興元陷

三月己亥朔日色如血庚子毛貴陷般陽路辛丑大同夜黑氣

蔽西方聲如雷少頃東北方有雲如火交射中天已而火是過

地空 中作兵甲聲 癸卯王士誠陷晉寧路總管杜賽 因不花以  
之甲辰察罕帖木兒遣兵復晉寧 庚戌毛貴山河間趨直沽 遂  
破薊州掠柳林樞密副使達國珍戰歿 四方兵入衛 同知樞  
密事劉哈刺不花由彰德以兵拒戰于柳林 貴衆潰仍走濟南  
丙辰冀寧路及大同諸縣陷 夏四月甲申應作戌陳友諒據江西  
省治 壬午田豐由益都掠廣平 退保東昌 元帥方脫脫以兵復  
廣平 辛卯太白犯鬼甲午陳友諒遣王奉國陷瑞州 是月察罕  
帖木兒李思齊會宣慰使張良弼等兵討李喜喜于鞏昌 喜喜  
敗入蜀 察罕駐清湫 思齊駐斜坡 良弼駐秦州 郎中郭擇善駐  
崇信 宣慰同知拜帖木兒駐通渭 平章定住駐臨洮 各自除官  
屬徵納軍需 旣而思齊良弼襲殺拜帖木兒 分其兵 五月戊戌  
朔 察罕帖木兒遣將復冀寧 自以劉尙質爲冀寧路總管 李思

齊擅殺郭擇善庚子劉福通攻汴梁守將竹貞棄城遁福通入

城自安豐迎僞主韓林兒居之以為都壬寅太白犯填星庚戌

陳友諒陷吉安路壬子太陰犯斗癸丑御史七十等糾右丞相

太不花緩師拒命詔削其官爵安置蓋州命知行院事悟良哈

台代之節制河北軍河南平章周全節制河南軍辛酉陳友諒

兵陷撫州六月戊辰朔通考云日食太不花伏誅察罕帖木兒調部

將虎林赤關保同守潞州授察罕帖木兒陝西行省平章便宜

行事乙酉命左丞相太平督諸軍守京城秋七月丁酉朔周全

據懷慶叛降於劉福通殺守將伯帖木兒盡驅懷慶民渡河入

汴梁丁未太陰犯斗戊申太白晝見己未劉福通遣周全引兵

攻洛陽守將登城以大義責全全媿謝退兵劉福通殺之八月

壬申太陰掩心甲申掩昴友諒兵陷建昌路義兵萬戶王備

王備

以滕州叛降於毛貴庚寅以老的沙爲御史大夫九月丁酉朔  
褒封唐劉蕡爲文節昌平侯劉福通分兵踰太行焚上黨破遼  
州大掠興和塞外諸郡乙丑陳友諒陷贛州參政全普庵撒里  
及總管哈海赤歿之冬十月己卯太陰犯昴壬午監察御史燕  
赤不花劾右丞相搠思監奸貪誤國詔收其印綬以紐的該爲  
左丞相十一月乙未朔田豐陷順德路陳友諒陷汀州丙午太  
陰犯昴太白犯房辛酉太陰掩心十二月乙丑朔日食癸酉劉

福通黨陷上都焚宮闕轉畧遼陽遂至高麗上都爲累朝巡幸之所至是不復特

巡戊寅太白經天庚辰察罕帖木兒遣樞密院判瑣住進兵遼

陽癸未太白經天甲申朱元璋兵取蘭溪州及婺州路達魯花

赤僧住廉訪使楊惠歿之戊子太陰犯房是歲大饑疫兩河山

東斗米金一斤民流入京師歿者二十餘萬人宦者朴不花請

市地收瘞之

十九年己亥春正月甲午朔陳友諒遣將王奉國寇信州路江東廉訪副使伯顏不花的斤往救之辛丑太陰犯昴乙巳以朶兒只班平章政事丙午遼陽行省陷懿州路總管呂震死之察罕帖木兒遣樞密院判陳秉直入不沙將兵二萬守冀寧癸丑流星如酒盃大有聲如雷二月辛巳叛將梁炳攻辰州參政和尚擊敗之甲申賊由飛狐靈丘犯蔚州庚寅詔孛羅帖木兒移鎮大同捍蔽京師復置大都督兵農司并分司十道專督屯糧卽以孛羅領之保定河間不勝其擾三月癸巳朔陳友諒畧衢州復分兵陷襄陽庚戌太陰犯房壬戌定科舉流寓人名額蒙古色目南人各十五名漢人二十名夏四月癸亥朔毛貴爲趙均用所殺帝以天下多故卻天壽節朝賀禮太子率羣臣再



三奏請帝曰朕闕於修省致萬姓塗炭今復朝賀燕集是重

不德也俟天下安寧行之未晚卒不聽己丑賊陷寧夏遂畧靈

武等處五月通考云丁亥朔日食本紀作壬辰朔不言日食丙申熒惑犯鬼丁酉皇太

子請巡北邊緩撫軍民御史臺上疏固留帝從之丙午太陰犯

天江丁未犯斗以八月鄉試河南舉人及避兵儒士不拘籍貫

依河南省元額就陝州置貢院應試秋七月壬辰朔黜擗思監

為遼陽左丞相丁酉太白犯上將甲辰犯右執法己酉犯左執

法命國王囊加帶等統軍征遼陽丙辰毛貴黨續繼祖自遼陽

入益都執趙均用殺之八月辛酉朔察罕帖木兒大發秦晉軍

攻汴梁破之劉福通奉僞主韓林兒復走安豐詔察罕帖木兒

為河南行省平章兼同知行樞密院西臺中丞依前便宜行事

九月癸巳禁軍人私殺牛馬以察罕腦兒宣慰司地隸資政院

有司不得差占

其地在世祖時屬松哥台太子四  
千戶今從皇后奇氏請故改隸之

丙午夜白虹

貫天甲寅太白犯天江朱元璋兵取衢處二州遣尙書伯顏帖

木兒曹履亨以御酒龍衣賜張士誠徵海運糧

時中原既亂江  
南海漕久不至

京師銀一錠易米八斗民大  
饑至是河南始通故徃徵之冬十月庚申朔詔京師諸門築甕

城造弔橋以方國珍爲江浙平章壬申太白犯斗辛巳流星大

如桃陳友諒兵陷杉關十二月戊辰太白犯壘壁陣時太子欲

撫軍憾左丞相太平不從殺中書左丞成遵參知政事趙中太

平舉用之人誣以  
賊罪下獄杖殺之陳友諒以江州爲都迎僞主徐壽輝居之自

稱漢王是歲山東河南關中飛蝗蔽天人馬不能行所落溝壟

盡滿綱目云大都有杜鵑  
游軍斬關突至杭城閉城三月餘城中米價一斗直二十

五緡數日米盡糟糠亦與常日米價等又數日糟  
糠盡乃以油車家糠餅搗屑啖之餓死十六七

二十年庚子春正月巳丑朔改鞏縣爲軍州萬戶府招民屯種

巳亥大陰犯井癸卯大寧路陷壬子以絆住馬平章政事危素

參知政事丙辰五色雲見二月戊午朔左丞相太平罷尋為上

都留守輟耕錄云至正庚子二月六日浙西諸郡震雷掣電雪大作頃刻積深尺餘雷不止三月戊子朔

田豐陷保定彗星見東方乙巳冀寧陷壬子復以搠思監為右

丞相夏四月丁卯太陰犯明堂癸酉犯東咸兪行樞密院事張

居敬復興中州五月丁亥朔日食陳友諒殺其僞主徐壽輝自

稱帝國號漢改元大義巳而回駐江州遣兵陷辰州壬寅太陰

犯建星張士誠海運糧十萬石至京師六月己丑察罕帖木

兒與孛羅帖木兒爭晉冀互相讎殺帝下詔令各守信地毋得

越境侵犯癸巳太白犯井戊戌太陰犯建星秋七月辛酉孛羅

帖木兒敗王士誠于臺州乙丑太陰犯井乙亥詔孛羅帖木兒

統領達達漢軍仍便宜行事八月戊子命孛羅帖木兒守石嶺

關以北察罕帖木兒守石嶺關以南關在太原府東辛卯太陰犯天江

壬辰填星犯太微乙未永平路陷甲辰太陰犯井詔在外權攝

官專務殘虐百姓今後非朝命不得之在九月乙卯朔孛羅帖

木兒調兵自石嶺關直抵冀寧圍其城三日退屯交城察罕帖

木兒調參政閻奉先引兵與戰相持各不下帝遣參政也先不

花前往和解壬戌賊陷孟州由趙州攻真定復犯上都右丞恚

哥帖木兒與戰敗績冬十月甲申朔甘露降于國子監大成殿

前栢木以張良弼為湖廣參政規取荆襄戊子熒惑犯井詔孛

羅帖木兒守冀寧遣軍倍道至守者不納己亥察罕帖木兒遣

陳未直瓊住等以兵攻孛羅之軍于冀寧與其部將脫列伯戰

敗之時帝有旨以冀寧界孛羅察罕不從渡河就屯澤潞拒之

十一月甲寅朔黃河清三日詔太廟影堂祭祀乃孛羅

事近者兵興歲歉品物不能豐備累朝四祭減為春秋二祭今  
宜復四祭究不果行

二十一年辛丑春正月癸丑朔詔赦天下遣使諭字羅帖木兒

察罕帖木兒各罷兵還鎮

時字羅縱兵掠冀寧察罕引兵拒之故有是詔

庚申太陰犯

歲星丁卯李思齊進兵平伏羗等縣癸酉石州大風拔木六畜

俱鳴民間槍刃生火焰抹之即無搖之則有二月癸未朔填星

退犯太微垣甲申同僉樞密事迭里帖木兒復永平灤州壬寅

太陰犯天江廣東廉訪使八撒刺不花殺本省廉訪使完者篤

副使李思誠僉事迭麥赤以兵據廣州

時八撒刺不花久任廣東專權自恣朝廷患之

乃以完者篤代其任而除八撒刺南三月丙辰太陰犯井庚辰

熒惑犯鬼張士誠海運糧十萬石至京師字羅帖木兒罷兵還

遣脫列伯等引兵據延安謀入陝詔張良弼出南山義谷駐藍

田聽察罕帖木兒節制良弼陰結陝西平章定住俟丞相帖里

帖木兒調遣營于鹿臺察罕啣之夏四月辛巳朔日食云至正

辛丑四月朔日未沒忽然無光天昏黑如夜星斗燦然久之方復舊天再開星斗亦隱文少時日乃沒調張良弼

為陝西參政察罕遣其子副詹事擴廓帖木兒貢糧至京師值

太子親與定約悉圖出師五月癸丑明玉珍陷嘉定等路壬戌

太陰犯房癸酉太白犯軒轅甲戌熒惑犯太白乙亥李思齊受

李武崔德等降六月乙未熒惑歲星太白聚于翼丙申察罕帖

木兒總兵討山東發晉軍下井陘出邯鄲過磁相懷衛踰白馬

津水陸並進戊戌太陰犯雲雨甲辰太白晝見秋七月通考云

日辛亥察罕帖木兒平東昌復冠州己巳忻州西北及大同路

北有赤氣蔽天如血八月乙酉察罕帖木兒遣擴廓帖木兒闡

思孝等討田豐直搗東平大破之豐降令為前鋒從太軍東討

棣州俞寶東平王士誠東昌楊誠濟南劉珪等皆降魯地悉定

引兵圍益都陽翟王阿魯輝帖木兒謀逆伏誅冬十月癸巳絳

州有赤氣見北方如火命察罕帖木兒為中書平章政事兼知

河南山東行院事陝西行臺中丞察罕調降將劉珪等守河南

十一月庚戌太陰犯建星癸亥犯井壬申犯氏黃河自平陸三

門積下至孟津五百里皆清凡七日綱鑑大全云命秘書少監程徐記之察罕帖

木兒李思齊遣兵圍鹿臺攻張良弼詔各還信地兵乃解是歲

京師屯田成收糧四十萬石賜司農丞胡秉彝上尊金幣旌其

功餘各賜鈔有差江蘇雜志云是年明州松樹結實其大有盈尺者

二十二年壬寅春正月戊申朔太白犯建星甲寅分命李思齊

討四川張良弼平襄漢思齊退保鳳翔不行時思齊附察罕而良弼附李羅兩軍

不和故乙亥填星退犯左執法三月己卯太白犯壘壁陣乙酉

有是命

彗星見于危光芒長丈餘色青白丁酉犯離宮西星至月終光  
芒長二丈餘三月戊申彗星不見星形惟有白氣形曲竟天西  
指掃大角壬子彗星行過太陽前惟有星形無芒在昴宿至戊  
午始滅甲寅明玉珍陷雲南省治陝西參政車里帖木兒擊敗  
之擒其弟明二己未命李羅帖木兒爲中書平章政事加太尉  
李思齊復遣兵攻張良弼至武功良弼伏兵大破之諭良弼聽  
李羅節制夏四月丙子朔長星見其形如練長數十丈在虛危  
之間四十餘日乃滅丁亥熒惑離太陽三十九度不見當出不  
出五月乙巳朔闖賊賽甫丁據福州路平章燕只不花擊敗之  
餘衆航海還據泉州福建參政陳有定一作友定復汀州路辛酉太  
陰犯建星辛未明玉珍據成都自稱隴蜀王張士誠海運糧十  
三萬石至京師六月辛巳彗星見紫微垣光芒長尺餘東南指



西南行戊子彗星光芒掃上宰降賊田豐王士誠刺殺察罕帖  
木兒走入益都詔以其子擴廓帖木兒襲父職總其軍仍諭將  
士力圖報復以伸大義秋七月乙卯彗星滅跡丙辰熒惑見西  
方須臾成白氣如長蛇光爛有文橫亘中天移時乃滅河決范  
陽縣八月癸巳太白犯畢九月癸卯朔割福通以兵援田豐至  
火星埤擴廓帖木兒邀擊大破之丁未太白犯亢己酉太陰犯  
斗辛史誤作丁亥歲星犯軒轅丙寅熒惑犯鬼己巳有流星如酒杯  
色青白光明燭地冬十月壬申朔命江西平章朶列不花分省  
廣州執叛臣八撒刺不花殺之甲戌孛羅帖木兒南侵擴廓帖  
木兒分地據真定路己卯太陰犯牛丁亥辰星犯亢戊子太陰  
犯畢十一月乙巳擴廓帖木兒拔益都田豐王士誠伏誅擴廓  
取其心以祭父庚戌擴廓帖木兒遣關保復莒州山東悉平詔

續通志卷之十一  
加擴廓太尉便宜行事癸亥四川賊陷青州十二月壬辰太陰  
犯角庚子以佛家奴爲御史大夫加封唐撫州刺史南庭王危  
全諷爲南庭忠烈靈惠王是歲黃河自河東清者千餘里帝聞  
之不樂曰黃河清聖人生當有代朕者羣臣曰令太子生子陛  
下聖孫卽其應也帝笑而頷之

二十三年癸卯春正月壬寅朔明玉珍僭稱帝于成都國號夏  
紀元天統庚申歲星犯軒轅二月戊戌太白晝見庚子擴廓帖  
木兒自益都領兵還河南留瓊住守之張士誠遣將呂珍入安  
豐殺劉福通據其城三月辛丑朔彗星見東方經月乃滅命中  
書平章愛不花分省冀寧擴廓帖木兒遣兵據之丙辰太白犯  
氏壬戌大同路夜有赤氣亘天中侵北斗立廣西行中書省以  
廉訪使也兒吉尼爲本省平章

時南方郡縣皆陷惟也兒吉尼獨保廣西者十五年

夏四

月辛丑癸惑犯歲星庚申歲星犯軒轅孛羅帖木兒與李思齊  
構兵不已擴廓帖木兒遣貊高等以兵擊張良弼詔孛羅速進  
兵討襄漢五月己巳朔張士誠海運糧十三萬石至京師壬午  
太白晝見乙未癸惑犯右執法六月戊戌朔孛羅帖木兒遣方  
脫脫迎匡福于彰德擴廓帖木兒遣兵追之敗還匡福遂據保  
定己亥擴廓帖木兒部將歹驢等駐兵藍田七盤李思齊圍興  
平據熬屋孛羅帖木兒既奉詔討襄漢道阻不得不戊申孛羅  
帖木兒遣竹貞等入陝西據省治擴廓帖木兒遣部將貊高與  
李思齊合攻之竹貞出降庚戌星隕于濟南龍山入地五尺乙  
卯太白犯井下巳絳州有白虹二道衝斗牛庚申平陽路有白  
氣三道貫北極北斗天漢壬戌太白晝見夜犯井秋七月戊辰  
朔以袁宏馬良參知政事乙酉太白晝見有星墜于慶元路西

北聲如雷光數十丈八月丁酉朔倭寇蓬州守將劉暹擊走之  
 壬寅太白犯軒轅乙巳太陰犯建星丁未太白犯軒轅己酉太  
 白晝見丙辰太陰犯畢沂州有赤氣亘天中有白色如蛇形徐  
 徐西行至夜分乃滅己未太白晝見辛酉太白犯歲星乙丑犯  
 右執法偽漢陳友諒與朱元璋大戰鄱陽湖敗歿其子哩自立  
 仍據武昌為都改元德壽九月辛未太白犯左執法乙亥歲星  
 犯右執法丁丑辰星犯填星丁亥太白犯填星辰星犯亢張士  
 誠自稱吳王即平江治宮室遣侍郎博羅帖木兒再徵糧士誠  
 不應東南海運遂絕冬十月丙申朔山東赤氣千里癸卯太白  
 犯比二皇后惡丞相太平令監察御史米只兒海牙劾之本傳作御  
史大夫 詔安置太平于土番未至逼令自殺戊午太白犯房擴  
普化 廓帖木兒遣僉院事任亮復安陸府守羅帖木兒遣兵攻蕪寧

至石嶺關擴廓破走之擒其將烏馬兒殷興祖孛羅軍由是不振十一月癸未太陰犯軒轅歲星犯右執法詔復故丞相脫脫所授宣命是歲御史大夫老的沙與知樞密院事禿堅帖木兒得罪于太子奔大同孛羅帖木兒匿之軍中

二十四年甲辰春正月戊寅太白犯軒轅庚辰保德州民家產豬一頭兩身朱元璋改稱吳王自將伐漢僞漢主陳理降悉有湖廣江西之地二月壬子歲星犯左執法癸丑太陰犯西咸池三月辛卯時太子惡孛羅帖木兒遁老的沙禿堅帖木兒乃以帝詔削孛羅官爵奪其兵孛羅拒命不受夏四月甲午朔日食既又以帝詔命擴廓帖木兒討孛羅帖木兒孛羅知非出帝意皆右丞相搠思監宦者朴不花所爲遂令禿堅帖木兒舉兵犯關入居庸關知院事也速詹事不蘭奚迎戰敗績甲辰命太子

率侍衛兵出古北口東趨興松乙巳禿堅帖木兒兵至清河列  
營都城大震使達達國師至其軍問故以必得搠思監朴不花  
爲辭帝不得已執與之丁未詔復孛羅帖木兒官爵總兵如故  
以也速爲左丞相庚戌禿堅帖木兒陳兵自健德門入覲帝于  
延春閣慟哭請罪帝宴賚之加孛羅帖木兒太保仍守大同禿  
堅帖木兒進中書平章政事辛亥禿堅帖木兒還軍太子臺  
路兒嶺詔追回宮癸丑太白犯井五月戊辰又下詔促擴廓帖  
木兒討孛羅帖木兒屯兵冀寧分三道東道以白鎖住領兵三  
萬守京師中道以貊高竹貞領兵四萬西道以關保領兵五萬  
合擊之關保等兵逼大同孛羅留兵拒守而自率兵與禿堅  
木兒老的沙復大舉向闕甲戌太白犯鬼乙亥歲星犯左  
六月癸卯三星晝見白氣橫夾其中甲辰朔有太白

南方光如晝丁未大星隕照夜如晝及旦黑氣晦暗  
白鎖住以兵至京師 太子西行丁巳太白犯右執法係

州黃龍見井中秋七月癸亥太白歲星合于翼甲子歲星犯左  
執法丙戌孛羅帖木兒前軍入居庸關命太子率諸軍禦于清  
河也速軍于昌平軍士不戰而潰散太子馳還都城白鎖住引  
兵扈之星夜取道雄霸河間往冀寧戊子孛羅帖木兒駐兵健  
德門與秃堅帖木兒老的沙入見帝于宣文閣訴其非罪皆泣  
帝亦泣賜宴如初庚寅命孛羅帖木兒爲左丞相老的沙平章  
政事秃堅帖木兒爲御史大夫也速知樞密院事帝曰孛羅擴  
廓俱朕股肱視同心膂自今各釋宿忿弼成大勳八月壬辰朔  
日食乙未熒惑犯鬼乙巳太子兵至冀寧乙卯張士誠逐達識  
帖睦爾以其弟士信代爲江浙左丞相南臺御史大夫普化帖

木兒不從死之達識帖睦邇亦仰藥死字羅帖木兒既當國請

誅狎臣罷三宮不急造作汰宦官減錢糧禁西番僧作好事數

遣使請太子還宮使至太原太子拘留不報九月辛酉朔宦官

思龍宜潛送宮女伯忽都出順承門達冀寧行帳乙丑太白晝

見癸酉夜西北有紅光至東而散甲申太陰犯軒轅冬十月丙

午太陰犯畢己酉犯井己未詔諭太子還京師命也速老的沙

分道總兵十二月乙卯太陰犯太白輟耕錄云松江近海湖渺素不通潮至正甲辰秋冬

間水忽平壅起高三四尺若潮漲勢平江嘉興亦如之

二十五年乙巳春正月癸亥封李思齊為許國公丙寅太白晝

見甲戌太白犯建星二月辛丑汴梁路見日旁有一月一星輟耕

錄云至正乙巳遣翰林應奉李國鳳抵汴城望祭嵩嶽二月十三日仰視日旁一月一星月初弦者又十日雨亦冰狀如樓

閣人物鳥獸卉木俱備高林大樹殊葆羽幢彌望丙午太陰犯

不絕凡五日始解又十日復冰自汴至中灤皆然



填星三月庚申朔太子在冀寧下令軍中曰李羅帖木兒襲據  
京師余既受命總督天下諸軍恭行顯罰少保平章擴廓帖木  
兒躬勒將士分道進討諸王駙馬及陝西平章李思齊等各統  
軍馬尙其奮義戮力尅期恢復丙寅李羅帖木兒聞太子討已  
幽置二皇后奇氏于諸色總管府丁卯以火尼赤別帖木兒並  
爲御史大夫戊辰太白犯壘壁陣夏四月庚寅李羅帖木兒脅  
奇氏令還宮取印章僞爲后書遣太子遣內侍完者禿持往冀  
寧復出幽之乙巳關保等兵入大同壬子熒惑犯靈臺五月辛  
酉熒惑犯太微垣甲子京師雨菴毛之強曲者曰菴長尺許或言于帝  
曰龍絲也命拾而祀之六月戊子以黎安道參知政事乙巳皇  
后奇氏還宮乙卯詔太子加李思齊邠國公秋七月丁丑填星  
歲星熒惑聚于角亢己卯太陰犯畢乙酉李羅帖木兒伏誅禿

堅帖木兒老的沙北遁丙戌遣使函字羅首往冀寧卽召太子  
還其黨黎安道方脫脫雷一聲皆棄市河決小流口達于清河  
八月丁亥朔京城門閉者三日竹貞貊高命軍士緣城而上碎  
平則門鍵大掠都市乙未太陰犯建星巳亥太白犯壘壁陣癸  
卯復命太子分調將帥戡定未復郡邑承制用人並准正授丁  
未皇后弘吉刺氏崩壬子以洪寶寶帖古思不花捏烈禿並平  
章政事擴廓帖木兒扈從同太子至大都九月丁丑太陰犯井  
壬午命伯撒里爲太師右丞相擴廓帖木兒爲太尉左丞相錄  
軍國重事以方國珍爲淮南左丞相分省慶元冬十月辛卯熒  
惑犯天江壬寅以哈刺章知樞密院事丁未益王渾都帖木兒  
擒老的沙誅之禿堅帖木兒走八兒思之地命嶺北左丞相  
僧追討之戊申以禿魯爲御史大夫巳酉熒惑犯斗太陰犯右

執法庚戌犯太微垣閏月庚申詔張良弼俞寶孔興等悉聽擴廓帖木兒調遣戊辰太白辰星熒惑聚于斗太陰犯畢辛未封一應軍馬聽便宜行事壬申太白犯辰星辛巳以脫脫木兒爲中書右丞達識帖木兒爲參知政事十一月乙丑太白犯熒惑太陰犯壘壁陣丙申犯畢癸卯犯太微垣十二月乙卯立高麗女奇氏爲皇后改賜肅良哈氏癸亥太陰犯畢庚午歲星掩房辛未太陰犯右執法禿堅帖木兒伏誅是歲遣侍郎滿尙賓掩篤刺哈至鳳翔持詔諭李思齊開通川蜀道路思齊方兵爭不奉詔留尙賓等不還

二十六年丙午春正月己酉命沙藍答里爲左丞相字羅沙脫脫不花並爲御史大夫完者木知樞密院事壬子增燕南河南

山東陝西河東舉人會試者額進士及第以下遞升官一階二月癸丑朔立河淮水軍元帥府于孟津甲戌以內難平凡經值軍馬之地與免雜泛差徭命擴廓帖木兒還河南分省部自隨統制各處軍馬收復中原調陝西張良弼兵不應是月黃河北徙自東明曹濮下及濟寧民皆被害三月丁亥白虹五道亘天其第三道貫日又有氣橫貫東南良久甲午擴廓帖木兒遣關保等西攻張良弼于鹿臺李思齊脫列伯孔興等與良弼連兵拒之僞夏主明玉珍歿夏六月壬子朔介休縣地震平遙縣大雨雹山陰縣臥龍山裂秋七月辛巳朔日食徐溝縣地震石州大星如斗自西南而落甲午太白經天擴廓帖木兒分兵屯河中遣關保虎林赤合兵渡河約李思齊共攻張良弼思齊仍與良弼合連兵拒守丙午太白經天八月戊寅以李國鳳爲中書

左丞授陳有定爲福建行省平章九月丙戌加方國珍爲江蘇  
左丞相其弟國瑛國珉姪明善並爲行省平章辛丑星見東  
北方冬十月甲子擴廓帖木兒遣其弟脫因帖木兒及豹高完  
哲等駐兵濟南控制山東十二月庚午蒲城洛水和順崖崩是  
歲吳王朱元璋兵取淮安高郵徐邳潁泗及湖杭二州紹興嘉  
興諸路皆張士誠竊據者僞宋主韓林兒歿

二十七年丁未春正月乙未絳州天鼓鳴聲如戰鬪李思齊張

良弼脫列伯會于含元殿基衆推思齊爲盟主同拒擴廓帖木

兒二月

通考云朔日食

庚申以月魯不花月魯帖木兒並爲御史大夫

三月丁丑朔萊州大風海鳥至其翅如席庚子京師大風飛砂

揚礫白日昏暗夏五月丙子朔白氣二道亘天大同隕霜殺麥

乙酉以完者帖木兒爲右丞相俺普平章政事辛丑擴廓帖木

兒定擬所屬官二千六百一十員詔從其請李思齊遣張良弼  
部將郭謙守黃連寨虎林赤竹貞商高引兵攻之不克思齊遂  
據長安六月丙午朔日食晝晦丁巳見太子寢殿後新甃井中  
有龍出光焰爍人宮人驚懼仆地長慶寺有龍纏繞槐樹飛去  
樹皮皆剝丁卯沂州山崩秋七月丁酉絳州星隕光耀如晝李  
思齊遣將許國佐會張良弼脫列伯兵屯華陰又遣將鄭應祥  
守陝西自還鳳翔龍見于臨朐龍山大石起立八月丙午再命  
太子總制天下兵馬詔曰元良重任職在撫軍稽古徵今卓有  
成憲曩者障塞決河本以拯民昏墊豈期妖盜橫造訛言簧鼓  
愚頑塗炭郡邑殆遍海內茲逾一紀故察罕帖木兒仗義興師  
獻功敵愾汎掃汴洛克平青齊爲國捐軀深可哀悼其子擴廓  
帖木兒克繼先志用成駿功會太子愛猷識理達臘計安宗社

累請視師朕以國本至重詎宜輕出遂授擴廓帖木兒總戎重  
寄畀以王爵俾代其行豈意李思齊張良弼等各懷覬覦構兵  
不已以致盜賊愈熾深遺朕憂况全齊密邇輦轂儻失早計恐  
生異圖詢諸衆謀僉謂有太子聰明仁孝文武兼資聿遵舊典  
爰命以中書令樞密使悉總天下兵馬一應軍機政務生殺予  
奪事無輕重如出朕裁其擴廓帖木兒領本軍自潼關以東肅  
清江淮李思齊自鳳翔以西進取川蜀以少保禿魯爲陝西行  
省左丞相總本部及張良弼孔興脫列伯等各軍進取襄樊山  
東行省平章王信以本軍固守沂州詔書到日汝等悉宜洗心  
滌慮同濟時艱毋替朕命詔書雖下而太子不果行擴廓帖木  
兒亦不奉命于是其部將翁高關保皆叛殺衛輝彰德守禦官  
上言擴廓不遵君命無人臣禮臣等不能俛首聽命詔削擴廓

帖木兒官罷其兵柄就命貊高討之壬子仍令太子立大撫軍  
院以右丞相完者帖木兒翰林承旨答爾麻平章政事完者帖  
木兒並知撫軍院事九月甲戌朔命丞相也速分省山東沙藍  
答里分省大同丁亥當作以兵興迤南供億繁重真定河南陝  
西山東冀寧諸處與免民間今年田租之半其餘雜泛一切住  
罷吳王朱元璋取平江路執張士誠以歸士誠自縊死冬十月  
甲辰朔命也速會貊高攻擴廓帖木兒于真定不克壬子詔落  
擴廓帖木兒太傅左丞相及兼領諸職仍前河南王其帳前諸  
軍命鎖住虎林赤統之河南諸軍李克彝統之山東諸軍也速  
統之山西諸軍沙藍答里統之河北諸軍貊高統之關保仍統  
本部軍如故擴廓退軍澤州甲寅以火里赤于好禮並平章政  
事十一月壬午吳王朱元璋兵取沂州平章王信遁癸未取廣



元路方國珍迎降分兵由海道入福州取邵武建寧延平諸路  
執陳有定以歸有定不屈死辛丑益都陷宣慰使普顏不花總  
管胡濬知樞密院張俊皆死之十二月癸卯朔日食甲子命右  
丞相也速等會國公楊誠陳秉直各部軍同守山東詔李思齊  
爲副總統守關中脫列伯孔興出潼關渡河合勢東行共勤王  
事思齊等不奉命詔分潼關之西屢思齊東屬擴廓帖木兒各  
罷兵還鎮於是關保退屯潞州南高留屯潼關

二十八年戊申春正月壬申朔命太子敕關保固守晉寧總統  
諸軍如擴廓帖木兒拒命當以大義相裁就便擒擊辛巳詔諭  
擴廓帖木兒曰比者也速上奏卿以書陳情深自悔悟及省來  
意良用惻然朕視卿猶子卿何惑於儉言不體朕心隳其先業  
卿今能自悔固朕所望其思昔日委任肅清江淮之意卽將冀

寧真定諸軍就行統制渡河直擣徐沂以康靖齊魯則職任之  
隆當悉還汝衛輝彰德順德皆爲王城卿無以貊高爲名縱軍  
侵暴其晉寧諸軍已命關保總制策應戡定山東將帥各宜悉  
心庚寅彗星見于昴畢之間是月吳王朱元璋卽帝位建國號  
曰大明二月壬寅朔復削擴廓帖木兒爵邑命禿魯李思齊等  
討之癸卯武庫災癸丑明兵取東昌路守將申榮王輔元死之  
丙辰擴廓自澤州退守晉寧關保守澤潞二州與貊高軍合明  
兵至河南李思齊張良弼等解兵西還二月庚寅彗星見西北  
右星流于東北衆小星隨之其聲大震明兵取河南李思齊張  
良弼會兵駐潼關明兵入潼關思齊奔屬翔夏五月庚午朔李  
克彛棄河南城奔陝西推李思齊爲帥駐兵岐山思齊部將虎  
赤脫列伯張意等據盩厔商高據武功李克彛據岐山任從

政據隴州六月庚子朔雷雨中有火自天墜焚大聖壽萬安寺  
壬戌臨州保德州地震五日止明兵下湖南兩廣悉定秋七  
月癸酉京城紅氣滿空如火照人自旦至辰方息乙亥京城黑  
氣起百步內不見人貊高關保以兵攻晉寧閏月己亥朔擴廓  
帖木兒擒貊高關保遣其斷事官文對帝不得已詔貊高關保  
間謀搆兵卽依軍法誅之辛丑明兵文衛輝彰德取廣平路丁  
巳詔罷大撫軍院復命擴廓帖木兒仍前太傅左丞相統領見  
部軍馬由中道直抵彰德衛輝右丞相也速統大軍徑由東道  
水陸並進陝西左丞相禿魯率關陝諸軍東出潼關攻取河洛  
平章李思齊領本部軍南出七盤金商克復汴梁四道進兵犄  
角勦捕毋分彼此平章俺普瓊住等軍東西布列乘機掃殄遼  
陽左丞相也先不花郡王知院厚孫等軍捍禦海口藩屏畿輔

以太子愛猷識理達臘悉總天下兵馬裁決庶務具如前詔壬

戌白虹貫日始罷內府興造甲子擴廓帖木兒自晉寧退守冀

寧明兵至通州知樞密院事卜顏帖木兒力戰死右丞相失列

門傳旨奉太廟列室神主並隨太子北行乙丑白虹貫日詔准

王帖木兒不花監國慶童為左丞相留守京城丙寅帝御清寧

殿集三宮后妃及太子并太子妃同議避兵失列門及知院事

黑斯宦者趙伯顏不花等諫不聽伯顏不花慟哭曰天下者世

祖之天下陛下當以死守奈何棄之臣等願率軍民及諸怯薛

歹出城拒戰卒不聽至夜半開健德門北奔草木子云至正戊申七月有一餓鴉

鳴鳴端明殿上帝命射之終莫能中俄常遇春等統兵至柳林去

京甚近帝名百官會議端明殿及開門忽有二狐自殿上出帝

嘆曰宮禁嚴密此物何得至此殆天八月庚申鴻猷等錄作八月二日申當作

午明兵入京城國亡後一年帝駐于應昌府又二年四月丙戌

始殂壽五十一太尉完者院使觀音奴奉梓宮北歸五月癸卯  
明兵襲應昌皇孫買的里八剌及后妃皆被獲特太子愛猷識  
理達臘從十數騎去明主以帝知順天命特加號順帝封買的

里八剌為崇禮侯歷代建元考云順帝駐應昌一年而殂國人諡曰惠宗太子嗣立改元宣光凡十一年諡

曰昭宗按高麗史云順帝北走駐應昌太子愛猷識理達臘嗣

立徙和林改元宣光稱北元時洪武十年也明年豆叱仇帖木

兒立北元遣使告高麗繼又以收元天元告則繼順帝而建元

者非止宣光矣朔漠圖考云洪武元年八月明兵取燕都元

主攜歷代傳國璽遁出塞三年殂于應昌太子愛猷識理達臘

稱帝于漠北傳位于子脫古思帖木兒後為其下也速迭兒所

弑其臣復立坤帖木兒為可汗建文三年殂以鬼力赤為可汗

永樂改元屢遣書招諭不服八年車駕親征至斡難河十二年

再征追至土刺河二十年三次殺虎原會部長阿魯台弑其

主本雅失里而自立數侵塞上宣德九年為瓦剌部所敗阿魯  
台走灰部落盡離散瓦剌乃遣  
使入朝獻傳國璽而元始亡

冊曰絕人巧智惟事荒恣綱紀懈弛用殄厥世稗史所稱

非明宗嗣附會詔書事近曖昧

平陽府志卷之十

四國華人可晉前事鼓柝歸

守去火符素靈續郊天神代

王本非夫里而自立魏身案

元樂如立中舖木良為而

主部值外翁因歷出表三

民在直武突高魏魏魏魏

軍不陣為崇顯天祖開數

聖武聖王魏魏世生以帝

聖武聖王魏魏世生以帝

聖武聖王魏魏世生以帝

續弘簡錄卷十終

續弘簡錄元史類編卷十一

皇清詹事府少詹事仁和邵遠乎戒山學

幸輔一

耶律楚材子鑄粘合子南鎮海楊惟中趙璧

史天澤子格廉希憲交布魯海牙商挺趙良弼

耶律楚材字晉卿遼東丹王突欲八世孫幾輔志云王子婁國為燕京留守遂居燕

金尚書右丞履之子也宋子貞神道碑云楚材以明昌元年六

親曰吾年六十而得此子他日必成偉器且生三歲而孤母楊

氏教之學比長博極羣書旁通天文地理律曆衍數之說為文

若宿構者輟耕錄云楚材言西域曆五星密於金貞祐初辟為

掾後遷燕京左右司員外郎太祖定燕京求遼宗室名至楚材

身長八尺美髯宏聲帝偉之謂曰遼金世讎朕為汝雪之對曰

續弘簡錄 卷十一 幸輔一

臣父祖嘗委質事金既為臣子敢讎君父邪帝重其言處之左  
 右歲巳卯夏六月帝西討回鶻國禡旗之日雨雪深三尺帝疑  
 之對曰玄冥之氣見於盛夏克敵徵也庚辰冬大雷復問之對  
 曰回鶻國主當死中野後皆驗夏人常八斤善造弓見寵于帝  
 每言國家方重武耶律儒者何用楚材曰治弓尚須用弓匠治  
 天下者可不用天下匠邪帝聞之喜日見親用國初未有曆西  
 戎人奏五月望夜月當蝕楚材曰否卒不蝕明年十月楚材言  
 月當蝕西域人口不蝕至期果蝕八分續編目云楚材從征西  
 庚午元曆上之燕居叢談云庚辰歲楚材在尋斯干城當五  
 月望以大明曆考之太陰當虧二分食甚子正時在宵中是夜  
 候之木盡初更而月已蝕蓋大明之子正乎此唐一行有里差之  
 之謂千里互差一時者壬午八月長星見西方楚材曰女真將  
 是也其說與本傳不同

易主矣未幾金宣宗果殂帝每征討必命楚材上帝亦自灼羊



以相符驗然後行甲申帝至東印度國駐鐵門關有一獸  
形馬尾色綠角獨角能作人言謂侍衛者曰汝主宮早還帝怪

問之對曰瑞獸也其名角端能解四方語好生惡殺此天降符

以吉陛下陛下天之元子天下之民皆陛下子願承天心以全

民命帝即日班師輟耕錄云帝駐師印度忽有大獸一角如犀

震懾獨楚材進曰此名角端乃旄星之精聖人在位則斯獸奉

書而至且能日馳萬八千里靈異如鬼神不可犯也帝即回馭

丙戌冬從下靈武諸將爭取金帛楚材獨收遺書及大黃藥材

既而軍中病疫得大黃輒愈全活者萬人帝自經營西土未暇

定制州郡長吏生殺任情燕京留後石抹咸為十大帥石抹明

安子也尤貪暴殺人盈市楚材聞之泣下即入奏請禁州郡非

奉璽書不得擅徵發囚當大辟必待報違者罪死于是貪暴之

風稍戢燕多劇盜未夕輒曳牛車指富家劫取財物不與則殺

之遣楚材窮治得其姓名皆留後親屬及勢家子盡捕下獄戮

首惡者于市燕民始安已丑秋太宗將即位擇期八月二十二

日宗親議未決時拖雷方監國問曰事猶未集別擇日可乎楚

材曰過是無吉日矣遂翼太宗登寶位告親王察合台曰王雖

兄位則臣也禮當拜王拜則莫敢不拜王深然之遽率皇族及

臣僚拜帳下國初尊屬行拜禮自此始碑云諸國來朝者多以

新即位願無汚白道子蓋時中原甫定民多誤觸禁網而國法

無赦令楚材獨請肆赦且條便宜十八事大畧言州郡宜置長

吏牧民設萬戶總軍使勢均力敵以遏驕橫中原之地財用所

出宜存恤其民州縣非奉上命敢擅行科差及貿易借貸官物

者罪蒙古回鶻河西諸人種地不納稅者罪監守自盜官物者

死應犯罪至死者待報然後決帝悉從之初太祖之征西域也

倉庫無斗粟尺帛之儲羣言漢人無補於國不若空其人爲牧地楚材曰陛下將南伐軍需宜有所資誠均定中原地稅商稅鹽鐵酒醋山澤之利歲可得銀五十萬兩帛八萬匹粟四十餘萬石足以供給何謂無補哉太祖曰卿試爲朕行之乃奏立燕京等十路課稅所使副悉用士人以陳時可趙助劉中等充之辛卯秋太宗至雲中十路咸進廩籍及金帛陳於庭帝顧之悅謂楚材曰汝不去朕左右而能使錢幣充足如此始立中書省卽日拜楚材爲中書令事無鉅細皆得先白楚材舉鎮海粘合重山爲左右丞相權貴不能平咸得士以舊怨尤疾之譖於宗王曰耶律中書令多用親舊必有二心請奏誅之宗王遣使以告帝不聽已而咸得士爲人所訴帝命楚材按治奏曰此人倨傲故易招謗今方有事南土他日治之未晚帝謂侍臣曰楚材

不較私讎真寬厚長者中貴可思不花請採金銀夫及種田西域與栽蒲萄戶帝令於西京宣德徙萬餘戶往楚材曰先帝遺詔山後民質朴無異國人緩急可用不宜輕動事遂寢壬辰春帝南征將渡河詔流民來降者免死楚材請製旗數百給降民使歸田里初蒙古之制凡攻城臨敵但以一矢加遺即為拒命既克必屠之汴京將下大將速不台遣使來言曰金人抗拒日久請屠其城楚材聞之馳入奏曰將士暴露數十年所爭者土地人民耳得地無民將焉用之帝猶豫未決楚材曰奇巧之工厚藏之家皆萃于此殺之將一無所獲是徒勞也帝然之詔罪止完顏氏餘勿問時避兵在汴者全活凡百四十七萬戶

碑云其後

取江漢諸城因以為例

當河南破時俘獲甚眾軍還逃者十七八詔凡居

停逃民者滅其家鄉社連坐由是逃者多殍死楚材從容進曰

河南旣平民皆朝廷赤子走復何之奈何因一俘囚連死數十百人乎帝悟命除其禁金之亡也唯秦鞏二十餘州未下楚材奏曰往者吾民逃罪或聚於此故以死拒守若許以不殺將不攻自下矣詔下諸城皆降甲午詔定中原戶籍羣臣共欲以丁爲戶楚材曰不可丁逃則賦無所出爭之再三卒以戶定時將相大臣出征俘獲往往寄匿他郡楚材因括戶口並出爲民容隱者死朝議欲遣回鶻人征江南漢人征西域楚材謂中原西域相去萬里未至敵境人馬疲乏兼水土異宜疾疫將作宜各從其便丙申春諸王大集帝親執觴賜楚材曰非卿則中原無今日有于元者奏行交鈔楚材曰金章宗初交鈔與錢通行有司以出鈔爲利收鈔爲諱謂之老鈔至以萬貫惟易一餅民困國匱當爲鑿戒今印造交鈔宜不過萬錠從之帝議裂州縣賜

親王功臣楚材曰裂土分民易生嫌隙不如多與金帛帝曰已許之矣奈何楚材曰朝廷張官置吏收其額賦歲終頒之使毋擅徵斂可也帝然其計遂定天下田賦分上中下三則朝議以爲太輕楚材曰作法於涼其弊猶貪後將有以利進者則今已重矣侍臣脫歡奏簡天下室女詔下楚材尼之不行帝怒楚材進曰向擇美女二十有八人已足備使令今復選取臣恐擾民待覆奏耳帝良久曰可罷之又欲拘民間牝馬楚材言漢地非產馬之鄉行之後必爲例是擾天下也事乃已一日楚材奏曰制器者必用良工守成者必用儒臣儒臣之事業非積數十年未易成也帝曰果爾可官其人楚材請試之乃命宣課使劉中揚免隨郡考校分經義詞賦論爲三科雖被俘爲奴者亦令就試其主臣勿遣者免將士與西番三十八並復其家免爲奴者

四之一先是州郡長吏多貸回鵠賈銀以償官息累數倍名羊羔利至奴其妻子猶不足楚材奏令本利相侔而止著爲令民

間所負者官代償之凡七萬六千錠名臣事畧云國初盜賊充斥

歲不獲者本路民戶代償其物前後積累以萬計所在官吏取

借回鵠債銀周年則倍之次年則并息又倍之往往破家散族

不能償楚材請于一又一衡量給符印定均輸立驛傳庶政畧備

上悉以官銀代還民稍蘇息焉續綱目云初諸路官府自爲符印僭越無度楚材

皆得白起驛馬所至供饋稍緩輒被箠撻館其仇爲逃軍結中貴虐殺之楚材按收中貴帝怒繫楚材既悔

人不能堪楚材請給牌劄定分例其弊始革命釋之楚材不肯解縛曰臣備位中書國政所屬陛下初令繫

臣以有罪也今釋臣是無罪也輕易反覆如戲小兒何以辦國

事帝溫言慰之曰朕日出萬言寧無過舉楚材乃頓首謝因陳

時務十策曰信賞罰正名分給俸祿官功臣考殿最均科差選

工匠務農桑定土貢制漕運皆見施行禘云戊戌天下大旱蝗

行倚閣上曰恐國用不足楚材曰倉庫見在可支十年許之初楚材曰今年租賦乞權

籍天下戶得一百四萬至是逃亡十四五而賦仍舊天下病之楚材奏除逃

民三十五萬太原路轉運使呂振副使劉子振以賊敗帝詰楚材曰卿言孔子之教可行何故乃有此輩對曰三綱五常聖人

之名教有國家者莫不由之如天之有日月也豈得緣一夫之

失使萬世常行之道獨廢於我朝乎帝意乃解燕京富人劉忽

篤馬涉獵發丁劉廷玉等陰結權貴以銀百萬兩撲買天下課

稅大學衍義補云撲買之名起于宋開寶三年謂通計楚材謂

此貪利之徒罔上虐下為害甚大奏罷之常曰興一利不如除

一害生一事不如省一事任尚以班超之言為平平千古之下

自有定論後有負譴者方知吾言之不妄也大方通鑑云楚材

多合行選試有經通者帝素嗜酒日與大臣酣飲楚材數諫不始給牒受戒餘並汰斥



肥乃持酒槽鐵口進曰麴蘖能腐物鐵尚如此况五臟乎帝悟  
敕近臣日進酒三鍾而止初楚材定課額歲止五十萬兩及河  
南降戶口滋息增至一百餘萬至是回鶻人奧都刺合蠻請以  
二百二十萬兩撲買之楚材極諫至聲色俱厲言與涕俱帝曰  
爾欲搏鬪邪又欲爲百姓哭邪姑試行之楚材不能奪歎曰民  
之困窮將自此始矣辛丑春帝疾篤醫言脉已絕六皇后乃馬  
真氏不知所爲名楚材問計對曰古人一言而榮惑退舍今囚  
繫非辜者多請肆赦天下后意欲急行楚材曰非君命不可頃  
之帝少蘇后以爲言帝首肯赦下之明日疾果愈十一月帝將  
出獵楚材以太乙數推之言不可帝不從獵五日而崩于行在  
后以儲事問楚材正色曰此非外姓臣敢知自有先皇遺詔在  
遵而行之社稷幸甚后不聽竟自稱制于和林時奧都刺合蠻

以貨得政柄后付以御寶空紙俾任意書填楚材曰天下者先  
 帝之天下朝廷自有憲章今欲紊之臣不敢奉詔又有旨凡與  
 都刺合蠻奏准事理令史不為書者斷其手楚材曰軍國之事  
 先帝悉委老臣令史何與焉事果合理自當奉行如不可行死  
 且不避况截手乎后不悅楚材辨論不已因大聲曰老臣先後  
 歷事三十餘年無負於國皇后豈能以無罪殺臣也后雖憾之  
 亦深加敬憚甲辰五月以憂卒于位年五十五后賻贈特厚有  
 譖之者言其在相位久天下財賦半入其家后命衛士覈視其

庫藏唯琴玩十餘及古今書畫金石遺文數千卷文宗至順元

年追封廣寧王諡文正碑云楚材天資英邁雖案牘滿前左酬

子曰公務雖多晝則屬官夜則屬私亦可學也 郝經文集云

楚材為相定賦稅權宣課分郡縣籍戶口埋獄訟別軍民設計  
 舉推恩肆赦方有志於天下而一二不逞之徒投嶮折罅百計  
 攻訐乘宮闈違豫之際恣為矯誣卒使憤悒以死 元詩選載

湛然居士  
集十四卷

子鑄字成仲嗣領中書省事時年二十三上言宜

疎禁網遂採歷代德政合於時宜者八十一章以進從憲宗征  
蜀領侍衛驍果軍屢出奇計攻下城邑會阿里不哥反鑄棄妻  
子自朔方來歸世祖嘉其忠賞賜優厚中統二年拜中書左丞  
相監修遼金史尋將兵備北邊後引兵扈從敗阿里不哥於上  
都至元初奏定法令三十七章吏民便之俄命行省山東遷調  
所部官屬尋召還初清廟雅樂止有登歌詔鑄製宮縣八佾舞  
樂舞成表上之賜名大成之樂十年加平章軍國重事自是時  
罷時復十四年冬以雨雪愆期帝使問便民事鑄曰足食之道  
唯節浮費靡穀之多無踰趨彘况自周漢以來常有明禁祈神  
賽社費亦不貲宜一切罷止十九年復拜左丞相奏言有司以  
采室女乘機害民請令大郡歲取三人小郡二人擇其可者厚

賜其父母否則遣還庶不致大擾並從之二十年坐事罷沒家  
貲之半徙居山後遂卒文宗至順元年追贈懿寧王諡文忠  
孫希亮字明甫初六皇后命以赤帖吉氏歸鑄生希亮於和林  
南之涼樓曰禿忽思六皇后遂以其地名之故亦曰禿忽思憲  
宗嘗遣鑄覈錢糧于燕鑄曰臣先世皆讀儒書儒生俱在中土  
願攜諸子往就學許之北至燕令希亮師事北平趙衍時方九  
歲未浹旬已能賦詩憲宗征蜀鑄扈從南伐希亮亦在行憲宗  
崩希亮將輜重北歸陝右世祖卽位阿里不哥反渾都海在陝  
應之鑄子身歸朝渾都海怒使人監希亮母子脅之行至西涼  
甘州會叛將阿藍答兒自和林至見希亮問而父安在對曰不  
知與吾父共事者宜知之渾都海詬曰我焉得知而父今亡命  
東見皇帝矣希亮曰若然則何謂不知使吾知之亦從而去安

得獨留旣而渾都海等爲大兵所殺衆推哈刺不花爲帥帥故  
與鑄有婚姻鑄又嘗周恤其病至是謂希亮曰我受而父恩今  
於汝報遂釋希亮縛挾之北走希亮兄弟相扶攜徒步萬里不  
火食者常累日是歲中統元年也三年從定宗幼子大名王與  
宗王阿魯忽興師至不刺城與阿里不哥兵戰屢捷四年春至  
可失哈里城世祖遣不華出至王所以璽書召希亮赴闕乃由  
苦先城至哈刺火州出伊州涉大漠而還八月入覲世祖于上  
都備陳邊事及羈旅困苦狀上憐之賜鈔幣授爲符寶郎世祖  
常命希亮問宋諸降將日本可伐否衆皆曰可希亮獨曰宋與  
遼金攻戰且三百年干戈甫定人得息肩俟數年後興師未晚  
世祖然其言有太府監令史盧贄言于監官曰各路貢布唯平  
陽獨長以故諸怯薛多爭取苟截其長與他郡等則無所爭而

截者可備髹漆宮殿用監官從之左右以其事聞帝詰之監官  
惶悚惟歸罪於贄帝命斬贄希亮遇諸塗贄呼冤希亮戒行刑  
者稍緩具以實入奏如贄語帝令董文用復讞竟得釋累遷吏  
部尙書帝駐蹕察納兒台之地希亮至奏對畢文用問大都近  
事希亮曰囹圄多囚耳世祖方欹枕臥忽寤問其故奏曰近有  
旨漢人盜鈔六文者斬以是日多帝驚曰孰傳此言侍臣脫兒  
察曰陛下在南坡曾以語蒙古兒童帝曰前言戲耳曷嘗著爲  
令希亮曰令旣出矣必明其誤以安民心帝卽令希亮至大都  
宣諭并釋囚者希亮以跋涉西土久足病痿孿乃謝事居灤陽  
二十餘年武宗立特除翰林學士承旨兼修國史希亮因類次  
世祖嘉言善行以進英宗取其書置禁中泰定四年卒于京年  
八十一追封漆水郡公諡忠嘉希亮性至孝當困厄遐方家貲

散盡備藏祖考畫像四時就穹廬陳列致祭竭誠盡敬朔漢人

咸相聚來觀歎曰此中華禮也雖疾病不廢書史所著詩文及

從軍紀行錄三十卷名素軒集按楚材妻植氏東坡四世孫或州刺史彌之大有賢德

明曰定亂開基在承天意得民爲守用儒以濟創一統業

垂百年制重道崇文力排羣議王者之興必有名世

粘合重山金源貴族也國初爲質子知金將亡遂委贄焉太祖

使入宿衛從圍涼州執大旗指麾六軍手中流矢不爲動既官

侍從數得侍內宴因諫曰臣聞天子先天下而憂憂之未有不

治忘憂未有能治者置酒爲樂忘憂之漸也帝深嘉納之太宗

卽位拜左丞相時耶律楚材爲中書令凡建官立法任賢使能

與分郡邑定課賦通漕運足國用多佐成焉七年從伐宋取江

淮諸州邑降其民三十餘萬不戮一人已復還中書視事未踰

年卒追封魏國公諡忠武子南合先爲江淮安撫使時大將  
察罕圍壽春七閱月始下欲屠城南合曰不降者獨守將耳民  
何罪由是獲免嘗言于世祖曰李壇承國厚恩坐制一方然其  
人多詐叛無日矣及壇反益都時南合方官秦蜀行省右丞帝  
遣使諭之曰卿言猶在耳李壇果反矣卿宜固守西鄙對曰臣  
謹受詔不敢以西鄙貽陛下憂明年授中書平章政事卒諡宣  
昭封爵如其父

鎮海怯烈台氏初以軍伍長隨太祖同飲班米尼河水從征乃  
蠻攻曲出與塔塔兒欽察唐兀只溫斡丹女真河西諸國所俘  
丁口以萬計悉上獻命屯田阿魯歡之地立鎮海城戍之從太  
祖次桓州與金戰矢中胸臆間裹瘡而出者數四軍聲大振旣  
破燕命於城中環射四箭凡箭所至園池鄰舍悉以賜焉太宗



卽位拜中書右丞相扈從至西京攻下河中河南諸州以賜  
恩州一千戶先是收天下童男女及工匠置局弘州旣而得西  
域織金綺紋工及汴京織毛褐工各三百餘戶皆分隸弘州局  
命鎮海爲世業定宗卽位以先朝舊臣位如故卒年八十四  
子勃古思襲封邑從世祖征大理結浮橋於金沙江濟師官至  
保定路達魯花赤

楊惟中字彥誠弘州人以孤童子事太宗年二十奉使西域三  
十餘國宣布德威俾各籍戶口屬吏數年乃歸會皇子濶出伐  
宋太宗命惟中于軍前行中書省事克宋棗陽光化軍光隨郢  
復諸州及襄陽德安府凡得名士數十人收伊洛遺書送燕京  
及還建太極書院周惇頤祠選俊秀有識度者爲道學生延儒  
士趙復王粹等講授其間慨然欲以道濟天下

紀之禮盛于江左而未至河朔惟中領中書始嗜其學乃建祠于燕都以二程張楊游朱六子配食歲時釋奠又刻太極圖通書西銘于祠壁俄拜中書令太宗崩皇后稱制惟中不動聲色以一相獨任天下尋出爲平陽道宣慰使斷事官斜徹橫恣不法惟中按誅之憲宗卽位太弟忽必烈開府金蓮川立河南道經畧司于汴奏惟中趙璧等爲使初河南總管劉福性殘虐民受旤將二十年惟中至召福聽約束福稱疾不出惟中設大梃于坐復召之使謂曰不奉命將以軍法從事福不得已以數千人擁衛至惟中卽握大梃擊仆地數日福死河南大治遷京兆宣撫使時諸軍帥多橫侈病民有郭千戶者尤甚至殺人夫而奪其妻惟中戮之以徇關中肅然嘗語人曰吾非好殺但國家綱紀不立此曹賊害良民無所控告不去之不可太弟總統東師奏惟中爲江淮京湖南北路宣撫使俾建行臺令蒙古漢軍諸帥並

聽節制師還卒于蔡州 忠肅

田口河朔荆榛聖學幾熄百餘年間脞名晦蝕偉哉楊公

為儒羽翼日月經天自南而北

趙璧字寶仁雲中懷仁人世祖為太弟時聞其賢召見呼秀才

而不名賜三僮給薪水命後宮親製衣衣之寵遇無比初命馳

驛四方聘名士王鶚等又令蒙古生十人從璧授儒書且敕璧

習國語譯大學衍義 虞集道園論議云譯論語大學中庸孟子諸書時從馬上聽其陳

說辭旨明貫輒大喜一日憲宗問曰天下何如而治對曰請先

誅近侍之不善者憲宗不悅璧退太弟曰秀才渾身是膽邪有

斷事官牙老瓦赤者持其印請于帝曰此先朝所賜今陛下登

極將仍用舊印邪抑易以新者邪時璧侍旁呵之曰用汝與否

尚須聖裁乃敢以印為請奪其印置帝前帝默然久之曰朕亦

不能爲此其人竟不復用歲壬子出爲河南經畧使有劉萬戶者素貪淫其黨董主簿尤恃勢爲虐強取民間有色女三十餘人璧至按其罪立斬之盡還民女劉大驚會天雨雪因詣璧賀曰經畧下車誅鋤強猾故雪爲瑞應璧曰如董主簿者尙不乏人俟盡誅之瑞應將大至矣劉屏氣歸臥病數日以懼死世祖卽位拜中書平章政事李璿反從親王哈必赤往討時璿已據濟南諸軍乏食璧從濟河得粟及羊豕饋軍軍聲大振帝欲爲文檄宋橐數易皆不稱旨台璧爲之文成帝喜曰惟秀才曲盡我意改樞密副使命詣都元帥阿木軍俾同行漢軍都元帥事宋將夏貴率兵自武昌溯流援襄陽時漢水暴漲璧據險設伏以待貴果中夜潛上璧策馬出鹿門山行二十餘里伏發奪其五舟及日呵木領騎兵璧率水軍合戰于虎尾洲貴大敗走尋

選改中書左丞高麗王王植為其臣林衍所逐帝命瑩同  
國王頭輦哥行東京等路中書省事聚兵平壤璧與王議曰高  
麗遷居江華島有年矣外雖卑詞臣貢內恃其險故使權臣無  
所畏忌擅逐其主今衍已死王實無罪若朝廷遣兵護歸使復  
國于古京可以安兵息民策之上也因遣使入奏帝從之師還  
復拜平章政事卒于位諡忠亮

史天澤字潤甫大興永清人身長八尺吐響如洪鐘從其兄天

倪帥真定

李磐神道碑云父秉直生三子伯天倪仲天安天澤其季也國兵南下乘直率鄉里詣木華黎軍門降明

年從攻北京下之以國人烏也兒為都元帥乘直為刑部尚書

鎮其地後五年武仙以真定降命天倪為河北西路都元帥仙副之署天澤領乙酉春天倪遣天澤護母北歸甫行而天倪為武

帳前軍總領仙所害府僚王守道追天澤于道告之故且曰變起倉猝部曲

散在近郊公能返轡當不招自至天澤毅然曰兄弟之讎不返

兵雖死何敢避卽傾貲裝易鎧仗南還行次滿城得士馬甚衆遣監軍李伯祐詣國王孛魯言狀且乞師孛魯卽命天澤嗣兄職遣肖乃台將銳卒三千來援仙驍將葛鐵槍擁衆拒戰天澤生擒之乘勢下中山畧無極拔趙州進軍野頭會其兄天安在白霄聞變亦提兵至共擊仙仙敗奔雙門天澤遂復真定宋大名總管彭義斌陰與仙合欲復取真定天澤扼諸贊皇義斌勢感焚山自守天澤以鐵騎摧鋒入獲義斌斬之旣而仙遣謀者潛結死士匿城中爲內應仙夜斬關入據城天澤踰城東出至藁城求援于中山知府董俊俊授以勁卒天澤夜赴真定會肖乃台軍亦至捕斬叛者三百餘人仙挾數騎退保西山抱犢砦肖乃台忿民之反覆驅萬餘人至城下將殺之天澤曰彼皆吾民我力不能及一旦委去不幸被脅耳力爭得釋乃繕城壁立

檄檄招集流散急攻抱犢砦下之仙遁入汲縣相衛諸州皆降

太宗即位議立三萬戶分統漢兵天澤適入覲命為真定河間

大名東平濟南五路萬戶續綱目云三萬戶史天澤劉黑馬蕭札刺是也庚寅冬武仙

復屯兵衛州天澤合諸軍圍之金將完顏合達率眾來援天澤

以千騎與大軍前後夾擊仙敗去遂復衛州壬辰春太宗由白

坡渡河詔天澤以兵由孟津會河南至則皇弟拖雷已破金軍

于三峰山乃命畧地京東招降太康柘縣瓦岡睢州追斬金將

完顏慶山奴于陽邑金主令完顏白撒將兵八萬自黃陵岡來

襲新衛州天澤輕騎馳赴比至圍已合天澤單騎舞稍突至城

下呼守者曰汝曹勉力援兵旦夕且至復躍出眾皆披靡遂與

大軍急擊白撒等敗走蒲城天澤追至與諸軍會新衛王惲家傳作睢

陽大軍圍蔡天澤當其北面結棧潛渡汝水血戰累日金亡天

澤始還真定時政煩賦重民間貸羊羔利錢以輸官繼以歲饑

積銀至一萬三千錠天澤傾家貲率族屬官吏代償之又請以

中戶為軍上下戶為民著為定籍家傳云監郡忙哥撒兒以兵數萬散處州郡間伐桑蹂稼

井里騷然天澤奏太后悉徙居嶺北尋移軍伐宋從皇子曲出攻棗陽襄陽又從

宗王口溫不花園光州攻壽春乘勝而南所向輒克時世祖在

藩邸極知漢地不治河南尤甚奏以天澤為經畧使至則誅郡

邑長貳之尤貪橫者數人境內大治戊午秋從憲宗取蜀駐合

州軍中大疫方議班師宋將呂文德率艤艚千餘沂嘉陵江而

上天澤親率舟師順流縱擊追至重慶而還憲宗崩天澤護帝

璽奉柩北歸世祖即位問以治安之道天澤疏對大畧請立省

部以正紀綱設監司以督諸路霈恩澤以安反側除貪殘以任

賢能頒祿秩以養廉節禁賄賂以防奸慝帝皆嘉納繼命往鄂



軍選授河南宣撫使俄兼江淮諸翼軍馬經畧使中

統二年拜中書右丞相既柄政先定省規十條以正庶務

中堂事記

云天澤既相事皆讓同官曰天澤本武臣何克負荷但物務未安者老夫通譯其間爲諸君條達耳相則曷敢當衆服其謙退

李壇反命天澤專征道聞壇入濟南笑曰豕突入莖無能爲也

至則進說親王哈必赤曰壇多謫而兵精不宜力角當以歲月

斃之乃深溝高壘遏其奔軼四閱月城中食盡衆潰出降斬壇

于軍門初天澤將行帝臨軒授詔俾諸將皆聽節制天澤至軍

中未嘗以詔示人及還帝慰勞之悉歸功諸將當憲宗時嘗奏

言臣始攝兄職今臣兄有二子分掌兵民臣復任經畧使一家

處三要職臣竊不安乞賜罷帝不許至是言者謂李壇之變由

外藩權太重天澤復奏兵民之柄不可盡專一門乞罷子弟之

在官者行之請自臣家始于是史氏子姪即日解兵柄者十七

入至元三年以天澤爲樞密副使

家傳云議建三衛明年仍拜及留兵寓農之策

明年仍拜

中書左丞相六年敕董師襄陽至則與元帥阿朮阿里海牙同

相要害築長圍起萬山包百火山俾南北不相通爲必取計尋

以疾還八年加平章軍國重事帝曰兩省院臺遇大事卿可共

商之小事不以煩也十年春復與阿朮等進拔樊城襄陽降詔

與丞相伯顏總大軍水陸並進至郢州疾作還襄陽帝遣侍臣

諭曰卿自朕祖宗以來宣力最久且首事南伐異日功成皆卿

力也勿以小疾阻行爲憂可北歸善自調護歸至真定帝又遣

其子杠偕尙醫馳視天澤附奏曰臣死不足惜但願天兵渡江

慎勿殺掠語不及它卒年七十四計闡帝震悼賻白金二千五

百兩贈太尉諡忠武後封鎮陽王天澤年四十始折節讀書尤

熟資治通鑑拜相之日門庭悄然或勸以權自張天澤舉唐韋

澳告周墀之語曰願相公無權爵祿刑賞天子之柄何以權為

言者慙服當金末名士流寓失所者悉為治其生而賓禮之後

多致顯達破歸德釋李大節狀神俱作不殺送至真定署為參

謀衛州五城為食邑命王昌齡作王治之舊人多不平而莫

能間是以出入將相五十年上不疑而下無怨人以此郭子儀

曹彬云行狀云天澤初紹兄職及兄子緝長即奏請還職太宗

姪權充唐鄧軍萬戶憲宗駐六盤山詔發民為兵敕使者擬天

澤子為帥天澤曰吾昆弟三人大兄之子俱顯仲之子未也幸

先之竟以姪樞充新軍萬戶天澤耕錄云天澤髭鬚早白一朝

忽盡黑世皇見之驚問對曰臣覽鏡見髭鬚盡白竊傷年且暮

盡忠之日短因染之使子格字晉明初為鄧州舊軍萬戶從

報効之心不異疇昔耳

攻襄陽平章阿朮將二十三萬戶居前每五萬戶擇一人為統帥格居其一格軍先渡江為宋將程鵬飛所却身被三創尋復大戰中流矢鵬飛亦被七創乃敗走從攻潭州礮激柵木傷肩

矢貫其手褰創先登克之授軍民安撫使從攻靜江衆以輶輜  
自蔽鑿城格所當礮礮雨下車不得前乃伺隙率衆攀堞而上  
拔其城靜江被兵久溪洞諸蠻皆竄入雲南格遣使招諭來者  
五十餘州雲南爭之事聞詔聽格節度授廣東西道宣慰使劇  
賊蘇仲集宋潰卒據鎮龍山耕植於內官軍畏暑莫敢入橫象  
賓貴四州皆被掠格築堡於其界守以土兵令官軍火其廬柵  
民踐其禾稼仲窮憾遂降累官江西行省右丞餘子樟真定順  
天新軍萬戶棣衛輝路轉運使杠湖廣右丞杞淮東廉訪使梓  
同知澧州楷同知南潯府彬中書左丞孫耀福建平章

淵曰鎮陽惻惻執謙憂盛闔門効忠趣解兵柄出入將相  
門庭闐然舉韋澳語願公無權武臣有此詎曰非賢

廉希憲字善甫畏吾兒人父布魯海牙年十八隨國主內附充

宿衛太祖以居里可汗女石抹氏配之授斷事官俾得專生殺  
有誤毆人死者吏論法常抵其子號泣請代布魯海牙令吏執  
赴市戒曰懼則殺之旣而不懼乃曰誤毆傷人情有可宥子而  
能孝義無可誅囚并釋焉方拜燕南廉訪使希憲適生喜曰是  
兒必大吾門吾聞古者以官受氏天將以廉啟吾宗乎遂以廉  
爲姓希憲生而魁偉舉止異凡兒甫九歲家奴四人盜五馬逸  
去旣獲於法當死父怒將得宥司希憲泣勸止得免又嘗侍母  
居中山有二奴醉出惡言希憲曰是以我爲幼也卽送繫府獄  
杖之人奇其識世祖爲太弟時希憲年十九得入侍篤好經史  
一日方讀孟子聞召急懷以進世祖問其說遂以性善義利仁  
暴之分對世祖嘉之目曰廉孟子由是知名歲甲寅世祖以京  
兆分地置宣撫司命希憲爲使京兆控制隴蜀環匝諸王貴戚

戶雜戎羗號難治希憲摘伏摧姦無稍避暇則從名儒許衡姚

樞輩諮訪治道首請用衡提舉學校教育人材為根本計元明善神

道碑云又薦智仲可叅綜府事題所居堂曰止善公退有旨凡

為士者無隸奴籍京兆多豪右格不行希憲至悉令著籍為儒

家傳云有稍通章句者亦哀已未世祖渡江取鄂州命入籍府

庫希憲引儒生百餘拜伏軍門碑云上指庭實曰恣汝因言王

師渡江凡軍中俘獲士人宜官購遣還以廣異恩世祖嘉納還

者五百餘人會憲宗計至希憲啟曰殿下太祖嫡孫先皇母弟

前征雲南尅期撫定及今南伐率先渡江天道可知且殿下收

名才傑悉從人望子惠黎庶率土歸心今神器無主願速還京

師正大位以安天下世祖命希憲先行觀變對曰聞劉太平霍

魯懷在關右渾都海屯守六盤征南諸軍尚散處秦蜀太平自

先朝用事與諸將要結其性險詐素畏殿下英武倘倚關中形  
勝作異謀誠非細故請遣趙良弼西行假以他事偵之時阿里  
不哥構亂北邊遣脫忽思發河朔民爲兵反形已著宗王塔察  
兒東諸侯之長也欲往結好而難其使希憲請行乘間卽以已  
意白王宜首建翊戴功王許身任事歸啓其言世祖曰此事關  
重大卿何不懼之甚邪庚申三月至開平宗室諸王皆勸進世  
祖猶謙讓未允希憲復以天時人事爲言且曰阿里不哥於殿  
下爲母弟居守朔方專制有年萬一正位號以璽書見徵我爲  
後時莫若早定大計世祖遂以明日卽位良弼還自關右奏劉  
太平霍魯懷反狀皆如希憲言會併陝西四川爲一道以希憲  
爲宣撫使商挺副之趙良弼參議省事太平等聞之乘傳急入  
京兆謀爲變越二日希憲至宣布詔旨遣使安諭六盤未幾斷

事官濶濶出來告渾都海已反殺所遣使者約其黨密里火者于成都乞台不花于青居同舉事又多遣蒙古軍奧魯官兀奴忽等金帛使盡起新軍且約太平魯懷同日俱發希憲得報名僚屬謂曰上新卽位倚任吾等正爲今日宜早爲之所乃遣萬戶劉黑馬治中高鵬霄華州尹史廣掩捕太平魯懷且得其與六盤要結狀置之獄復遣劉黑馬誅密里火者總帥汪惟正誅乞台不花具以驛聞時關中無兵命權帥汪良臣史作汪惟良將秦鞏諸軍討渾都海于六盤良臣以未得旨爲辭希憲卽解所佩虎符銀印授之曰此皆身承密旨君但辦吾事制符已飛奏矣更發帑銀以充賞出庫幣以製軍衣良臣感激遂行又發蜀卒更戍及在家餘丁推蒙古獄巴春史作春將之謂曰君所將之衆未經訓練六盤兵精勿與爭鋒但張聲勢使不得東下則大事



濟矣俄有詔赦至希憲聞之曰太平魯懷豈常赦所可原者命  
誅于獄尸諸通衢然後出迎詔旋上書自劾停赦行刑及擅調  
軍帥等罪帝別賜金虎符使節制諸軍且報曰朕委卿方面之  
任當便宜從事毋拘常制坐失事機西川將紐隣與魯官將舉  
兵應渾都海巴春獲之械至京兆請殺之希憲謂僚佐曰渾都  
海不能乘勢東來保無他慮今衆志猶懷反側彼軍見其主將  
囚執或生異心不若因其懼死並加寬釋使之感恩思報就發  
此軍餘丁往隸巴春上策也初巴春旣執諸將一軍疑懼謀爲  
亂及知二將獲全乃大喜過望願出死力果得精騎數千巴春  
將與俱西及收宣撫司爲行中書省以希憲爲右丞行秦蜀省  
事渾都海聞京兆有備渡河趨甘州阿藍答兒自和林提兵與  
之合分結隴蜀諸將又使宿敦爲書招其弟紐隣于是成都興

元青居諸路震動渾都海阿藍答兒合軍而東諸將戰失利朝  
議欲棄兩川退守興元希憲力言不可乃止會親王合丹率騎  
兵與良臣巴春等合大戰于甘東擒送二叛首磔之京兆市事  
聞帝大喜曰希憲真男子也進行省平章賜宅一區時年僅三  
十希憲奏四川降民皆散處山谷宜敕軍吏禁俘掠違者千戶  
以下與本犯同罪由是蜀民得安降者益衆東川帥欽察獲宋  
臣張炳震王政送京兆二人俱以母老求歸希憲縱之還鎮戎

州有謀叛者連引四百餘人希憲案誅首惡五人餘不問

碑云東川

帥欽察誣奏聞州降將楊大淵反希憲手書與大淵開誠撫慰大淵感泣軍府乃安宋將劉整以瀘州降

盡繫前歸宋者數百人待報希憲奏釋之且致書宰臣待整以

恩當得其死力

輟耕錄云劉整初附來謁希憲據中坐令整入展拜側立整求退謂曰汝欲有所言明日當詣

政事堂頃之宋士在羈旅者數十人袖詩文求見希憲出至大門肅入諸儒言困苦乞歸明日爲言于上皆遂其請或問其故

希憲曰我爲國大臣言動繫天下輕重整雖貴賣國叛臣也汝  
折辱之令知君臣義重若寒士皆誦法孔子者今斯文不絕如  
綫我更不尊禮凡宋將家屬在北者歲給其資糧北人仕宋者  
儒術將掃地矣

子弟得越界省親人皆感之興元判官費寅一作費寅蜀降人也

以私怨譖希憲與挺當李壇叛時嘗繕城治兵潛蓄異志者九

事帝心動命右丞南合往代且覆視所告事卒無實會良弼亦

以死力辯其誣帝意尋解詔希憲還朝陛見奏曰方關陝叛亂

川蜀未寧臣便宜行事不謀佐貳誠如寅言罪止在臣請付有

司按治帝撫膺曰當時之言天知之朕知之卿果何罪慰諭良

久拜中書平章政事建言國家自開創以來凡納土及始受命

之臣咸令世守逮今將六十年故其子若孫並奴視部下都邑

長吏皆其隸役此前古所無急宜更張之于是始罷州縣官世

襲行黜陟遷轉法至元元年丁母憂率親族行古喪禮寢臥草

土廬墓旁一慟輒嘔血宰執以憂制未定欲力起之相與詣廬  
聞號痛聲竟不忍言而去未幾有詔奪情視事希憲雖不敢違  
然出則素服入必縗絰及喪父亦如之時阿合馬領左右部專  
總財賦會其黨相攻擊帝命中書推覆衆畏莫敢問希憲窮治  
其事以狀聞杖阿合馬罷所領歸有司帝曰吏廢法而貪民失  
業而逃工不給用財不贍費先朝患此久矣自卿等爲相朕無  
此憂對曰陛下聖猶堯舜臣等未能以臯夔稷契之道贊輔太  
平良深抱愧今日小治未足多也有內侍傳旨入朝堂言事希  
憲曰此闕宦預政之漸不可啓奏杖之言者訟丞相史天澤親  
黨布列中外威權日盛詔罷天澤政使待鞠希憲曰天澤事陛  
下久陛下知其可付大事用爲輔相小人一旦有言陛下當熟  
察其心跡今日信臣故臣得預此旨他日有訟臣者臣亦遭疑

矣臣等備員政府陛下之疑信若此何敢自保天澤旣罷亦當  
罷臣帝良久曰卿且退明日名諭曰昨思之天澤無對簿者事  
遂解有訟東川帥欽察爲變者帝敕中書急遣使誅之明日希  
憲覆奏帝怒曰尚爾遲回邪對曰欽察大帥以小人一言被誅  
民心必駭宜速至與訟者廷質然後暴其罪於天下詔遣使按  
問其事竟無實得免希憲每於帝前論事無少回曲帝曰卿昔  
事朕王府多所容受今爲天子臣尙爾木強邪對曰王府事輕  
天下事重一或面從天下將受其害臣非不自愛也方士請煉  
大丹敕中書給所需希憲奏曰秦皇漢武多爲方士誑惑堯舜  
得壽豈由大丹帝遂却之時方尊禮國師帝命希憲受戒對曰  
臣受孔子戒矣帝曰孔子亦有戒邪對曰爲臣當忠爲子當孝  
孔子之戒如是而已初立御史臺設各道提刑按察司阿合馬

以不便於已請罷之希憲曰立臺察古制也內則彈劾奸邪外則察視非常訪求民瘼裨益國政事無大於此者若欲罷之必使上下專恣貪暴公行然後可邪阿合馬語塞詔釋大都囚西域人匿贊馬丁常用事先朝為怨家所訴繫獄會赦得出時希憲在告未署牘車駕還自開平怨家復訴於帝希憲取堂判補署之曰天威莫測豈可幸不署以苟免邪遂入見以詔書為言帝曰詔釋囚耳何嘗有詔釋此人對曰獨不釋此人臣亦未聞有此詔帝怒曰汝等號稱讀書臨事乃爾宜得何罪對曰臣等忝為宰相有罪即當罷斥乃與左丞相耶律鑄同罷家傳云希憲家居教子憂國之心食息不忘聞一令之苛戚見顏間或一事裕民喜至忘寐每歎曰陽豈可無陰亦無絕理也聖人進君子抑小人盡人道耳一日帝問侍臣曰希憲家居何為侍臣以讀書對帝曰讀書固朕所樂聞然讀之而不肯用多讀何益阿合馬因讒之曰

希憲日與妻孥宴樂耳帝變色曰希憲清貧何從宴設嘗有疾  
帝遣醫診視言需沙糖作飲時最艱得頃之阿合馬饋至希憲  
却之曰使此物果能活人吾終不以奸人所與求活帝聞之特  
賜三斤國王頭輦哥鎮遼陽人言其擾民不便時希憲移疾已  
三年特起爲北京行省平章將行命肩輿入見帝曰昔在先朝  
卿深識事機每以帝道啓朕及鄂漢班師屢陳天命朕心不忘  
政府要地卿實宜居顧自甘恬退耳遼霽戶不下數萬諸王駙  
馬分地在焉彼素憚卿名故特命往鎮卿宜體朕意有西域人  
自稱駙馬營于城外繫富民誣其嘗貸息錢索甚急希憲命收  
捕之其人怒乘馬入省堂坐榻上希憲命捧下跪問曰法無私  
獄汝何人敢擅繫民令付獄吏其人惶懼乞哀國王頭輦哥亦  
爲之請乃稍寬令待對夜舉營遁

碑云塔察兒使者傳令國王  
起立聽希憲坐自如曰大臣

無為諸王屈也長公主入朝縱獵郊原希憲欲入奏公主恐曰從者擾

民吾實不知願以鈔萬五千貫還斂民之直自是貴人過者莫

敢縱在鎮甫年餘會阿里海牙取江陵圖地形來獻請命重臣

開大府鎮之帝急召希憲還使行省荆南諭曰荆南初入版籍

欲使新附者感恩未來者向化宋知我朝有臣如此亦足以降

其心南土卑濕非卿所宜特以大事付託度卿不辭賜田以養

居者馬以給從者希憲曰臣每懼才識短淺不能負大任何敢

辭疾然敢辭新賜以安臣分比至阿里海牙率其屬郊迎望拜

塵中荆人大駭即日禁剽奪通商販兵民以安家傳云先是政

閉燈火禁嚴民驚疑未定希憲即日令諸軍歸營騎兵徙屯高

做以便牧養非調發不得輒出關城四門無得拘檢弛燈火禁

帖然首錄宋故官擇二十餘人以備採訪左右或難之希憲曰

今皆朝廷臣子何用致疑初宋故官入謁必廣羅珍貨希憲拒



之且曰汝等當念聖恩力圖報効今所饋若已物我取之爲非

義一或係官事同盜竊若斂於民則爲罪滋大衆皆感激謝去

碑云希憲既不納諸人贊金見者輒獻所俘男女希憲受之聽其歸完婦者感德曰相廉民云令凡被俘之人

敢殺者以故殺平民論爲軍士所掠病而棄之道者許諸人收

養病愈故主不得問私立契券質賣民妻子者重其罪仍沒入

其直先是江陵城外多壅水扞城希憲命決之得良田數萬畝

給貧民爲業發沙市倉粟之不入官籍者二十萬斛賑公安饑

更大興學校選教官置經籍且日親詣講舍以厲諸生碑云撤

復竹林書院與書萬四千卷學者日盛西南溪洞及思播重慶各土司俱越境請

降事聞帝曰累代非用兵不可得今希憲能令數千里外越境

納上其爲治可知矣名臣事畧云鎮遠溪洞蠻以樂工四十人

曰而輩獨無妻子乎驅迫而來豈其心帝以其臥疾久十四年

續弘簡錄 卷十一 三 幸輔一

春名還民號泣遮道相與畫像建祠祀焉五月至上都太常卿  
田忠良來問疾希憲謂曰上都龍飛之地天下視爲根本近聞  
龍岡失火延及民居此常事耳慎勿令妄談地理者感動上意  
未幾果有以徙置都邑奏者樞密副使張易中書左丞張文謙  
與廷辯力言不可帝不悅明日召忠良質其事乃以希憲語對  
帝曰希憲病甚顧猶慮及此邪議遂止徵揚州王仲明來視疾  
服其藥能杖而起帝喜謂曰卿得良醫行漸愈矣對曰醫不過  
持善藥以療臣疾苟能自加戒慎則或可望瘳設或縱情良醫  
何益十六年春詔復入中書希憲稱疾篤皇太子遣侍臣問疾  
因問治道希憲曰君天下在用人用君子則治用小人則亂臣  
病雖劇委之於天所憂大奸專政羣小阿附誤國害民病之大  
者殿下宜開聖意早爲屏除不然日就沉疴不可藥矣戒其子

曰大丈夫見義勇為禍福無預於已謂臯夔契伊傅周召為

不可及是自棄耳天下事苟無牽制三代可復也又曰汝讀狄

梁公傳乎梁公有大節為不肖子所墜汝輩宜慎之明年十一

月十九日有大星隕于舍旁流光照地是夕卒年僅五十成宗

大德中累贈恒陽王諡文正子六人季遼陽行省僉事恪台州

路總管恂中書省平章忱邵武路總管恒御史中丞惇江西行

省參政家傳云商挺以博古名世嘗謂宜蓄古器物以廣見聞

萬柳堂暇則從弟希賢字達父年二十與希憲同侍禁中小心

慎密至元初北部王拘殺使者世祖欲選使往諭廷臣推希賢

可至則宣布上意辭旨條暢王悔謝贈貂裘一襲白金一笏還

奏帝喜即以賜之丞相伯顏伐宋既渡江帝授希賢禮部尚書

與工部侍郎嚴忠範秘書丞柴紫芝持國書使宋至建康希賢

請兵自衛伯顏曰行人以言不以兵兵多徒足爲累希賢固請  
乃以銳卒五百與之行至獨松關守關者不知爲使襲殺之張  
濡以爲已功受宋上賞知廣德軍明年宋亡獲濡殺之遣使護  
希賢喪歸復籍濡貲產給其家死時年二十九

冊曰廉公孟子趙公論語正大無頗廉尤高舉不媿讀書  
爲時良輔用雖不終讒莫能阻夫豈偶然炳烺千古

商挺字孟卿曹州濟陰人其先本殷氏避宋諱改焉年二十四  
汴京破北走東平嚴實聘爲諸子師實卒子忠濟嗣辟爲經歷  
贊忠濟興學教士元明善墓碑云與世祖在潛邸聞其名徵至

鹽州間陪宴語因曰挺來時李壇城胸山東平當饋米萬石東  
平至胸山率十石致一石且車淖於雨必後期後期罪死不若  
輸沂州使壇軍取食便世祖曰愛民如此忍不卿從楊惟中宣

撫京兆辟挺爲郎中兵火之餘八州十二縣戶不滿萬挺佐惟

中黜貪暴出淹滯務農薄稅期月民乃安且請減關中常賦之

半及惟中罷廉希憲來代中堂事記云挺馳奏關峽重地大亂後餘風有未殄者非希憲不能填撫

中外以挺爲宣撫副使尋命兼轄懷孟境內大治戊午罷宣撫司

挺還東平會憲宗親征蜀世祖將趨鄂漢次小濮召挺問軍事

對曰蜀道險遠萬乘豈宜輕動世祖默然久之曰卿言正契吾

心及憲宗崩世祖北還道遣張文謙與挺計事挺曰軍中當嚴

符信以防姦僞文謙急追及入奏世祖大悟曰向無一人見及

此非挺幾敗大計速遣使至軍立約未幾阿里不哥之使果至

軍中執斬之名挺至開平密定大策挺與希憲良弼力言先發

制人後發人制順逆安危間不容髮今中外皆願大王早登天

位事勢至此豈容中止世祖從其言既卽位挺奏曰南師宜還

扈乘輿西師宜軍便地從之中統元年以希憲及挺宣撫陝蜀時哈刺不花駐兵六盤山與阿里不哥遙應挺謂希憲曰爲六盤有三策悉銳而東直擣京兆上策也聚兵六盤觀釁而動中策也重裝北歸以應和林下策也希憲曰彼將何從挺曰必出下策已而果然蜀降將費寅以私怨訟挺與希憲于朝帝召挺便殿問在關中懷孟兩著治效而毀言日至豈同寮有沮卿者邪抑位高而志怠邪對曰臣在秦三年多過其或從權以應變者有之若功成歸已事敗分咎於人臣必不敢請就戮旣出帝顧近臣數挺前後大計凡十有七因歎曰挺功如是猶自言有罪誰復爲朕戮力者至元元年召拜參知政事帝留意經學挺與姚樞竇默王鶚楊果分纂五經要語凡二十八類以進六年同僉樞密院事手定軍官品級給軍吏俸餉汰不勝軍者戶三

冀戶一丁者亦汰之丁多業寡業多丁寡者許財帛相資令出一軍著爲令九年封皇子忙哥刺爲安西王以挺爲王相王曰關中事有不便者可悉更張之挺進十策曰瞻視隣安人心敬民時備不虞厚民生一專權清心源謹自治固根本察下情王爲置酒嘉納王薨王妃使挺請命于朝以子阿難答嗣帝曰年少未習祖宗大訓卿姑行王相府事先是運使郭琮郎中郭叔雲與王相趙炳構隙或告炳不法妃命囚之六盤獄以死事詳趙炳傳朝廷惡其擅殺執琮等鞫問伏辜初與挺無與也有王府女奚徹徹者以預二郭謀臨刑望救忽有曖昧語連挺并及其子獻帝怒拘挺而下獄獄且命趙氏子曰商孟卿老書生可與諸儒讞其罪尙書青陽夢炎以議勳奏曰臣宋儒不知挺向來之功可補今日之過否帝不悅曰是同類相助之辭也符寶郎董

文忠曰夢炎不知挺何如人臣以曩時推戴之功語之矣帝良

久曰其事果何如對曰臣自未睹耳固聞之殺人之謀挺實無

與帝默然十六年春有旨籍其家是冬始釋二十年仍任樞密

副使俄以疾免明年趙氏子復訟父寃挺又被繫百餘日乃釋

名臣事畧云挺再被繫得釋乃歎曰蘇端明貶黃州作雪堂于東坡貶惠州築室于白鶴觀若將終身遂葺小圃于都城南有

阜曰左山自號左山老人二十五年帝問中丞董文用曰商挺年今幾何對

曰八十帝甚惜其老而歎其康強是年冬卒有詩千餘篇尤善

隸書仁宗延祐初追封魯國公諡文定子琥字台符至元中

拜南臺御史屬地震上書言昔漢文帝有此異而無其應蓋以

躬行德化而弭也因條陳漢文時政以進後遷國子司業有夔

齋文集 瑋字禮符為右衛屯田千戶年三十即辭祿侍親築

居曰晦道堂 琦字德符泰定初官秘書卿工畫山水

居曰晦道堂 琦字德符泰定初官秘書卿工畫山水



趙良弼字輔之女真人

名臣事畧作趙州贊皇人

本稱木要甲音訛為趙家

因以趙為氏父兄及兄子凡四人俱為金死事良弼明敏多智

畧初舉進士教授趙州

姚燧廟碑云崔立之亂良弼侍母懷牒及祖父遺繪曰非是無以知吾生族將

歸趙渡河爭舟艇刃及母首良弼臂受之幾折兵顧見哀之手

援以登輦母北歸日從名儒講論尤致意司馬通鑑歷代典章

制度地理阨塞無不記憶

世祖在潛邸召見占對稱旨擢邢州安撫幕長及

立京兆宣撫司以良弼參議司事阿藍答兒為陝西省左丞相

劉太平參知政事鈞考京兆錢穀煅煉死者二十餘人眾皆股

栗良弼力陳大義詞氣慷慨二人卒不能誣以故宣撫司一無

所坐世祖南征召參議元帥府事兼江淮安撫使憲宗崩世祖

北還遣良弼如京兆察秦蜀人情不踰月具得實還報曰宗王

莫哥無他心宜以西南六盤悉委屬之渾都海屯軍六盤士馬

精強咸思北歸恐事有不測紐隣總秦川蒙古諸軍年少驚勇

輕去就當寵以重職速解其兵柄劉太平霍魯懷聲言辦餉陰  
有據秦蜀志百家奴劉黑馬汪惟正兄弟蒙被德惠俱悉心俟  
命後皆如其言世祖既卽位立陝蜀宣撫司以廉希憲爲使商  
挺副之良弼參議省事中統元年渾都海果叛良弼與宣撫決  
計執其黨乞台不花密里火者誅之希憲慮有擅殺名遣使入  
待罪良弼具密狀授使者言始遣捕二帥時止令囚以待報臣  
竊以爲張皇不便宜急誅擅殺在臣實不在宣撫使若上怒願  
使者卽出此奏帝竟置不問蜀降將費寅以私憾誣希憲與挺  
在京兆有異志引良弼爲徵帝名詰問良弼泣曰二臣忠良保  
無是心願剖臣心以明之帝意不釋會平李壇得王文統交通  
書益疑二臣切責良弼至欲斷其舌良弼誓死不少變帝意乃  
解寅卒以反誅累官同僉樞密院事丞相伯顏伐宋良弼言宋

重兵在揚州宜以大軍先擣臨安後訖如其計帝嘗從容問曰  
高麗小國也匠工弈技皆用漢人至於儒士皆自謂通經書學  
孔孟今惟務課賦吟詩將何用焉對曰此非學者之病在國家  
所尚何如耳久之以疾辭居懷孟良弼故有地三千畝析爲二  
六與懷州四與孟州皆永隸廟學贍生徒自以出身儒素示不  
忘本也或問爲治之要良弼曰必有忍乃克有濟人性易發而  
難制者惟怒爲甚必克已然後可以制怒必順理然後可以忘  
怒能忍所難忍容所難容事斯濟矣卒年七十追封韓國公諡  
文正良弼常奉使日本閱四年始歸語詳載記

匪曰卓哉商趙遭時遇主推戴功高並稱良輔末路幾危  
蒙難名侮何如採薇令名不腐

續弘簡錄卷十一終

續弘簡錄

卷十一